

ASO TOFI, 23 JANUARI 2014

Na nofoia le Nofoa e le Fofoga Fetatali i le itula e 9:00 i le taeano.

Tatalo.

FOFOGA FETALAI: Ou te manatu ua tatou taunuu i le taeano manuia ma le soifua maloloina lelei le paia o le Maota i lenei taeano fou. E faatalofa atu ma ofo alofa atu i tulaga aloaia i le alafai mai ma le soifua manuia ua tatou sagisagi fiafia ai ma ua tatou toe felioai ai i le faaanauina o a tatou galuega i lenei taeano. Ia vilia le Atua i Lona alofa ma Lona agalelei.

Ua maea le aso ananafi sa tatou feagai ai ma le tele o le tatou galuega. O a ni upu ma ni tala, o ni tu ma ni aga ma ni ambiga, e silafia e le Atua mea uma, ae faafetai i lenei taeano fou ua vaavaai atu ua sagisagi fiafia mai le Maota aua le faaanauina o a tatou galuega masani.

E faatalofa atu foi le tapuiga a lo tatou atunuu. Faafetai Samoa le tui mai o le mulipapaga ma la outou tatalo le Aufai Tatalo. O le a alo atu lau Palemene aua le faaanauina o galuega o lenei aso.

TUUINA ATU O PEPA

Na tolaulauina e le Failautusi le Pepa ua tuuina atu e tusa ai ma T.T.48.

1. P.P.2013/2014 Nu.17, Lipoti Faaletausaga a le Ofisa o le Loia Sili mo le tausaga Iulai 2001 – Iuni 2012.

**TULAFONO TAU FAAOFI O LE FAATATAUINA O TUPE
FAAOPOPO (NU.1) 2013/2014 – felafalafaiga faaanau i luga o le
faitaanga faalua – Aso 3**

FOFOGA FETALAI: E tolopo Galuega i le Aso Fono ananafi o lo o saunao le Minisita mo Leoleo, Falepupui ma Auunaga tau Tinei Mu e talfafaitau i mataupu sa laga e sui usufono i luga o le faitaanga faalua o le Tulafono Tau Faaofi o le Faatatauina o Tupe Faapopopo (Nu.1) 2013/2014.

O lea ou te toe valaau atu ai ma le faaalotoli i lau Afioga i le Minisita mo Leoleo, Falepupui ma Auunaga tau Tinei Mu mo le faaanauina o lau tahi.

E fia faaleoina ma le agaga faaalotoli i lau Afioga ma le Matagaluega le aso ananafi e pei foi ona faasilasila e le Fofoga Fetatali le tatou Fono Tatalo i le po anapo.

Tulafono Tau Faoofi o le Faatatauina o Tupe Faaopoopo (Nu.1)
2013/2014 – felafolafoaiga faaaauai i luga o le faitauga faalua

E faafetai atu foi i le paia ma le mamalu o le Palemene sa auai. E momoli atu le faafetai tele i lau Afioga i le Minisita aemaise le Taitai o le Sauniga ma le Matagaluega o Leoleo. Tau ina ia to ni manu aua le tatou folauga i lenei tausaga aemaise foi le faaaauaina o ni manuia mo le Matagaluega. Tulai mai lau Afioga i le Minisita.

Afioga Hon SALA FATA LISATI PINATI (Minisita mo Leoleo, Falepuipui ma Auauunaga o Tinei Mu ma Faalavelave Tutupu Faafuasei): E momoli atu lau faafetai i lau Afioga i le Fofoga Fetalai. Ou te manatu o lea ua e siitia le taulaga ae a le Atua ma Lona finagalo aua o le Atua lava e Faavae ai lo tatou Malo o Samoa.

Ou te faafeiloai atu i le paia lasilasi o le Maota nei i le affo o lau Afioga i le Palemia faapea foi le Aiga Minisita ma lenei Itu o le vai, lau Afioga i le Taitai o le Iru Agai faapea foi sui usufono mamalu o le Palemene aemaise le mamalu i usugafono aemaise o Ofisa Sili o Pulega i Matagaluega eseese o lo o tatou molimauna lenei taeao fou.

O le a nuunuu atu ia paia o Samoa aua o paia lava ma sa e le aveva, ae talu ai ona o le manumano i le taimi ma le tulaga e pei ona i ai le Palemene o Samoa i lenei taeao, o le a taumafai atu e tali e tusa ai ma finagalo faaalua o sui usufono i le aso ananafi.

E maea le aso ananafi o ou tautalagia le tulaga ua oo atu i ai le faaleleia o nofoaga i Tafaigata ma Oloamanu. O fuafuaga tuutuu mamao o lo o faataatia mai nei i Oloamanu, o lo o i ai se vaegatupe o lo o faapea ona fuafua e faaleleia ai nofoaga aua Malu o le Malo. E moni ai e pei ona aumai i le Lipoti a le Komiti, na o le toafa leoleo ae toa 60 le aofai o i latou o lo o latou vaaiia. Ma o le agaga lava lea, ia faapea ona malupuipuia, a o se tulaga foi i ni fale poo ni nofoaga e mau ai aua le saogalemu o i latou aemaise foi o se mea e tofafa ai pe a maea galuega o le aso. O lea ua i ai le fuafuaga, o nei mea uma e pei ona tautalagia, ua maea foi ona avatu sau faaaliga i le tele o Fono ua tuanai, o mea e talanoaina i nei i le Maota e leai lava se mea e le tino mai ma le faamoemoe ina ia faapea ona logosaia ma aumai lo outou faatuatuga. O Tala lava o le Tupe e fua i ai le malosii, o a lava ni mea e finagalo le Malo e fai faapea foi le Maota, e tino lava e pei ona aumai ai a outou fautuaga i le faaleleia o lea vaega.

O le tulaga e pei ona saunoo i ai le sui usufono mo Aleipata Itupa i Luga i le maota o leoleo o lo o faapea ona moomia se faaleleia, o fuafuaga foi e pei ona ou fai atu, e faatino lava, ae talu ai ona o le utiuti o le seleni, o le ala lea. Ae ou te faamalu atu i le sui usufono mamalu, e le olegia e fou nei tagata sui usufono mamalu, ae faafetai le taulagalaga aua e moomia lo outou lagolagosua ma faufautua, o i ina e maua ai se manumalo ma se alualu i luma o le tatou Matagaluega; o le agaga lea.

O le tulaga e pei ona saunoo ai nisi sui usufono; ua saunoo foi le sui usufono mo Faleata Sasae e tusa ai ma le tulaga ua i ai le investigation ua tulai mai i le Komesina ma le Sui Komesina i le Toese.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

Ou te faamalulu atu, o le vaega lea e le gafataulimaina e lou nei tagata. O lo o faaauau pea suesuega ma o se taimi masalo e le o toe mamao ae faapena loa ona maua mai se tali mai le Ombudsman o lo o faapena ona latou autililiina tulaga uma ia aua le nofo lelei ma sagatonu tulaga o i ai suesuega. Mo lo outou silafia, o le aofaiga o molimau sa tulai mo le mataupu i le Komesina ma le Sui Komesina, masalo pe 126 le aofai o i latou sa molimoli mai le latou faasea a o ni faitioga foi e faasaga ia te i laua.

Lau Afoga i le Fofoga Fetala'i, toe pau lava lea e pei ona taua le promotion. E moni, ae mo le silafia o le Maota, e limataitaina uma lava vaega ia i lalo o le PSC. O vaega uma ia e pei ona i ai, e fai foi o le sititia o i latou i se tulaga e pei ona moomia, a o le tofotofi foi. E le mafai lava ona solia e au nei poo le Matagaluega pe matou te la'oa a o lo o faapena ona i ai le tapulaa i le vaega lea e limataitaina ai ma e faapea lava ona ustata. O lea e momoli atu ai le agaga faafetai i le faotofalaiga a o se timaiga foi aua le sololelei ma le manuia o le Matagaluega.

E faafetai atu ai i le Maota i le taulagalaiga. Ou te faamalulu atu foi i le Maota, a ua le tautamalii se tautua a le Matagaluega po o ua laavale foi se faamatatalaga aemaise foi o nisi o tuuaiga e tusa ai ma molilaga ua aafia ai le Sui Palemia, e avatu ai valimalu i puega. E le avea le lagomate e tasi e fai ma mea o le a manogi ai le lolo e pei o lea tulaga, ae tofu lava le tagata ma le sese ma e leai lava se isi e atoatoa. A o le tulaga moni lava ia, a sese lava se isi o le Matagaluega, o ai lava e pau i ai o au lava lenei e tu atu. O lea ou te faamalulu atu ai i vaega uma tau i le auauuga. Ia aumai ia te au lo outou faatuutuga o le a faapena lava ona saili i ai i se vaifofo ina ia faapea ona maua le nofo lelei i le faautautaga aemaise foi le nofo lelei i le vatupuia o i tatou nei aemaise le mamalu o le Maota i ona tulaga maualuga, aua o i tatou na filifilia e itumalo taitasi, o fetuao o le Matagaluega. E momoli atu ai lou agaga faafetai i le faapalepale ma le onosai.

I lenei la taimi ou te talikouu ua maea se tali a lou nei tagata, ae momoli atu le agaga faafetai i si ou itumalo o lo o faapea ona nofo tapuai mai a o alofaiva Samoa ma lona Palemene i ana Fonotaga. Ia soifua ma ia manuia.

FOFOGA FETALAI: Malo faafetai saunua i lau Afoga i le Ministia mo Leoleo ma Falepuipui, Afoga i le Saofetala'i. E manatu o lea ua tali manino aua finagalo ma manatu ma lagona sa tuuina atu e Afoga i sui usufofo. Faafetai mo le faotofalaiga aemaise le tali mai a le Matagaluega. Ua tatou oo mai i le Ministia mo Galuega, Felauaiga ma Atinae Eeseese. Tulai mai lau Afoga i le Ministia.

Afoga Hon MANUALESAGALALA ENOKATI POSALA (Ministia mo Galuega, Felauaiga ma Atinae Eeseese): Lau Afoga i le Fofoga Fetala'i, o lea ua e sititia le tatou faafetai i le Atua ma o le viiga e le faaititia.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafoaiga faaaauu i luga o le faitauga faalua

Ua fulufao le vaa o mala aua ua ae ma le manumalo le tatou folauga i le faaiuga o lena tausaga aemaise o le amataga o leni tausaga fou. Afio lau Afioa i le Fofoga Fetalai, aemaise le afio o lau Afioa i le Palemia, o le mamalu faalupea o le Maota Fono nei o le Palemene o Samoa, aemaise foi le tapuaiga a le Tafatolu o Faigamalo, a lo o olo pea le fua ma po le fala e Samoa o le aomamala, mai mauga silisili scia paia ona gataifale. Nuunuu laia faatini o tausala aua ua taoto i fata, e le toe sii foi se matalalaga pe fati se ala. A ua talatu nei le tafaoga e tusa ai ma saunoaga o le taeco aua le Tala Faatatau Faaopoopo (Nu.1) o le Tupe 2013/2014. A silasila totoa i ai, e leai se vaegatupe o faaagaaga mo leni Matagaluega. O lona uiga e le tatau foi ona i ai ni mataupu e tatau ona laga e tusa ai ma le auunanga, peitai, e tumu i le faaaloalo.

Ona ou amata mai lea i le Pulega o le Suavai. O lena ua maua sa tatala suavai taumafa faamama ma faatanoa i Vailele, Tapatapao poo Aleisa, ae o loo faagasolo pea le faataatiaga o paipa ina ia mafai ona sopolia vaega uma o le atunuu e tatau ona oo i ai le suavai i ia vaega. Ua tatala foi o tatou pamuvai e pei ona i ai le pamuvai i Falelima. Ua faasopolia foi le Alataua Sisifo ma o loo faaaauu pea ona faatino le galuega i Falelima, Tufutafoe ma faaaauu ai pea le galuega i Falealupo. Ua tatala foi le pamuvai i Falelauniu ma ua mafai ona faasopolia. O lo o faatino pea galuega e oo mai i le taimi nei, ua avatu foi le talosaga i aiga o i latou e tatau ona talosaga mai ma fai fesootaiga i paipa. A o lo o faagaotioi pea le tulaga o le faataatiaga o tatou paipa ia. O le agaga-maualuga ia maua le suavai taumafa mama i soo se vaega o le atunuu e au i ai le auunanga a le Pulega o le Suavai.

Ua maea ona vili le vai i Lepa, o i a oo ina mugala ua matua leai se vai mai le faatanoa, a lea ua taumafai ina ia faasopolia atu i Saleapaga ma se vaega o Lalomanu. O lo o faagasolo foi le polokalame i tane e tatau ona fausia ma ni alapaipa e tatau ona faataatia ina ia fesootai atu. O i ai le faanoemoe o le a faasolo atu i Faleasiuuta. O lea e faafofoga mai le Pulega o le Suavai, o le masina fou e tatau ona amata ai ona vili le vai o Faleasiuuta ma Fasitoouta. O le fuafuaga lea, sa tau taofi ona e lelei le uma ona faatino ae ua i ai foi mea ua tapena ina ia vave ona faatino le galuega. Ae peitai ane, e i ai lava le process masani, e vili le vai e iloa ai le tulaga o le pamu e tatau ona talosagaina ma faasolo faapena le faatinoga o le galuega.

E talitonu o loo avatu foi le tuualalo. E le faapea o maua uma e le Pulega vagana ua maua le feedback poo le fesootai mai e i ai ni faafitauli ma ni faigata o i ai, ona faatino lea o le galuega. A o le tele o isi, e sese le mea e o i ai e ave i ai o latou faafitauli, e o le Au Tusitala ma o foi i le isi

Itu lea ona fai mai ai lea o faasalalauga, a o le Pulega o le Suavai e tatau
ona toai i ai talosaga ina ia foia le faafitauli lea. O auala na o mea e tatau ona foia ai le faafitauli lea, ae aua le o sese e le maua ai se fofo o le faafitauli ma maua ai manaoga e tatau mo le atunuu.

23 JANUARI 2014

Tulafono Tau Faaofi o le Faatatauina o Tupe Faaopoopo (Nuu.1)
2013/2014 – felafolafolaiga faaanau i luga o le faitauga faalua

O le tulaga lena e i ai, a o tulaga i le galuega faatino a le Pulega o le Suavai, o le galuega e faifaipea, faifaipea ma faaanau pea ina ia mataitu ma vaavaari ia mafai ona faaleleia ma ia maua foi le suavai talafagagai mo le mamalu o le atunuu.

Ona muliai lea o sau tala i mea tau suavai, o la e faatoa amata ona faatino le vai i Taftfoala, e muliai lava i lo matou itumalo. Ua motu talu mal le taimi o le afa. O lona uiga o la e o le a fau le auata e mafai ona..... ma toe fai le tane. O le tane lena sa ave i Salafai ina ia faamamua le vai o Salafai, ae faatino nei ona o lea faatoa muliai fuafaga mo le taimi o le afa o lo o maua ai se suavai i se vaega o Safata, ia faapea ma Siimu. O lea galuega o la e ua amata ona faatinoina.

E i ai le mataupu lea sa laga i le tulaga o tatou tupe poo le budjet support lea e aumai i le EU, o lea sa faaletonu ai, o le tausaga e 2011 sa tulai mai ai le mea lea. O le mea na tupu, ua esese lipoti sa tuuina mai, e le o le tuai o le gaoioi, ua esese lipoti sa tuuina i le mea tau wáter quality. O le tulaga lena sa i ai, ona ua feteenai lipoti sa ave e le Pulega o le Suavai ma le lipoti a le soifua maloloina. Ona amia lea e le Afoga i le Paleniam ma talanoa, o le galulue faatasi ina ia mafai, e le gata o le mama o le suavai o lea e taumafa e le atunuu, a ia ave foi lipoti e mafai ona tino mai ma lelei ma talia mai falo. O le tulaga la lena e i ai, ua le toe i ai se mea e toe tulai mai ina ua galulue faatasi le Pulega o le Suavai ma le Matagaluega o le Soifua Maloloina ma le Yaega a le SROS, o lea ua fefasoani o latou tomai ma agavaa ma lags la e i ai ina ia mafai ona ausia tulaga lelei, e le gata i le fotoga taumafa, ae faapena foi ona faamautuina ma le tatou lipoti o lo o tuuina atu i atunuu i fafo.

Ona oo mai lea i le Faalapotopotoga o le Malosi Faa-Eletise, ou te manatu o Tala Faaletupe o lenei tausaga mai ia Iuni, tatala le Fale Afi i Fiaga. O fale afi ia o fale afi e taugata ona o fale afi o lo o faalaina i le suauu, le fuel mai fafo. O le vaavai i ai, o tulaga o le faatinoina o malosiaga faafouina, renewable energy. O lo o i ai afi vai o lo o faaletonu talu mai le afa, ia o lo o fai pea feutanaiga, o lo o aumai foi le fesoasoani a le ADB e mafai ona toe faaleleia ai afi vai nei i Samasoni ma le Fale o le Fee ma se vaega o le afi vai o lo o i Alaoa. O afi ia i le taimi nei o lo o faaletonu. Peitai talu ona fausia le tatou Power Station lea i Fiaga, a outou silasila ma matauina i timuga ma le louloua o le tau i le faalinga o lenel tausaga, ua tele le suiga, ua seasea toe pe le tatou power, leaga o lea ua lava le tapenaga lea i i Fiaga mo Upolu atoa. O lona uiga o se tulaga fiafia lea. Vagana lava ua i ai ni faalavelave le maalofia e le mafai ona... o mea na o lo o tupu ai le pe o le tatou power. A o le taunafaiga o lo o i ai, ia aua nei toe tulai mai ni faaletonu ma motusia le tatou eletise.

O fuafuga foi o lo o i ai, e i ai nisi afi vai e fa o lo o noomia ina ia fausia, e le gata i Savaii ma Upolu nei. Ua i ai foi faatalanoaga, ua aumai foi le lagolago ma o i o lo o agai i ai ina ia mafai lava ona tatou oo i malosiaga ia faafouina e mafai ai ona taugofie le tatou eletise.

Tulafono Tau Faaofi o le Faatautuina o Tupe Faaopeopo (Nu.1)
2013/2014 – felafolafoaiga faaauau i luga o le faitauga faalua

O lo o faatino vaega ia, o lo o fai foi feutanaiga, aumai foi le lagolago i le ADB ma Iapani mo le faatinoina o lea vaega.

O le tatou solar, e le iloa po o le tausaga fou e komisi ai le fesoasoani lea na aumai Iapani, o lo o fausia i Tanugamanono, o Vaitele ma Salelologa. O vaega nei e tolu o lo o fausia ai le fesoasoani lea mai Iapani o lo o fua poo Fepuari ua komisi ai le vaega lea, e 500 kilouati. E i ai foi le fesoasoani pei ona saunao le Afioga i le Palemia mai le Malo o Niu Sila, e 1.6mekauati. O lo o i ai le faamoemoe mo le fonotaga o lo o lumanai nei ia Setema e komisi ai foi le fesoasoani lea a Niu Sila i mea tau solar. Ou te iloa e i ai foi se taimi e vaai ua galueaiina e tau fuafua i luga o le team 3 la e tau fuafua o ina e tatau ona i ai isi panels, ne i te i foi ua vaavaai atu ua galulue nisi i luga i ina ona o panels, ae faapea foi o la e ua toe fai luga o fale ia. Ae o mea o lo o tilotilo ma vaavaai e faalelei mo a tatou polokalame nei. O lo o i ai foi tulaga ma pisinisi ma kamupani o lo o faaauau pea mo le faaleleia lava o le vaega lea a le tatou solar.

O le tulaga i le wind driven generator, o lo o ua sainia, ua uma ona sainia ma le Afioga i le Minisita o Tupe le fesoasoani mai le UAE mo le fausiaina o le 500 kilouati mo le eletise lea mai le wind. O le taua o lea vaega, e leai e le o nofoai le tatou Malo, aemaise foi o le malosiga tau eletise i le sailiga o ni auala ia mafai ona faamama ai ma maunitino e maua le eletise ma tau tuuaititia ai le faaoga e tatou o suauu ia mai fafo o le faamoemoe i ai le tatou eletise maua. O vaega ia mo le tulaga i le tatou eletise.

O lea foi e faatalatalanoa, o faiga lautetele na ma se Faigamalo e faatalatalanoa. O lo o faagaioi nei e le Regulator ma le EPC se talanoaga mo le tatou siitaga o fuafua, e tatau lava ona oo i ai sa matou tala, e ui ina lei mautu ma tuuina atu i le Kapeneta mo sana endorsement, a o le tulaga lena e ai. Ua fai si leva, ua tele tausaga e sili atu i le 10 tausaga o i lalo le base tariff o le tau faavae lea o le tatou eletise. O lea la ua taumafai i se tulaga e tuu mai i luma. A silasila i ai, o lea e i ai le surcharge lea e i ai i luga. E ova ma le luasefulu o le galulue faatasi ma le ADB lea sa fai ai le tulaga lea. A o le siitaga lea e tau fuafua e 10%. O lona uiga e tele fesuiaga mai le surcharge lea e i ai i le taimi nei, pe afai ae faataunuuna lea fuafuaga. O la e foi e mataitu lelei tulaga i le faaoga mai ia i latou e laitiiti le eletise latou te faaogaina ma commercials foi nei consumers o lea latou te faaogaina le tele o le eletise. O tulaga uma na o lea e faatalatalanoa, o i ina e manino ma malamalama ai ae tatou te lei oo i se tulaga e pasia ai ma faaogaina nei fuafuaga. A o i lava e maua ai le manino, e pei ona matou fai atu, e lelei le tuu mai i luga, o le tasi foi lena auala e manino ai. Aua o le mea lea e alu nei, e aumai o le surcharge tatou te le malamalama, ae a seti felei le base tariff ona iloa lava lea i le iunite ma le tau e tatau ona totogi. Ae o le tulaga o le faamamaavega, o la e laualuga lava i faatalanoaga ma fuafuaga a le Malosiaga Faa-Eletise. Ae o galuega faatino, e faatino pea.

23 JANUARI 2014

Tulafono Tau Faaofi o le Faatautauina o Tupe Faaopopo (Nu.1)
2013/2014 – felafolafoisiga faaauau i luga o le faitauga faalua

FOFOGA FETALAI: Malie lau Afioaga i le Minisita, sei tuu atu le avanoa leaga o la e sa taua e le sui usufono mamalu le vaega lea.

Tulai mai le sui usufono mamalu mo Faleata Sisifo.

Tofa Lealalepule Rimoni Aiafi (Faleata Sisifo): Lau Afioaga i le Fofoga Fetala, faafetai lava. Sei fai foi sina malologa a le Afioaga i le Minisita ua matagofie tenei taeano i le faamalamamaga o vaega uma. E pei ona ou laga i le eletise ananafi, e pei o le mea lea o lea e faamamua i le matou manaoga, o lea ua ... e le o fesiligia le tulaga lelei ua silitia i ai le auanuga, a o le efficiency foi lea, ma le mea lea o le tele o le tupe a tatou lea e alu maumau i le eletise maumau le loss lea, pe le tatau ona ave i ai le faamamua a le Matagaluega aua o lena e tele lava lona faamamaavega i le mea lea tatou te talanoa ai, aemaise la o le vaega lea a le Regulator, poo i ai se tagata poto faapitua i le vaega lea i le fetuunaiga o tau. Aua o lea e malamalama o le vaega lena sa regulate ina mea nei o telefoni. Poo i ai la se isi i lenei taimi e talafegai ma le vaega lea. Malo faafetai. Ma le faaalalo lava.

FOFOGA FETALAI: Malie lau Afioaga i le Minisita, sei tulai atu le Taitai o le Itu Agai leaga o lea foi sa afea i lona lauga ananafi.

Afioaga Hon PatuSabue Faapo II (Taitai o le Itu Agai): Lau Afioaga i le Fofoga Fetala, mo le faasooina o le taimi o le Minisita, e taua tele le faamalamamaga a lau Afioaga i le Minisita i le tulaga e tatau ai ona tiotio i le fetuunaiga o le tau o le iunite. Ia manatua e sitioa le mea lea, le tau o le eletise, alu loa foi i luga ma le tau o le soifuaaga.

A o le mea la lea ou te tulai atu ai ma lou faaalalo lau Afioaga i le Fofoga Fetala, o le mafuaaga. O lea e fisa manino i le atunuu le mafuaaga na ala ai ona sili, aua o le aitalafu, o le tau totogitina o le aitalafu lea na aumai e USDS100milion. O le mea lena o lea e faafesili atu ai poo le a se saunouga a lau Afioaga, aua e tatau ona manino le atunuu aemaise o sui usufono mamalu i le mafuaaga o le silitia o le tau o le eletise.

FOFOGA FETALAI: O lea ua maua le saunouga a le sui usufono mamalu le Taitai o le Itu Agai.

Susuga Hon Tullaepa Fatialofa Lupesotiai Aiono Netoti Sathle Malleleagaoi (Palemia): Lau Afioaga i le Fofoga Fetala, e taumafai lava le Taitai o le Itu Agai e tau lava se mea e tau ai le aitalafu e \$100milion. O le vaega lea e grant, ae na ala ona fai le aihac lea, ua oo tatou i le limit ua le toe mafai ona toe gafatia e le malosi lea na i ai a tatou aafi, ma ua tatau loa ona fai aafi. O le ala lena na ala ai. A lea na maitauna lava le pepe soo. Na o se atunuu faavalevalea e vaai atu ona taitai ua oo i le tulaga lena ae nofonofo. Sei avese lava le mea lea ma le mafaufau o le Taitai o le Itu Agai, o le mea lea o le aitalafu.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaiga faaauau i luga o le faitauga faalua

Sa ou fai atu i le aso ananafi, e oo i Malo uma, o Malo uma lava o le lalolagi, e leai lava se Malo e le aitalafu. Na o se atunuu faavalevalea la e moomia ana atinae ae nofo ma taofiofi ana atinae i tupe e mafai ona gafatia. Aveese le mea lena ma lou mafaufau. Aua ana fai e le Malo le mea lena, o le a le mea e tupu? Penei ua pepe moli. O lea lava sa oo ina ki faasolosolo moli ona ua oo i le limiti le malosi tau eletise ua oo i ai tatou. E faapena i Malo uma lava, aua ana e nofo foi iinei e te faia foi le mea lena.

Lau Afioga i le Fofoga Fetalai, e le mafai ona taofia. Afai tatou te o i fafo e aumai nogatupe nei e atinae ai le atunuu, e tatau ona toe totogi, ma o atinae ia e aumai ai tupe ia, o lea e aumai i lalo o tuutuuga mama.

Lau Afioga i le Fofoga Fetalai, o le mea lena o lea se i taumafai ona tau faamalalama atu, sei tau susulu atu le malamalama i e o pogisa.

Afioga Hon Palusalue Faapo II: Lau Afioga i le Fofoga Fetalai...

FOFOGA FETALAI: E manatu ua malamalama. Ou te ofo le Taitai o le Itu Agai pe afai e te le i malamalama.

Afioga Hon Palusalue Faapo II: O lea ua malamalama, ae ona o le saunoga a le Afioga i le Palemia i taimi uma i aitalafu e faapea aua le popole ona e gafatia e le atunuu. A o lea ua amo e le atunuu lea....

FOFOGA FETALAI: E manatu e le tau faamalalamaina o lea e...

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, e le o gafatia la? Sei tautala mai, e le o gafatia?

Afioga Hon Palusalue Faapo II: Ana gafatia e free le sau o le eletise, a o lea o le a amo e le atunuu.

Susuga Hon Tuilaepa Fatialofa Lupesoliai Aiono Neioti Sailele Malielegaoi: E leai se mea e aumai ae le siina i luga le tau e totogi ai le mea lea.

Lau Afioga i le Fofoga Fetalai, se ua ta le iloa se po o le a le mea ua e faapea ai? (*i le Taitai o le Itu Agai*). O le tau o le soifuaga, e le mafai ona taofiofia ona e ai lava le taimi e alu ai i luga, ae e ai foi le taimi e alu ai i lalo. O le taimi nei la, o le a le mea lea ua tupu? Ua tele taumafa ma o le tele o taumafa lea e aumaia i lalo le tau o le soifuaga. O le a la le mea e te saga oi ai? Na o lou fealualuai lava ma e pisa, pisa, pisa i le tau o le soifuaga ae leai sou maumaga o faia?

FOFOGA FETALAI: Tulai mai lau Afioga i le Minisita, faatea sia fuilauvi ua manino ma malamalama le tau o le eletise.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Afoga Hon MANUALESGALALALA ENOKATI POSALA: O le tulaga i le system losses lea sa talanoa i ai, e leai o lea foi sa aumai ananafi e 18%. O le tulaga o i ai, e 7% le technical losses ae 11% le non technical losses. O le technical losses la e le mafai ona alofia. O le standard lea o la e i ai uma lava i so o se atunuu. O le 11% lea e taumafai nei lea e pei ona ou fai atu, sa le maua le faaogaina o le eletise a o lea ua agai mai - o le galuega e faaauau pea.

O le tulaga foi i mita e pei lava ona ou fai atu, na aumai i fafo a o lea ua taofi mita ia na aumai a o la ua fai spot check a le EPC e siaki uma ai tulaga faaletonu ia. O vaega ia o lea e agai i ai le EPC. E le moemoenoa aua o galuega faatino a le Malo, o galuega e faaauau pea ae e fai ma vaai. O le tulaga i a tatou aitalafu, e leai lava se isi o tatou e le aitalafu. A e le aitalafu e leai se manuia o lou aiga. O le mea lena o la e fai e o tatou aiga i tua. E faaomoe aiga i tua i aiga i Niu Sila ma fafo ae se i vagana lava ua fai se aitalafu ona vaai lea i atinae lelei i fale lelei e mafai ona nonofo ma aumau ai, ona togiofi lea. E le o se mea e.... o faiga ia faaonapo nei ma faiga faatagata soifua e siisi ai i luga le manuia o ana atinae ma ana taumafauga.

Ona ou oo mai lea i le Pulega o Uafu ma Taulaga: Mo le silafia, e i ai tulaga e pei ona laga mai. Ua ae se tofa i le Afoga i le Palemia le Taitai o le Malo o le a i ai se fesuitaiga i le vaega lea i le Pulega o Uafu ma Taulaga ma le Faalapotopotoga o Yaa i uafu ia i Mulifanua ma le uafu i Salelologa. Ou te talitonu o se faiga e matua lelei ai pe afai e tasi le Pulega e vaai vaega ia. O le laasaga lena o lea ua agai i ai ma ou te liloa foi o se laasaga e tatou ona faanatinati ina ia mafai ona faaleleia atoatoa, e vaavaai ai i vaega e tatou ona faaleleia. Aua afai e vaai le isi vaega a o le isi vaega le vaega, e i ai lava nai fetecenaiga e tulai mai, a o le suiga lea ua faaomoe i ai, ou te liloa o se suiga o le a atoatoa ai ma faaleleia tulaga uma. O lea ua amata ona fuafua i ai mo lea polokalame.

O taimi o pasi, ou te manatu o se tasi lea o fuafuaga ua agai i ai e galulue faatasi ai ma le LTA i taimi o pasi. Ia manatua foi o pisinisi foi a nai tagata fai pasi. Afai e alu atu i le va o le 2.00 i le afaifi i le isi aso e leai se pasese ma foi mai, e faapena ona tele le gau. O lona uiga e tau fetutuunai foi e le aufai-pisinisi pasi ia le faaogaina o a tatou pasi ina ia maua ni a tatou seleni, a o le a taumafai i se faiga e galulue faatasi ai le LTA ma le Shipping ma le Pulega o Uafu ma Taulaga ina ia mafai ona mataitu. Aua ona pau le isi auata e fai ai o le alu atu foi o se tagata faigaluega i o e tali le oo atu o pasi ia ma le foi mai ina ia o atu uma. O lona uiga o le isi foi lena faaopoopoga o tupu alu a le Malo, a o le a vaavaai i se faiga e mafai ai ona suia ma faaleleia lea vaega.

O le Malae Vaalele: o lo o faaauau pea tapenaga mo le fonotaga lea o lo o humanai nei.

Ona ou oo mai lea i le LTA po o le Pulega i luga o Alatelele. Atonu e i ai a tatou poloketi ia ua amata nei ona faatino.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

O le mea muamua, o le tulaga i a tatou auala sa oo i ai i taimi o lologa ma timuga ia faatoa uma atu nei. E moni e lei i ai se afa, ae tasi lea mala faanatura sa feagai ma tatou o le mamafa o timuga ua lofia ai luga o le fogaelele, ua lolo ai ma tutupu ai faalavelave ma faaleaga ai meatotino a le Malo.

O lo o i ai fuafuaga mo le tatou galulue faatasi ma le World Bank. O le tele ia o fesoasoani mai le Faletupe o le Lalolagi, ae i ai mafuaaga. O le mafuaaga o la e iloa e lelei faiga faavae a le tatou Malo, e ausia matatia ma tulaga i galuega o la e faatino. O le ala lea e aumai ai pea lana lagolago i tupe faameaalofa mai e faatino ai fuafuaga nei.

O le polokalame lea o le ERAP po o le Enhancement Road Access Project, o lea ua fuafua e faatino ai le tatou four lane lea agai i Vaitele. O la ua faatino nei le faiga o ata, o lona uiga e i ai le faamoemoe po o le afa o le tausaga nei ua amata ona agai e faasalalau konekarate ma faatino galuega ia.

O le auala laupapa i Leone o la foi ua tulaga e faasalalau se kamupani latou te design ina le faatinoina o le galuega lea. O le auala laupapa o le Maliolio, o le tasi lea galuega o lo o taatia i totonu o a tatou fuafuaga ia i le ERAP faatasi ai ma le auala lea i Tanugamanono seia paia luga i Vailima. O le tasi lea vaega o le auala e fia design faalelei ma fai ona alavai ma faaleleia lea vaega.

O a tatou auala i Savaiti ona o lea sa laga, o auala laupapa e i ai Sapapalii, Lano, Sasina ma le Maliolio. O auala ia o la ua i totonu o a tatou polokalame, pau lava le mea o le lava o le onosai leaga o tulaga foi i Faletupe nei ma le latou fesoasoani mai, e i ai terms ma e i ai foi conditions e agai i ai ia ausia, ona faamatuu mai lava lea ma faasolosolo ai le faatinoina o a tatou galuega ia.

Afioga Hon Aeau Peniamina Leavaiseeta (Falealupo): Lau Afioga i le Fofoga Fetalai...

FOFOGA FETALAI: Malie lau Afioga i le Minisita, sei tuu atu le avanoa i le faauilavea a le sui usufono mamalu.

Afioga Hon Aeau Peniamina Leavaiseeta: Lau Afioga i le Minisita faamolemole lava, o le auala laupapa lea i Leone. Ua atoa nei le tausaga, a o lea ua maua atu sei tau saili se isi e tusia se ata. Ia manatua foi, e le afaina auala laupapa o le mamalu o le atunuu i tua, ae manaomia tele e le taulaga le auala laupapa lea.

Ua silafia foi e lau Afioga i le Minisita, o Apia, e lua minute e te sau ai i le isi fale o lo outou aiga i le isi itu, a o le taimi lenei, e tolu pitoonu e te ui atu ai i Faatoia, alu ifo i Magiagi, alu ifo ai i Maagao faatoa e oo ai i Apia. Faamolemole, faapea lava au e le atoa se tausaga ae fai leaga o le taulaga lea e i ai le auala laupapa.

23 JANUARI 2014

Tulafono Tau Faaoifi o le Faatatauina o Tupe Faapoopo (Nu.1)
2013/2014 – felafolafoaiga faaauau i luga o le faitauga faalua

FOFOGA FETALAI: O lea ua maua le finagalo o le sui usufono mamalu. Malle le Minisita mo le faasoina o lou taimi, tulai mai le sui usufono mo Faleata Sisifo.

Tofa Lealaitupele Rimoni Aiafi: Faafetai i le Afoga i le Minisita o lea ua taua le ala laupapa, a o le vaitafe. Pe e le lavaa ai le vaitafe po o le vaega lea a le Matagaluega o Punaoa Faanatura ma le Siostomaga faamolemole?

FOFOGA FETALAI: Le sui usufono mo Faleata Sasae tulai mai.

Tofa Aveau Tuala Lepale Niko Palamo (Faleata Sasae): Faafetai lava i lau Afoga i le Fofoga Fetalai. Ona o lea ua tau see ese le Afoga i le Minisita ma mea ia o lologa. E pei ona silafia o lea sa ou taua lologa aemaise lava totonu o le taulaga. O lea foi ua faamatalatala mai e le Afoga i le Minisita galuega e pei ona taunafai i ai le Faletupe o le Lalolagi, e le o taua ai totonu o le taulaga.

E i ai lou taitonuga e le o auata le mafuaga o le lolo lea e lolovai ai totonu o le taulaga. O lea foi sa saunua le Minisita i le taimi sa ou fesiligia ai, o lea e i ai se faamoemoe o le Matagaluega e sisiti i luga auata. O lona uiga o le a atili ai lava ona lolovaila le taulaga. O lea e fesili atu ai i le Afoga i le Minisita, pe leai se isi auata pe le mafai ona aumai ni pamuvai e pamu ai le suavai lea pe a oo i le taimi e lolo ai ona o lea foi e saunua le Afoga i le Minisita i le mea lea a sua mai le tai ua le mafai ona alu le vai.

FOFOGA FETALAI: O lea ua maua le finagalo o le sui usufono ma lona manatu faaalia i mea ia tau lolo.

Tulai mai lau Afoga i le Minisita e faaauau le tali atu.

Afoga Hon MANUALESAGALALA ENOKATI POSALA: Lau Afoga i le Fofoga Fetalai, o manatu lava ia ma o o tatou manatu lava ia e faaalia, a o le faatinoga o galuega o le vaavaai a inishia ma i latou o lo o matatuuina e i ai tomai faapitoa e vaaila ia mea, e ese mai o tatou lagona faaitino i lea aso ma lea aso, a o le tulaga ia i le faatinoga o galuega, e faamoemoe le Malo ia i latou e lava le silafia mo le agai i luma.

FOFOGA FETALAI: Sei tulai mai le Afoga i le Palemia.

Susuga Hon Tuliaga Faialofa Lupesoliat Aiono Neioti Sallile Malilegaofi: Lau Afoga i le Fofoga Fetalai, sei faamaumau ane i lalo le fautauga lea na aumai nei ona e taua tele i le taimi e timu ai ae sua le tai, ona aumai loa lea o le pamu e pamu ai le suavai mai uta e tuu i tai ina ia toe sau i uta ma toe pamu i tai. O le taua ia o le fautauga lea aemaise lava le taimi e sua ai le tai, ia aumai ni pamu tetete e pamu ai le vai i tai ma toe sau i uta ma toe pamu i tai, atonu pe tolu itula ua alu ifo i lalo.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaiga faaauau i luga o le faitauga faalua

O le sao ea lea? (*I le sui usufono mo Faleata Sasae*).

Tofa Aveau Tuala Lepale Niko Palamo: Atonu e le o malamalama le Afioa i le Palemia i lau faamatalaga.

FOFOGA FETALAI: Sei tulai mai le sui usufono mamalu.

Tofa Aveau Tuala Lepale Niko Palamo: E i ai atunuu e faia le vaega lea, e aumai tane tetele. A lolovai ona pamu lea i ai, a le o lena ua fai ni faatanoa. E pei la o le taulaga, a faapea ua lolovai ona pamu lea i ai o le vai e taofi ai le suavai, sei pe le tai ona pamu lea i tai o le suavai. A le o lena foi, o lo o i ai atunuu o le lafolagi....

FOFOGA FETALAI: O lea ua maua le metotia a le sui usufono mo Faleata Sasae. Sei tulai mai lau Afioa i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioa i le Fofoga Fetalai....

FOFOGA FETALAI: Sei tulai mai lau Afioa i le Fofoga Fetalai.

Susuga Hon Tuilaepa Fatialofa Lupesoliai Aiono Neioti Sailele Malielegaoi: E taua tele la le i ai o se tane lapotopotote tele e sau lava mai o i Apia alu atu iinei, alu i o i Vaimoso le tele o le tane ina ia uma i ai suavai nei. E tele naunau le taua o le fautuaga.

Tofa Aveau Tuala Lepale Niko Palamo: Lau Afioa i le Fofoga Fetalai, ua ala ona ou taua le vaega lea ona i totonu o le Lipoti a le Komiti o Tupe i le taimi lea e talimalo ai lo tatou atunuu, o lea o le a aumai tane tetele lava e store ai le suavai. A uma la ona faaaga i ina, o fea la o le a toe faaaga i ai tane ia? O le mafuaaga lena o lou manatu, o le a le mea e le faaaga ai loa la tane ia?
O le uiga tonu lava lena o lou manatu.

FOFOGA FETALAI: Faamau ifo le fautuaga lea i talivai lau Afioa i le Minisita?
Tulai mai le sui usufono mo Aana Alofi Nu.3.

Afioa Toolesulusulu Cedric Pose Saleasa Schuster (Aana Alofi Nu. 3):
Faafetal lava i lau Afioa i le Fofoga Fetalai mo le avanoa.

E tulai atu foi e fia faaalia sina tuuialo aua atonu ua uma ona faataoto
le master plan o le drainage o Apia ma ua faataoto ai vaega o le taulaga e faatafe i ai alavai.

23 IANUARI 2014

Tulafono Tau Faaofi o le Faataa'uina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

E talifonu o le taua o le fautuaga e pei ona silasila e le atunuu, o Fugalei ma Taufusi lea e tafe agai i Vaimoso, a o le alavai lea e alu agai i Malisi atonu e mafai ona faaoga ai le pamu ona na fai foi i le taimi o Katrina. O lea foi e fai e Niu Sila ma na fai uma lava i taimi o lologa, e mafai ona vaavaai ai, a pamu ai alavai ia, ona alu sao lea i tai i le sami ae le alu i Matautu ma e faaititia ai le alu i togatogo ma isi vaega ia. E tasi lea vaega e ao ona tagatagai i ai inisinia ona ua uma ona faataoto mai i le tatou master plan mo le drainage o Apia.

Afoga Peseta Vaitou Tevaga (Faasaleleaga Nu. 4): Lau Afoga i le Fofoga Fetala'i.

FOFOGA FETALAI: Malie le Minisita, sei tuu atu le avanoa i le sui usufono mo Faasaleleaga Nu.4.

Afoga Peseta Vaitou Tevaga: Lau Afoga i le Fofoga Fetala'i, finagalo malie lau Afoga, ona e tasi lea mataupu na laga i lau lauga ona o lea o le a see atu lau Afoga i le vai, a o lea e tau saili atu se avanoa i le auata sima foi lea i Lano na tupu mai ai le faalavelave. Ia leaga o la e faalogologo mai lou itumalo, e moni lava o lea ua i luga o le Tala o le Tupe mo se vaitaimi, ae silasila foi lau Afoga, ua afaina le auata lea, leaga o lea e fau le auata lea i luga o le oneone. E pei lava foi ona ou faamanatu atu le fetalaiga a lo tatou Alii, "Aua lava nei fauina se mea i luga o le oneone." Na ona faamanatu atu i lau Afoga pe mafai ona ave i ai le faamuauma leaga ua afaina le itu i tai i luga o le matafaga. Ma lou faaaloalo lava.

FOFOGA FETALAI: O lea ua maua le finagalo o le sui usufono. Sei tulai mai lau Afoga i le Palemia.

Susuga Hon Tuliapa Fatialofa Lupescotai Aiono Neioti Sali'e Malleaga'oi: Lau Afoga i le Fofoga Fetala'i, ou te fia fesili atu lava, e oneone uma lava le mea lea a? Pe ave la i uta i le mauga le auata laupapa aua na o uta i le mauga e maua ai le papa, a o tai, na o le oneone lava. O lona uiga la a toe fau lava i luga o le mea lea, e toe fau lava i luga o isi oneone. Ae pei lava ol e mea lea e agai ai, o le faataoto a Iesu, e agai i le fale, e lei agai i ni auata laupapa. A o le fale na agai ai. E le o se fale la le mea lea, o le auata laupapa. Ae sei oo i se taimi ona fai lea o le ma lesona ma lau Minisita Lagolago.

Tofa Lesalilepule Rimoni Aiari: O le mea e fia faasao lau Afoga, e le o le fale poo le auata laupapa, o le faavae na agai i ai Iesu.

FOFOGA FETALAI: Ia, o lea o le a e faauilavea i luga o le faamalamalama e le talafaeagai ma tatou Tulafono Tumau.

Tulafono Tau Faaofi o le Faatautaina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Malie lau Afioga i le Minisita, sei tuu atu le avanoa i le sui usufono mo Aleipata Itupa i Lalo i le mataupu sa ia laga. Onosai mai le Taitai o le Itu Agai.

Afioga Tafua Maluelue Tafua (Aleipata Itupa i Lalo): Faafetai lava i lau Afioga i le Fofoga Fetalai ua maua sina avanoa lea semeamanu o lea e malolo le Afioga i le Minisita. Faafetai lava mo fuafuaga lelei ma saunoaga foi ua faalogologo atu o le a tele le siitaga o tatou auala. O le fesili ma le faaaloalo lau Afioga mo le silafia e le matou itumalo aemaise foi o tagata feoi o le atunuu, lea na e saunoa mai o se aso o le vaiaso nei e tatala ai le tatou auala, le temporary road lea e fai i gauta o Tiavea. Mo le silafia e le atunuu ma lou itumalo, e faigofie ai le ui mai i lo le tau taamilo i Lotofaga ma Lepa ma oso mai ai i le vaega lea. Faamolemole lau Afioga pe mafai ona e faasilasilaina le taimi ma le aso e tatala aloaia ai le tatou temporary road lea e fai i gauta o Tiavea. Ma le faaaloalo.

FOFOGA FETALAI: Malo faafetai. Tulai mai le Taitai o le Itu Agai.

Afioga Hon Palusalue Faapo II: Lau Afioga i le Fofoga Fetalai, e faapuupuuu atu lou manatu, o le matua fiu o le Malo e taumafai le lologa lenei, a o lea la faatoa malamalama lelei i metotia lea e nonofo ma le Itu lenei e foia ai le faafitauli. O le ala lea o le matou fautua atu aua ua uma masalosologa i le mea lenei e le tea. O le mea lea ou te faafetai ai i lenei Vaega ona...

FOFOGA FETALAI: O lea ua faafofoga mai le Taitai o le Itu Agai. Ia aua e te toe agai i pamuvai ia lau Afioga i le Minisita. Malie lava le Minisita toe tasi lava le sui usufono lea, leaga e aafia tele i le lolo le sui usufono mo Samoa Aoa o pe a timu.

Tulai mai se tasi o sui usufono mo le Au Palota Taitoatasi, Afioga Maualaivao Pat Ah Him.

Afioga Maualaivao Pat Ah Him (Palota Taitoatasi): Faafetai i lau Afioga i le Fofoga Fetalai, ma ou te talitonu e moni lelei lau Afioga i le Fofoga Fetalai vaeatu le pata o le Maota. Soo se timuga tetele lava, e matua lolo lava Apia. I le matou vaai i le siisii o le vai pe a timuga, e amata mai gauta i Taufusi, ona sau lea agai mai i gatai, e i ai le magatolu lena e i Taufusi, ona sau ai lea alu lava i tai. E oo mai lava le loloto o le vai i luma o le Ace Hardware, ua le mafai la ona tafe le vai e alu i tai, alu atu i le Lucky Foodtown, afe loa i ina. Soso atu laitiiti i tai o tau fooloolo.

O lona uiga la, e i ai le pau lea e pau maualalo ai le vaega tonu lea i ina tonu lava o le auala. I le matou vaai, ua leai ni alavai, tusa o le taimi nei ua faatafe lava le vai i luga o le alatele ae ua leai ni alavai eli agai lalo ina ia sau le vai ma alu agai lalo ae sefe ai luga o le auala.

23 JANUARI 2014

Tulafono Tau Faaoifi o le Faatatauina o Tupe Faapoopoo (Nu.1)
2013/2014 – felafolafoaiga faaauau i luga o le faitauga faitua

O le mea la ua tupu, ua sau nei le vai ua agai i vaifale o pisinisi nei ma agai atu ai i totonu o fale.

O le matou fautuaga ma le agaga faaloalo i lau Afoga i le Minisita, i lau lava vaavaai ai, e a pe a toe fai telei alavai ia faaloto le sau mai uta i Taufusi, sau ai lava i ina alu atu i le Lucky Foodtown alu atu ai lava, o alavai ia loloto ona e leai se alavai o i lalo. I le matou vaai, a faapea o i ai foi se alavai, e fai sina papau.

Ma le faaloalo lava. Faafetai.

FOFOGA FETALAI: O lea ua maua, faafetai fesoasoani mai i le saunoaga a sui usufono mamalu. Tulai mai lau Afoga i le Minisita e faaauau le tail mai.

Afoga Hon MANUALESGALALA ENOKATI POSALA: Lau Afoga i le Fofoga Fetalai, e fai lava si ou faanoanoa, faapea lava o le Vaega 62(3) o le Tulafono Tumanu e le tatou ona i ai se faaaliga o ni manatu i se faamatatalaga a se Minisita. Ae pei o lea ua faatatalaanoa maratu ia e fai atu.

O le tulaga i manatu, ana o lea ua laga mai isi manatu fou, a o le mea lea e tau agai i ai, e leai foi se tulaga i le Tala o le Tupe ma mea ia o lea e taumafai e faamanino galuega o lo o faaitino e Faalapotopotoga Tumaoti ma le Matagaluega o i lalo o lau vaaliga.

O le tulaga lea e pei o fautuaga ia i tane e pamu i ai le vai, o lea foi tatou taumafai e ave le faamua ma i le vaitaumafa, tuu i tane ma faasoa mai, a o lea o le tatou o e pamu i tane vai ia e taape solo. Ae na ou fesiligia le Puluga o le Suavai, o le a se fuafuaga o le mea lena o la e fai e le Ekalesia a le Au Paia o Aso e Gata ai, e taugata tele. A oo nei ina faaitino, o lona uiga o le a le toe faia ni vai e vili ae tatou o e fai tane ma tulaga ia i vai ia, le storm water lea e popole tele i ai. Ae fai si taugata o le operation lea e mananao i ai. E taugata ia mea, e fua lava le pelue i le ie, e fua foi tatou galuega faaitino i le tatou tupe maua a ua maualuga tele mea o lea e talanoa mai ai le Iu lea. Le Iu fai miti. Na o miti lava mea ia, ae pei lava o le mea o le taaloga foi lea o le kirikiti, ia manatua le taaloga lea o le kirikiti, le mea lea o le pa ma oso pa ma oso, e vave lava ona pe. A o le pe lea, a le pe i le mulumu, e pe i le see. O pe ia. O lea e vaai atu i le au lea, na o le au taiftuua, e leai se tagata e tamua pe masaga, e leai, yagana lava le Afoga i le sui usufono mamalu mo Faasalelaga lea ou te iloa e au i le masaga, ae leai ma se isi, e pe lava latou o le see pe pe i le mulumu.

FOFOGA FETALAI: Malie lau Afoga i le Minisita, sei fai atu lava le tala lea a le Fofoga Fetalai. E faamalulu atu i lou finagalo e tusa i le Tulafono Tumanu na e taua. E leai, o le faamalalamalama o le Tulafono Tumanu lea e 60(a), o le Ministerial Statement, o i ina e le mafai ai ona fai se felafolafoaiga i luga o le tatou Fono.

23 JANUARI 2014

Tulafono Tau Faaofi o le Faatautauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Ae a oo mai loa i le tatou Tala o le Tupe, e i ai lava le avanoa e tulai atu ai sui usufono mamalu sa laga finagalo ona faaatia lea ma tali atu. Ia tofa malie foi i le tulaga o le taumafai atu o le....
Ia sei tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele Mallegaoui: Lau Afioga i le Fofoga Fetalai, o lo o i ai inisinia a le Matagaluega o Galuega, o latou na e nafa ma mea ia. O le mea la lea ua tupu, ua taunuu ia tatou le tala foi lele ua nanu Tulai ae nofonofu le papalagi. O mea ia tatou te talanoa i ai, ou te iloa lelei lava o la e i ai i inisinia o fuafuaga i mea ia na latou vaaia. Aua ia manatua foi, e leai lava se mea e ese ai inisinia ma fomai. A e alu atu e te mai, ona e alu atu lava faamatala i le fomai mea na e faaletonu ai. O lau faamatalaga la lena e iloa ai e le fomai le ituaiga mai lea e te mai ai. Ae i ai foi isi taimi e le maua atoa ai e le fomai, aemaise lava pe a e alu atu na o lou tale u, tale u, tale u, ia ona faapea lea o le fomai, o le mea masani, o lena e te lavea i le flu, ae le iloa pe mafua ona e tale u o lena ua e lavea i se isi mai e ese ai. O lea foi la e i ai tatou inisinia, o le latou mea tonu lava lena na aoaoina ai. A o le tele o nei manatu na fai nei i le taeao, o mea lava o manatu foi ia a alu atu lava ua sao ua sao, a o lea e i ai le tulaga masani, a alu atu lava le tali a le Minisita e le faamalieina oe, ia le malie ai pea, a o le tali lava lena e le toe i ai ma se isi tali. Ae ana o au lea ou te talia, faapenei ua leva ona uma ona ou talia outou. E tusa lava pe fai mai lea e le gafatia, ae alu atu lava le tali o le tali lena, ua uma, ua finito. O le a se isi tali e taumafai atu ai le Minisita o lena ua avatu le tali ae le uma lava le tou fia fesili.

O le tulaga la lena e toe faapupula atili ai le mataupu lea. Lau Afioga i le Minisita, agai ia i se isi mea soia e te toe amanaia nisi faalavelave e le talafeagai ma isi lauga fou lea o le a fuafua mai.

FOFOGA FETALAI: Malie le Minisita mo Galuega, Felauaiga ma Atinae Esecese, sei tulai mai le Afioga i le Minisita mo Fesoootaiga ma Faamatalaga Tekonolosi.

Afioga Hon Tuisugaletaua Sofara Aveau (Minisita mo Fesoootaiga ma Faamatalaga Tekonolosi): Lau Afioga i le Fofoga Fetalai, leai o lea ua tele ina saunoa i ai le Palemia i le mea lea na ou manao ai. Ae ou te fautuaina le uso a Minisita, aua te popole fua i inisinia fou aua e ese lava le tietie i le vaa, a oo loa ina tuu ifo i lalo i le sami, e malemo. A le malemo, e ai e le malie. Ia manuia le tatou Fono.

FOFOGA FETALAI: Tulai mai le Minisita mo le Soifua-Maloloina.

Afioga Hon Tuitama Talalelei Tuitama (Minisita mo le Soifua Maloloina: Lau Afioga i le Fofoga Fetalai, leaga o lea sa taua lenei Matagaluega ma le auunagan foi faa-fomai.

23 IANUARI 2014

Tulafono Tau Faoofi o le Faatataaina o Tupe Faapoopo (Nu.1)
2013/2014 – felafolafogaiga faaauau i luga o le faitaanga faalua

O le mea lea ou te fia tau atu e sao lelei ai le saunouga a le Afioiga i le Palemia, e i ai foi isi mai e le o atu e faalagolago i le fomai ma lana vaaiiga ona aumai lea o le vaiiaau talafegai, ae o atu lava latou ia fai mai, faamolemole, se tusi mai lava ni ta amoxil. Fai atu, o le a lou mai? Ona ave loa lea i ai o amoxil, a o le vaiaso e sosoo ai ae ou faalogo atu o faasalalau mai, e faanoanoa lava.

FOFOGA FETALAI: Ia, le sui usufono mo Faleata Sasae, ou te talitonu o lea ua manino ma malamalama lau fautuaga na tuuina mai i le Nofoa.

Tofa Aveau Tuala Lepale Niko Palamo: Lau Afioiga i le Fofoga Fetalai, masalo e manatu mama le toatele o le Maota Fono leaga e le o nonofo i le vaega lea. O le plan lea e tuu mai, o le 10 i le 20 tausaga e faatino ai. A o le mea lea e tupu i le vaega lea, o tausaga uma lava i le amataga o le tausaga, lea foi ua saunoo ai le Afioiga i le sui usufono mo le Au Palota Taitoatasi Afioiga Maualaivao Pat Ah Him, e leaga e tele nai faipisinisi ma nai aiga o lea e afaina ai i, a o le plan lea e aumai, e 10 i le 20 tausaga.

O lea e avatu ai nai motugaafa, i nai mea e faafaigofie ai ona foia lea faafitauli.

FOFOGA FETALAI: Malo faafetai. O lea ua maua le fautuaga a le sui usufono ma ua faamau foi e le Afioiga i le Minista. Ia taatia atu laia i le Afioiga i le Minista. Tulai mai le Minista ou te manatu ua manino mea tau lologa.

Afioiga Hon MANUALESAGALALA ENOKATI POSALA: Lau Afioiga i le Fofoga Fetalai, ua faaiu ai ma se upu e tusa ai ma lea vaega. O lea ausia uma lava vaega. A o le tulaga i a tatou auuala galue e per ona talosaga mai, ia lafo mata, o loo alu lava le tatou faasologa. Ua outou silasila mai, o lea foi o le a ave le faanumua i le teuga o tatou auuala aua tatou taligamalo i le faaiuga o lenei Tala Faaletupe. Ae o le naunautaiiga lava, ia totutofusia tatou ma faaleleia o tatou auuala galue. Na pau lea o le tulaga lea na saunoo le sui usufono mamalu mo Aleipata Itupa i Lalo, o ia e i ai le fuafuaga e tatau ona... leaga o le sima e tatau ona fitu aso ia malo ma lelei. O lea la sa logoina mai au, o le Aso Lulu i le vaiaso fou e oo atu i ai ua toe tatala le auata temporary road lea e fai i Tiavea mo le feoai, a o la e foi o le a faagasolo fuafuaga ma tulaga i le fausia o se auuala laupapa ina ia faaleleia ai femalagaiga.

Ona ou oo atu lea i si ou itumalo leaga o le tausaga fou. I le fafofoga mai i le affio o le paia ia Satunumafono o le Falafa o le Ulugatanifa, Faasuga ma Tapaau na Tausi, aemaise foi o le nofo a Igomatua, Taulaunriu ma Aitu Tagata ma le nofo a Tula ia Safata ma le mamalu i le Alataua.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaaauu i luga o le faitauga faalua

O faalupega na o lo matou itumalo, o faalupega tagata e le o ni faalupega eleele. O lo o faafofoga ma tapuai mai aemaise foi ia le Susuga i le Toeaina ma le Pulega, Safata, aemaise ai o fatafaitaulaga e fia o lo o i totonu o lo matou itumalo. Le tapuaiga foi i le Susuga i le Toeaina Faatonu o le matou matagaluega ia Falealii, Siumu ma Safata, faafetai i la outou tatalo o lea e mafai ai ona manuia ai foi laasaga e le gata o fuafuaga a le Malo, a o le tulaga i le suiga o le tau ua malu ai le tatou folauga i lenei tausaga.

E tatau lava ona oo sau tala i lo matou nuu lea o Saanapu, leaga o le tausaga fou lenei, e tatau foi ona fofoga totonu o le Palemene ma le faafofoga a Samoa aoao, sa va le fogavaa ae o la ua mafai ona tuuafaataasia, le afiga ia Anapu ma le Toalima, le Maopu o le Tuiaana, aemaise foi le fetalaiga i le Igoamatua ia Tuigaleava, Aiga e lua ma le Faletolu, ia leai e leai lava se isi malosii, o lo tatou tutu faatasi, o le fealofani na poloai ai Iesu o le mea taua lena mo le agai i luma. Ia manuia tele la outou tapuaiga, manuia foi le tatou Maota Fono i Tiafau nei, faafetai.

FOFOGA FETALAI: Malo faafetai, faafetai saunoa i lau Afioga i le Minisita mo Galuega, Felauaiga ma Atinae Eeseese o le tatou atunuu. Ia malo le fai o le faiva e le faigofie lau galuega, afai foi o le a sau faafogafoga mai i le taumafai atu a le Maota, ia o oe e faalagolago i ai o le pouutu o le atinae o le atunuu, faifai malu ou faiva. E faapena foi ona molimoli atu moomooga alofa i le Matagaluega ma le Faauluuluga o le Matagaluega, e le faigofie, ae tua lava i le tomumu, ae lafo atu na o suaga a le vaatele ma taumafai atu e lafo atu le mea e fesoasoani i lau pitolaaui, ae ia maua pea ni totomanatu ma le malosii i le tino, e faatino ai a tatou galuega.

Ua tatou taunuu mai i le Matagaluega o Punaoa Faanatura ma le Siosiomaga, tulai mai lau Afioga i le Minisita a le Matagaluega aua le tali atu mo finagalo o sui usufono mamalu. Tulai mai lau Afioga i le Minisita.

Tofa Hon FAAMOETAULOA LELAI AULOTO ULAITINO FAALE TUMAALII (Minisita mo Punaoa Faanatura ma le Siosiomaga): Lau Afioga i le Fofoga Fetalai, e aveia ia lenei itula e momoli atu ai se faamalo ma se faafetai i lau Afioga i le faatautaiga o le tatou Fonotaga o le Fonousu a Samoa. Malo foi le folau i lenei tausaga fou. E faatalofa atu foi i le Taitai o le Malo lau Afioga i le Palemia faapea Minisita o le Kapeneta ma Sui a Minisita, e le gata foi i lena o lena Itu o le Maota le Taitai o le Itu Agai faapea foi sui usufono mamalu o le Palemene o Samoa.

E aveia foi lenei taimi ou te faatalofa atu ai i le faafogafoga tapuai mai a Samoa i le amata mai lava i mauga tetele seia oo i maugaiti, aemaise foi o le faafogafoga mai o lou itumalo o Gagaemauga Nu. 3, i le amata mai i Fanuatano seia oo lava ina paia Malae, le afio lava lea o Aiga sa Peseta, susu foi le Maopu.

Tulafono Tau Faaofi o le Faatatauinua o Tupe Faaopoopo (Nu.1)
2013/2014 – fetalofalofaiga faaauau i luga o le faitauga faalua

E le gata foi i lea o le alaalatai i latou o le Usoali, e faapea le mamalu i le Faleiva ma upu ia te oe Matautu. E le gata foi i lea o le afo o Maiava faapea foi le susu o Mataia, alaalatai le Aitutagata ma le mamalu ia te oe Satoalepai. O faalupega ia o lo tatou itumalo. Aemaise foi o le Aufaigaluega a le Atua o lo o latou faia pea le faiva o le nonomanu aua lava se manuia o Samoa ma le agali i luma.

Lau Afioaga i le Fofoga Fetala, e le tele lava ni mataupu na saunua i ai sui usufono mamalu o lenei Maota e tusa o lenei sector foi i le Matagaluega o Punaoa Faanatura ma le Siosiomaga. Ma e ono lava ni vaega ua ou vaevaeina i ai ia tulaga o mataupu pei ona laga mai e sui usufono mamalu.

Muamua, o le faaleleia lea o nofoaga na faaleagaina e le afa o Eveni, ae le gata foi i lea o atinae tau le malosiaga faafouina, renewable energy, ma o lea sa faafesili mai ai le sui usufono mo Aana Alofi Nu. 3, ma o ia tulaga o lo o faitaia lava le tulaga o le auanuga a le Matagaluega i le tulaga lea o le faaleleia, e le gata i natura faale siosiomaga aemaise foi o eleele ia ma laufanua puipuia. E pei la o Setema po o Oketopa i le tausaga na tea nei, sa tatala ai foi ia le faaleleia atili o le nofoaga lea o le laufanua puipuia i Yailima, lea na faatupeina e le Malo o Iapani i lalo o le fesosoani o le Forestry Protection – ma e momoli atu ai foi le faafetai ma o lo o faaleleia ia tulaga e le gata i maota maimoa ae faapea foi o vairafe i ina i le mauga lea, ia ma le auata e alu i luga i le tuugamau o Tustitala, o vaega uma ia ua uma ona faaleleia, ma o lo o molimauina foi le toe totoina lea o lena foi laufanua puipuia i tulaga o laau e faaptoa lava i le siosiomaga o Samoa. E le gata i lena o fanua puipuia lea i Togitogiga le Pupu, o i ina o lo o galuhue ai foi, ua uma foi ona fausia fale e maloto i ai tagata maimoa. Aua pei o le fesili o lo o fesili po o a tulaga o galuega o faia i ia nofoaga aua foi le manuia o tagata tafafao maimoa mai, ae le gata foi i lea o le tatou taligamalo o le usugafono i le SIDS 2014 o le tausaga lenei, o lea la e tali atu ai faapena. E le gata i lena o le mauga i Salafai, aemaise foi lava o isi vaega esese o le siosiomaga ia o lo o galuhue ai pea le Matagaluega seia oo mai lava i lenei vaitaimi.

Ona ou oo mai ai lea i le sui usufono lava lea na fesili i tulaga o le malosiaga faafouina. Ia o lo o unuaia pea e le Matagaluega, aua e tolu Matagaluega o lo o i ai poloketi lea i le soofaatasi i tulaga o poloketi lea o malosiaga faafouina, renewable energy, o le Matagaluega la o le Siosiomaga le isi Matagaluega o lo o i ai ia le vaega lea, ma ou te molimau atu o lo o maualuga lava le galuega o lo o fai e le Sector o lo o i lalo o lau vaavaaiga, e le gata o lea faatoa ou foi mai i Abudaby i le vaiaso lea na tea atu nei sa saini ai foi ia le tulaga o le fesosoani o le poloketi, e fund mai e le IRINA po o le International Renewable Industry Authority e fund ai ia le bio-diesel ma le gasification i tulaga faapena. O lea foi ua taua le Wind Power Harvest, e le gata i lena o lo o vaai foi i Solar.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

O le tulaga la o le taua o nei atinae, e le gata ina ia fesoasoani ai i le pui puiga o le siosiomaga e faalaitiiti ai ia le tulaga o kasa oona i le vateatea, o lo o faapogai nei mo suisuiga o le tau ae pau ai foi le tau o le eletise ia ma maua ai foi le eletise e faaauau pea, sustainable. Aua o le tulaga pei ona ou i ai i le fonotaga i le vaiaso na tea nei, o lo o taua ai e atunuu o lo o faatinoina ai atinae nei o Renewable Energy, ua ½ ua reduce mai ai le cost o le latou total electricity mix cost, ina ua latou faaogaina ia renewable energy sources. O le mea foi lena o lea e drive i ai ia le tulaga o atinae a lo tatou Malo ina ia faaoga uma ia punaoa nei, aua le manuia o Samoa ma le atinae mo le agai i luma, atonu e le fai loa se poloketi maua loa ni faamanuiaga, mo le agai i luma lea e vaai i ai ia le Malo i tulaga e pei foi o lo o aumai nei faava o Malo i ana fuafuaga faataatitia.

Ona ou oo mai ai lea i le tulaga lea i le talosaga i galuega tau taligalu ma talivai.

FOFOGA FETALAI: Ia tulai mai le sui usufono mamalu ona o lea na taua i lau lauga le tulaga lea, tulai mai le sui usufono mo Aana Alofi Nu. 3, faapuupu mai.

Afioga Tocolesulusulu Cedric Pose Salesa Schuster: Faaftetai lau Afioga i le Fofoga Fetalai mo le avanoa, sei fai foi se malologa, e faamalo atu i le Afioga i le Minisita i le tali maeaea foi i nai vaega na avatu ai nai fautuaga. Pau le vaega lau Afioga i le Fofoga Fetalai, ua taua le....ou te talitonu foi ua ou vaavaai i ai i le mananaia o fale o lo o i ai e le gata i Vailima ae faapea foi Togitogiga. Ae pei o le auga o se tuualalo lau Afioga ona e le o lelei a tatou trails pei o le auala i le alu i luga i le mauga o Vaea o lea e tele ina faaoga le maea e feeci ai tagata i le vaega na solo, ua atoa le tausaga ia atonu ona e le o lelei tele. O tua foi i Togitogiga...o le naunautaiga lau Afioga i le Fofoga Fetalai pei ona avatu foi se tuualalo, o le tele o ia tagata e manaomia le savavali, ia a o tatou trails e le gata ina savavali i latou te maimoa ai foi i le punaoa faanatura o lo o i totonu o lo tatou atunuu. E faapea foi i Lake Lanotoo, ia e le o i ai se tatou trail ou te le iloa po o le tolu i le fa tausaga e lei toe faia.

O le tuualalo atu lava ina ia maua se avanoa o le aufaigaluega e faamama ai, aua e le gata foi i malo mai fafo ia a o le alu lea i luga i le Tusitala o le tele o le tatou atunuu o lo o faapea ona savavali ma koleni ai, faafetai.

FOFOGA FETALAI: Malo. Tulai mai....

Tofa Lealailepule Rimoni Aiafi: Lau Afioga i le vaega lea....

FOFOGA FETALAI: Sa taua i lau lauga le mea lea le sui usufono mo Faleata Sisifo?

23 JANUARI 2014

Tulafono Tau Faaofi o le Faatatauina o Tupe Faapoopo (Nu.1)
2013/2014 – felafolafoaiga faaauau i luga o le faitauga faalua

Tofa Lealalepule Rimoni Aiafi: Ia mea ia o tagata tafafao maimoa mai faamolemole i le tatou Fono.

FOFOGA FETALAI: Oi ia, sei tulai mai.

Tofa Lealalepule Rimoni Aiafi: Lau Afoga i le Minista, sei tagai pe le mafai ona sao i ai le auala lea i aua e mafai ona kolosi mai i i le pito lea, ou te iloa e aoga tele pe a taumafai le auala lea aua e tele tagata e omai o i pasi, nai tagata matutua ia e omai i meli e le lava le taimi, ae alu atu lava le pasi gata i i ae savavali pe 100mita, aua e tele la outou tupe e maua ai ma aoga. Ae pe toe tagai i ai ma lau Afoga i le Minista mo Galuega, Felauaiga ma Atinae Esee e aoga le mea lena.

FOFOGA FETALAI: O le mataupu tau i le Minista mo Galuega o auala e kolosi ai tagata tafafao maimoa mai, ae leaga ua tea le taimi o le Minista, ae lafo atu pea leaga o lea e asfia i talo o eelele o le Malo lau Afoga i le Minista mo Punaoa Faanatura ma le Siosiomaga.

Tofa Hon FAAMOETAUOA LEALAIULOTO ULATINO FAALÉ
TUMAAILI: Faafetai atu i lau Afoga i le Fofoga Fetalai. O le tali atu i le tulaga lea pei ona fesili mai i ai ia le sui usufono mamalu mo Ana Alofi Nu. 3, ia sa ou astasi i ai i tulaga ia, ma ua uma foi ona ou faatonuina ia le Matagaluega ina ia faaleleia auala ia, e oo foi la i tulaga i alavai i i Vailima, sa ou faatonuina foi le clear ina ia flow lelei ia le vai lea e alu ai le auala papa fou, e le faapea na o le fai o le auala papa ae ia lelei le alavai ina ia...e leai se tulaga foi lele ina ia flow free ia le vai ia i le sau mai uta e alu agai i tai. E oo foi la i le tulaga ia o trials ia pei ona e taua i le alu agai i luga i Vailima, o la ua galutue ai le Matagaluega lea i le vaega o le Folesi, o lo o i ai i tua i o lo o faafogafoga mai i le tulaga lea pei ona faatonuina. Ia o le tali atu lea. Ae o le tulaga i le fesili a le sui usufono mamalu mo Faleata Sisifo, ia faamalulu i le tapa fua o le suafa. I le tulaga lea, e pei ua ala ona ua ou le maua le itumalo ona o le tulaga foi lele e faapoopo le fesili lea ua aumai, ma o le mea la, tuu maia fou finagalo sei vaavaai i ai leaga o le mea fou le mataupu lea ua laga mai.

Ona ou oo atu ai lea i le tulaga i le isi vaega o le talosaga lea i galuega tuua o talivai ma taligalu. Ma o le vaega lea na fesili ai sui usufono mamalu ia mo Falelatetai ma Samatau, Vaisigano Sisifo, Faasaleleaga Nu. 4, Aleipata Itupa i Luga, Anoamaa Sasae, Aiga i le Tai ma le Vaa o Fonoti, ia o le a tali uma atu lava i le taimi e tasi ia fesili ia aua e agatutusa uma lava ia tulaga o le mea lea. O lo o ua faagasolo nei le tulaga o vaegatupe ia ua maua mai e fai ai ia taligalu nei ma talivai, ma o le aso o lo o fonu ai ia le Komiti lea o le Project Management Unit, e fili ai le kamupani e pulea funding ia mai le adaptation fund ia faapena foi ma le World Bank ia grant ia e aumai e fai ai ia tulaga lea o sim plans foi ia o le coastal area ma tulaga o le faiga o taligalu.

23 JANUARI 2014

Tulafono Tau Faaofi o le Faataauina o Tupe Faaopoopo (Nu.1)
2013/2014 – felafofafoaiga faaaau i luga o le faitauga faalua

E le gata i lea o le faiga o talivai, ma o lo o faagasolo la le tulaga o galuega ia, a uma loa ia na fili le PMU po o le Project Management Unit foi lea e faatinoina le galuega. E 25 la districts o lo o i lalo o le adaptation fund, ae 16 o lea e lalo o le PPCR Project, polokalame lea o le Pilot Program o le Climate Resilience, o vaega uma ia e lavea i i. Ia lavapapale mai o lo o faagasolo galuega i le tulaga ia ma valaau foi le tulaga o le draw ina o plans ma mea faapena ma review, ia ma tofi foi le tulaga o le Inspector foi lea e vaavaaia ia le galuega ina ia lelei ona faatino i le standard o lea ua uma ona tusi ma plan atu e inisinia. O le tulaga la lena o lo o i ai itumalo uma lava ia na talosaga mai i talivai ma taligatu. O lo o faagasolo i le taimi nei galuega. O le Aso Faraile e meet ai le technical team, e oo atu i ai ua maua se tulaga foi lele mo le faatinoina o galuega uma ia. Ma lou faaloalo lava.

Ona ou oo mai ai lea i le tulaga lona tolu.....

FOFOGA FETALAI: Malie lau Afioga i le Minisita, sei tuu atu le avanoa i le sui usufono mo Satupaitea.

Afioga Lautafi Fio Selafo Purcell (Satupaitea): Faaftetai lava i lau Afioga i le Fofoga Fetalai. E leai, ua ou faalogo atu e pei o le a see ese le Afioga i le Minisita leaga o lea sa faalau mai igoa o itumalo ia sa talosaga atu, a o lea foi sa avatu le talosaga a Satupaitea faamolemole lau Afioga i le Minisita po o ua misi ae toe faaopoopo ane i ai i ina, faaafetai.

FOFOGA FETALAI: Malie lau Afioga i le Minisita, sei tulai mai le sui usufono mamalu. Sa aafia i lau lauga le sui usufono mo Faasaleleaga Nu.4?

Afioga Peseta Vaifou Tevaga: O le talosaga tuai lava ina ne i te i ua faagalo le talosaga a le Faasaleleaga ina ne i te i ua galo, faaafetai.

FOFOGA FETALAI: E laina tutusa le talosaga a Satupaitea ma Faasaleleaga. Ou te manatu e le laaloo ai le silasila a lau Afioga, a o le a lafo atu i lau Afioga i le Minisita.

Tofa Hon FAAMOETAULOA LEALAI AULOTO ULAITINO FAALE TUMAALII: Faaftetai i lau Afioga i le Fofoga Fetalai, e leai e faamalulu atu foi ona o lea e galo ia te au a o lea e i ai le itumalo o Satupaitea i Vaega e pei ona faaleoina faapea foi Faasaleleaga o lea e i le tulaga lea e i at.

Ona ou oo mai ai lea i le vaega lona tolu, o le taina-lea o le vaomatua ma faatau atu i maketi i fafo lea na fesili mai ai le sui usufono mamalu mo Faasaleleaga Nu.3, i le tulaga foi lea pe i ai se fuafuaga po o faatagaina le tulaga lea o le ta o le laau ma ave i fafo - o le tali e leai.

23 IANUARI 2014

Tulafono Tau Faaofi o le Faatatauina o Tupe Faapoopo (Nu.1)
2013/2014 – felafolafolaiga faaauau i luga o le faitauga faatua

O le aso 13 o Iuni tausaga 1990 lea na sainia ai e Lana Afioaga Marmalu, Le Ao o le Malo, Susuga i le Tapaau Faasisina Malletoa Tanumatifi II i lalo o le Custom Act 1977, na faasa ai le taina o le laau ma faatau i fafo. E tasi lava le vaega o lo o faataga ai le faaogaina o le laau i Samoa, o le fausia lea o meafale ma faatau atu pe a faapea e faatau i fafo, e le gata foi i lea o le fausia lea o maota ma fale o i tatou nei. E le faapea foi la e tufaina le taina o le laau, se i tulou. O lo o i ai lava faiga faavae e multinuitai ai galuega a le Matagaluega. A faapea e talosaga mai i se laisene po o se penita i le fia taina o le laau ona o le tulaga lea i le fia fausia o se fale i se maota po o le fausia foi o meafale, e o lava le Matagaluega e fai le suesuega o laau e mafai ona ta ma maka lelei e tau o le post harvest investigation, ma fua ai le area o lea e i ai laau nei e faafua i ai le tau o le penita ma le laisene ma le umi foi e malosi ai le faatinoina o le laisene lea ma le penita. E uma loa le vaiaini lena, lapse loa foi lena laisene po o le penita. O lo o pulea lelei lava la le tulaga lea i le faagaotoga o auunaga a le Matagaluega i le tulaga o le vaomatua. E pei ona pau lea o le sui usufono na fesili i le tulaga lea.

Ona ou oo mai ai lea i le isi vaega o le aoina o le lapisi lea na fesili ai le sui usufono mamalu mo Aleipata Itupa i Luga. Ua uma ona fai foi i le Matagaluega ina ia saili mai le konekarate lea e faatinoina le aoina o le lapisi mai le tumalo lea i le tulaga e le o faatinoina lelei o latou tiute. Afai ae faamaonia le tulaga lena, o le a ave foi i ai se lapataiga. ae afai lava e solitulafono pea i le lelei ona faatinoina le feegaiga, ona faamuta loa foi lea o le konekarate. O le tulaga lena o lo o alu ai le faatinoina o auunaga a le Matagaluega.

Ona ou oo mai lea i le tulaga i fanua e tatou ona lisiina mo atinae. O le mataupu lea e fia faamalamalamaina lea na fesili ai se tasi o sui usufono mo Aana Alofi Nu.1, Afioaga Hon Leaupepe Toiteofa Apulu Faafisi i fanua ia i tuamaota o Faleasiu ma Fasitootua. E pei lava ona silasila mai ou te le i faalavelave a o agiagi foi le sa o le sui usufono mamalu ona o le tulaga lea, o le elecle lea o lo o i lalo o le SLC, e le o i lalo o le MNRE. E le o ni fanua la o i lalo o le Land Board. E fautuaina ai la le sui usufono e faamalamalama le itu lea, a ave lava lau talosaga ia talosaga sao lava i le Minisita o lo o gafa ma le SLC i le tulaga lea. Ona pau le sui usufono na talosaga mai i fanua o le sui usufono mo Aiga i le Tai. Ou tele o iloa la po o fea le fanua lea e talosaga mai ai, po o fanua o le Esetete Tausi po o le a le tulaga lea po o le MNRE pe afai o i ai se fanua o outou silafia, ae e tatalo atu lava.

O le tele o afioaga e tatalo mai lava i fanua e lisi atu. Ona fai lea o le galuega a le Matagaluega ma lisi atu fanua aua o lea ua faafisi aloata uma le faiga o fanua nei i le tulaga lea e i ai, ae e o atu i ai le asiasiga o la lava e vaoa, se i tulou lava le Maota nei e le o faaogaina fanua. O le iuga la e i ai e toe omai ona ou fai atu lea i ai, e leai la sei outou o e faatino le faatoina o fanua ma e tuu atu foi le taimi e tatou e faatino ai le tulaga lea aua e toatele lava tagata o lo o talosaga mai i fanua.

23 IANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauu i luga o le faitauga faalua

Ae fai foi o le tagi mai ae a avatu foi le fanua e lisi ae le faaogaina foi i tulaga e tatau ona faatino ai e tusa o talosaga na tuuina mai. E pei la o le tulaga lena ae se i vaavaai pea i ai po o fea le fanua lea e talosaga mai ai le sui usufono mo Aiga i le Tai aua e pei lava ona ou fai atu i le Fonotaga ua mavae atu, e leai o le tulaga lava ia i fanua o le Malo e le o toe i ai se fanua e faatau. Na o le lisi lava i le tulaga e faaogaina mo atinae tatau mo le atunuu.

FOFOGA FETALAI: Malie lau Afioga i le Minisita o lo o tulai mai le sui usufono mamalu mo Aiga i le Tai.

Susuga Ifopo Matia Filisi (Aiga i le Tai): Faaftetai lava i lau Afioga i le Fofoga Fetalai. Sa ou le manao ou te faalavelave i le Afioga i le Minisita ae leaga o lea ua fesiligia. O tuamaota lava i le fanua o le Esetete Tausi ma lou faaaloalo lava, faaftetai.

FOFOGA FETALAI: Mo le fia faasaoina o lou taimi lau Afioga i le Minisita, tulai mai se tasi o sui usufono mo Aana Alofi Nu.1, Afioga Leaupepe Toleafoa Apulu Faaifisi.

Afioga Hon Leaupepe Toleafoa Apulu Faaifisi. (Aana Alofi Nu. 1): Faaftetai lava mo le avanoa. Mo le faasaoina o le taimi o le Afioga i le Minisita, e leai e momoli atu le faamalo ma le faaftetai ona e le faigofie foi tiute ma faiva. O eleele ia i gauta o Faleasiu ma Fasitoo o lo o i lalo o le SLC ma e sao lelei le saunoaga.

O lo o faapena ona faafogafoga mai foi le Tamaitai Pule Sili o le SLC ina ia faateleai se fuafuaga o fuafua i ai aua ua uma ona faataoto le faamoemoe lea, ua toe lava ina faamatuu, ae i ai itu taua na ou faamanatu. O lena foi ua lava se silafia i ai o le Malo ae na o se faamanatu aua e sili atu le faaoga i le taimi lenei ina ia maua tupe ma faaoga e tagata, e maua ai meatoto ma tautua ai aiga ma le atunuu i lo le faavaoa. O lea foi sa e taua nei, e toe asi atu o la e vaoa. A o le taua o le faaoga, toto ai meatoto, maua ai taavale afi toe maua ai tupe a le Malo. E pei o le faamanatu lena, faaftetai.

FOFOGA FETALAI: Faaauu le saunoaga lau Afioga i le Minisita.

Tofa Hon FAAMOETAULOA LEALAI AULOTO ULAITINO FAALÉ

TUMAAALII: Faaftetai i lau Afioga i le Fofoga o le Fono aemaise foi o le saunoaga a le sui usufono mamalu. O lea ua maua atu le tulaga i le eleele lea e talosaga mai ai. Tuu maia sei vaai i ai le Faalapotopotoga a le Esetete Tausi ma fuafua ai se tulaga i lea itu e pei o le talosaga.

Ona ou oo mai ai lea i le mataupu mulimuli. O le mataupu mulimuli la lea o le faatamaia o le manu lea faalafua o le myna lea na fesili mai ai le sui usufono mamalu mo Sagaga le Usoga.

23 IANUARI 2014

Tulafono Tau Faaoifi o le Faatatauina o Tupe Faapoopo (Nu.1)
2013/2014 – felafolafoaiga faaauau i luga o le faitauga faalua

O le tulaga lena o lo o galulue ai nei le Matagaluega ma le vaega lea mai Niu Sila. O le taimi nei o lo o galulue i Upolu nei, a o lo o fuafua o Mati e sili ai i Savaiti le tulaga lea. Sa ou saili i ai i le Matagaluega, o lo o galulue ai nei le vaega lea a le Environment Conservation i le Division lena e gafa ma le tulaga lea i le puipuga o le siosiomaga, o le tali lena i le fesifi. O lo o galulue ai nei le Matagaluega ma e le moemoenoa lava i le sailiili pea i ai ina ia aumai pea ni faamaumauga o lo o lelei ona faatino lea fuafuaga ma le taumafaiga.

Lau Afoga i le Fofoga Fetalai, ona uma atu ai lea o mataupu i lenei Matagaluega ma e momoli atu ai le faamalo ma le faafetali i le mamalu o le Fonotaga.

Tofa Lealalepule Rimoni Aiafi: Malie lau Afoga i le Fofoga Fetalai leaga o lea ua maea tali a le Afoga i le Minisita.

FOFOGA FETALAI: Tulai mai le sui usufono mo Faleata Sisifo.

Tofa Lealalepule Rimoni Aiafi: Ia manatua lau Afoga i le Minisita o le vaega muamua o lau lauga i le aso ananafi leaga o lea ua maea ona tali le Afoga i le Minisita ma le Matagaluega, o lea sa ou laga le tulaga i le taulaga i mea o drainage lea e pupu solo aemaise o le vao i le taulaga i luga i le seawall ma moli.

O mea taua ia faamolemole po o le a se faamalamalamaga lau Afoga i le Minisita.

FOFOGA FETALAI: O lea ua maua atu le sui usufono mo Faleata Sisifo ma o lea ou te manatua na agai lau saunoaga i le Minisita mo Tagata Tafafao Maimoa Mai Fafu, a o lea e le i oo le tali i le Afoga i le Palemia, ae masalo e manino pe a oo mai le faasologa, ae faafetai atu i lau Afoga i le Minisita.

Talofa e, e mamafa le galuega ma e i ai le talitonuga e le faigofofe. E le i soona filifilia foi lau Fetalaiaga Matautu, o oe o le Muaau malosi. Tatou tatalo i le Atua aua e ui foi ina fai i lagi le folauga a lau soatafu, ae e le o tuua ia tama le tatou Matagaluega. O lo o tele nisi o tulatoa e agai mai e sapa sapai ma lagolago atu. E le faigofofe aua ua tatou vaai nei i le lalolagi ma le taamilosaga, tatou te le iloa le mea e tupu taeano ona o suga o le tau. O ou mama na, onosai i fonotaga mamao o lo o e malaga ai e saili mai ni seleni e faumafai ai a tatou poloketi tetele. Ia alofagia e le Atua ia faalaoalo mea uma e te feafioai ai aemaise je avatu o le faamalosia i le tatou Matagaluega, o outou mama na.

Ua tatou taunuu mai i se tasi foi o Matagaluega taua a lo tatou atunuu, lau Afoga i le Minisita mo Aoga, Taaloga ma Agannu, lau Afoga i le Sao Magele, tulai mai aua ua oo i le taimi o le tatou Matagaluega.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaoaiga faaauau i luga o le faitauga faalua

Afioga Hon MAGELE MAUILIU (Minisita mo Aoga, Taaloga ma Aganuu): E faatalofa atu i lau Afioga i le Fofoga Fetalai ma le mamalu o lenei Maota. Ou te fia avea foi lenei avanoa ou te faatalofa atu ai i le tapuaiga mau a lou itumalo o Faasaleleaga Nu.1 i le nofo a Faafegaiga, o tupu ma ee, o faleupolu o tofiga ma failauga, o faletua ma tausi ma le loaloa o le paia o le itumalo mai lava i Malaefatu i Malaeloa, o Avea i Malaetele faapea Poata ma Falemai.

Ou te fia avea foi lenei avanoa lau Afioga i le Fofoga Fetalai ou te faafetai atu ai i le Maota nei i le lagolago ma faamanuiaga i le faiga-lotu a lenei Matagaluega, aemaise foi o lana fono tele lea na faaiuina ma le manuia i lana tufatufaga faailoga o faiaoga ua maoae le tautua, faapea foi ma a tatou aoga ua silisili ese lona lelei. Ou te faafetai ai ia i latou uma lava sa lautogia i lenei tausaga i Upolu ma Savaii, aemaise lava la matou aoga lea i Salelavalu Primary School.

Lau Afioga i le Fofoga Fetalai, o le siamupini lea o Samoa aoao o Salelavalu Primary School. O la e faafogafoga mai le Pule Aoga ma le Vasega o Faiaoga aemaise foi o le Komiti, ou te avatu lava le faafetai tele ma le faamalo i lo outou galulue i a tatou aoga, ma e taliitonu e taamilomilo ai lava i ina i le Faasaleleaga Nu.1 le siamupini. O lenei foi tausaga, ou te masalo o le a see atu i le Primary School a Iva.

Lau Afioga i le Fofoga Fetalai, faafetai i manatu sa faaalua i lenei Matagaluega ma le lagolagoina o ana galuega faataatia mo lenei tausaga. Faafetai i lo outou lagolagoina o le siitaga o tofogi e pei ona faataatia mai i le Tala Faaopoopo o le Tupe e \$300,000 e fetuunai ai tofogi o nai faiaoga, i latou ia sa le sao le faiga o latou tofogi mai lava i le tausaga e 2010, lea e i ai le vaegatupe lea faaopoopo i ai ma tupe faasao a le Matagaluega e \$600,000. O lea e \$900,000 le tupe e toe faalelei ai ma fetuutuunai ai tofogi, a o lo o galulue le PSC ua toetiiti lava maea le galuega ona sa faatea muamua le galuega lea. O lo o galulue le tatou Komisi o Galuega a le Malo ma le Matagaluega o Tupe e toe fetuutuunai tofogi o tatou faiaoga faatasi ai ma le entry point lea sa taua e se fasi o sui usufono. E avatu ai le faafetai tele i le Komisi o Galuega a le tatou Malo i le Taitaifono ma le Komisi faapea foi le Ofisa Sili o Pulega. Faafetai foi i le Ofisa o Pulega o le Matagaluega o Tupe a le tatou Malo.

E i ai le vaega taua lava lea sa taua e le sui usufono mo Aana Alofi Nu.3, tomali faa-matata eseese mo tupulaga ua le o toe o i le aoga. E ese le taua o lenei mea, ona e le mama le silasila a le Malo i le vaega lea e faatupulaia pea i tausaga uma, le vaega lea i le 15 agai i luga i le 30+ tausaga ua le toe aoga. E pei lava o lau folasaga muamua sa laga muamua foi e se fasi o sui usufono, o fuafuaga a le tatou Malo lea e i ai le vaega lea, o lo o taumafai le tatou Malo e tatala a tatou kolisi ia avatu ai matata eseese e fai ai ina ia mafai ona o i ai tupulaga i nuu i tua ma Apia nei foi i tatou kolisi e tauave ai matata ia maua ai tomali e fesoasoani i ni a latou galuega. E lelei lava le ola taataa a o la e i ai le tomali.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faifauga faalua

O le faanoemoē lea e i ai, ia tatala a tatou kolisi mai le 9 i le taeano i le 4 mo aoga i le taimi fou lea ua i ai ona faaauau lava lea mai le 4 i le 6 mo matata ecese e o atu i ai le mamalu o le atunuu e aoao ai ni o latou tomali faapitoe, e faapea foi ma le Aso Toonai ia ina ia faaoga lelei a tatou aseta ia.

Ua logo mai au e le Amapasa o Ausetalia o le masina fou e taunuu mai ai le TA sa ou talosagaina sei ona fofola mai ma fai mai se faavaa o le faatinoina o le mea lea. A uma loa ia le lipoti lea, ua ata mai loa le faatinoina o tatou galuega ia aua lava alo ma fanau ia sa taua. O le mea lea faafetai tele o lena e faatau ia te outou lea vaega e pei foi ona taua i le tatou Malo.

O le taimi fou o a tatou aoga lea ua i ai nei, amata i le tausaga nei, lea e 9 i le 2 le tausaga 1-3, o le 9-3 le tausaga 4-8, a o tatou kolisi o le 9-4. O le taimi lea e tuua ai aoga a le Malo, ma e leai se isi e ese ai, e leai se exception, e leai ni special cases, o tagata uma ma aoga uma a le Malo e mulimultitia le tatou taimi lea.

Sa taua e le sui usufono mo Faleata Sasae se tasi foi o mea taua, o le sititia lea o le tulaga o faiaoga, aemaise lava le entry point lea a faiaoga ina ia siisiti i luga. Sa ou faia se folasaga i le fonu a faiaoga i le vaiaso nei, o loo faataatia malamalama ai faiga faavae fou lea o le a agai atu i ai le tatou Matagaluega ma le Malo i le mea tonu lava lea ina ia sii i luga le tomali ma le atamai o faiaoga uma. A fia malamalama atili ai, ona asiati lea i le upega tafailagi a le Matagaluega ua uma ona ou faatonuina le CEO e upload i ai mea ia mo lo outou silafia.

FOFOGA FETALAI: Ou te vaelupeina le saunoaga a lau Afoga i le Minisita ona ua tatou taunuu i le tatou taimi maloto. E i ai le faanoemoē o le faaauau lau tali mai pe a tatou taluu mai i le tatou malologa masani. Ou te faasilasila atu o le a faataatia ese Taualumaga a le Fonu Aoao Fatulafono mo lana malologa masani o le taeano.

Na faataatia ese Taualumaga a le Fonu Aoao mo lana malologa masani i le itula e 10:45 i le taeano ma toe faaauau i le itula e 11:24 i le taeano.

FOFOGA FETALAI: Ou te faasilasila atu ua toe amataina nei Taualumaga a le Fonu Aoao Fatulafono. E momoli atu le agaga faafetai i lenei vaega o le aso, o lea ua toe taluu mai le tatou faiga malologa masani o le taeano. Ou te talitonu ua maua se faamalositiho i le paia ma le mamalu o le tatou usugafono. Ia, o le agaga lava ma le faanoemoē o le Afoga i le Failautusi ma le Matagaluega o le Fonu, ia maua pea se mea e tali ai le sua, aemaise o le faaauauina o le malosi atoatoa ina ia mafai ona faaauau ai le tatou galuega.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felatolafolaiga faaauau i luga o le faitauga faalua

E faia le tatou malologa o lo o saunoo ma talifuaitau le Afioga i le Minisita mo Aoga, Taaloga ma Aganuu, o lea ou te valaau atu ai ma le agaga faaalooalo, tulai mai lau Afioga i le Minisita e faaauau le tali atu.

Afioga Hon MAGELE MAULIU: Ou te manatu ua sao i alo le taliga o le sua i le vaivevela ma le vaisusu i lau Afioga i le Fofoga Fetala'i faapea le mamalu o le Maota. O lea ua ou oo mai i le mataupu lea i faiaoga o le Science pe le mafai ona aumai ni tatou faiaoga mai fafo. Lau Afioga, o le uttuti o faiaoga Science, e le o se mea na o Samoa. O le 2/3 o le lalolagi lea e maua ai le faaiftaui lea. O le tala a se tasi o Saienitisi Sinia ua 82 tausaga, o le faaiftaui lea e tupu, ua leai ni Saienitisi agavaa laiti e replace ina matou pe a matou feoti.

Sa ou asiasei e fai lau aisiga faiaoga o le Science i Niu Sila ia Novema, a o le tali na aumai e le Minisita mo Aoga, o la e foi e sioti latou i le Science ma le Maths. O la e la ua foi mai i le taimi nei le latou aisiga faiaoga na ala agai i Hong Kong ma Sigapoa. O le malosi lea o le faaiftaui lea e tupu nei, e faapea foi ia Ausetalia ia mo le silafia. A o lo o i ai i totonu o tatou aoga, o lo o i ai nai volunteers o lea e fesoasoani mai ae le o taitai ona lava. O lea la e i ai le faiga lea ua fai e le tatou Matagaluega o se faiga le tumau seia oo i le taimi e lava ai a tatou faiaoga, o lea ua tuufaatasi kolisi ia pe sefulu ea, e fa Savaii ae ono Upolu, ona taufai o ua lea i ai e ave ai latou Science, aua o le isi mea lea ua faaletonu ai le Science, ona e ave faaafaafa, e afa Science a isi ona faalava lea i le Social Science ma isi mea faapena. Ae pei la o lea ua alu uma i aoga ia e mafai ona aoao ai le full Science a tatou tamaiti. O lea foi ua target e le tatou Komisi o Galuega a le Malo i latou ia e ave faasikolasipi i le Science ma le Maths e le o i ni avanoa faafaiaoga, a iu mai ona taumafai lea e avatu e faafaiaoga. E pei o nai auuala ia mo le taimi nei ina ia faatalitali ai le iu mai, o le faamuamua lea ua ave i sikolasipi i le NUS i le saienitisi faapea foi ma atunuu i fafo.

O le fautuaga poo le a le mea e le faaaoga ai le SROS e le tatou aoga. Ua leva ona i ai le avanoa lea e o atu ai tagata faigaluega a le Malo e aoao i tatou kolisi, o lo o i ai pea i le taimi nei, a o le faatavelave lea e tupu, e faigata tele ona o atu i vasega i le tele o taimi ona o lo o manaomia foi latou e latou Matagaluega, e le consistent foi lea le o atu e ave mataupu ua latou avea i aoga ona o le faatavelave lea, e ave lava le faamuamua i latou galuega.

Ona ou oo mai ai lea i le fesili lapoa lava a lou uso mai Alataua Sisifo, o afea e fai ai le faleaoga o le kolisi fou o Alataua Falealupo. O lea ua ou faaigoaina atu i le Alataua Falealupo i le igoa lea na suggest mai e le sui usufono mamalu mo Falealupo, a o le faaigoaina lava o le tou faleaoga, e leai se feau a matou i ai e le o faatulafonoina foi, o le mea lena e fai lava e oulua. O le mea taua lava le sui usufono mamalu, o lea ua uma le vaega muamua lava o le tou talosaga, ou te faatusaina o le 70%.

23 JANUARI 2014

Tulafono Tau Faaoifi o le Faatatauina o Tupe Faapoopo (Nu.1)
2013/2014 – felafolafolaiga faaunau i luga o le faitauga faalua

O lea ua uma ona aumai ia outou talosaga, ua avatu foi le tali a le Malo e fai le kolisi, o le galuega aupito sili lava lea ona taua, aua ana fai atu nei le Malo e leai se kolisi, o le a le mea o le a oo i ai? Ae tatau ona faafetai le itumalo o lea ua tatala atu e le Malo le avanoa e fai ai se kolisi ina ua uma suesuega na faia e le Matagaluega o Aoga. Ou te taitonu ia i le tatou itumalo aemaise foi o sui usufono mamalu, ia lava le onosai. E le o i ai i totonu o le paketi lea, ana o i ai semeamanu ou te tau saia atu le aso e fai ai. A o le mea lea, o lea ma te galutue faatasi ma le Afoga i le Minisita o Tupe e tauanau le ADB ma le AUSAid ma le NZAid ina ia toe extend le polokalame lea e fai ai faleaoga mo kolisi, lea ua uma ina ia fai ai tatou faleaoga nei. O lau talosaga ia i le sui usufono mamalu mo Alataua Sisifo aemaise foi o le sui usufono mo Falealupo, ia onosai mai, atonu lava e le o toe mamao se taimi.

O le faleaoga lea i Falelima, le Primary School, sa oo atu foi nai toeaifina o le itumalo ma le sui usufono mamalu. O lau fautuaga na ave i ai, o e fai le tou talosaga e ave i le JICA, Japan a o lea o le a o atu le Matagaluega e fai le latou galuega masani e fai le suesuega, fai le lipoti i le tou faleaoga. Ua leva ona uma le lipoti ae ai e lei faia le tou talosaga, ae le o se mea lena a le Matagaluega e fai o le talosaga, e fai lava e outou le talosaga, ona avatu lea o le lagolago a le Matagaluega. Afai e lei faia lena Iru, a uma loa nei le tatou Fonu ona e alu lea e pikii mai form mai le JICA ona e alu atu lea ta nonofo o lea o le a ou tago e faatumu.

FOFOGA FETALAI: Malo. Ia, sei tulai mai le sui usufono mamalu mo Alataua Sisifo.

Afoga Lafaitele Patrick Leiataualesa (Alataua Sisifo): Lau Afoga i le Fofoga Fetalaia, e leai se agaga e fia faalavelave i le saunoga matagofie a le Afoga i le Minisita. O le matou tala na fai atu i taimi ua sola ma fatia ua alu, e leai o la e lava le matou onosai i le kolisi. Raafetai i le Atua o lea o le a fai le tatou kolisi. E leai se agaga e tauanau vaega ia, aua o lea matou te tifoifio atu, e laititi lava si tatou tupe na o le \$14milliona lea e tau faasosoa. A o le talosaga lava lea na avatu ai le matou tala, o la e ua fai mai le matou tamai nuu o Falelima ua uma ona fai, ae leai se agaga faatauana, o lea e lava le onosai lau Afoga i le Minisita. Ma le agaga faaaloalo.

FOFOGA FETALAI: Ia, e manaia le lipoti mai le Matagaluega o Aoga o la e ua maea, o la e foi e faatali le Matagaluega o Aoga mo le tuuina atu o le lipoti e lagolagosua ai le lipoti a le nuu agai i le JICA.

Tulai mai lau Afoga i le Minisita mo Aoga, Taaloga ma Aganuu e faaunau le saunoga.

Afoga Hon MAGELLE MAULIU: Lau Afoga i le Fofoga Fetalaia, ona ou oo mai ai lea i le Kolisi lea o Sagaga.

23 IANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaiga faaauau i luga o le faitauga faalua

Ou te faafetaia ai le Afioga i le Palemia i le Palemia mo lana saunoaga. O le aoga lenei ua oia ai fuafuaga faataaitia a le Matagaluega i tausaga taitasi. O le kolisi lenei ma lona faleaoga sa tatau ona uma ona fai i le lua tausaga talu ai, i le 2012. Ae ona o le faalavelave lava i mea tau eleele, o lea e oo mai nei lava e lei faia. E le o se mea lelei, ua tele galuega na fai i ai i le toe fesutai o ata i le mea lea e ai nei mai le isi foi mea sa i ai, ae le gata i lea o le talaave atu i fafo, e pei e le taua i le itumalo lea o latou tagata aoaoina.

O lea ou te faafetai ai i le Afioga i le Palemia, o lea ua ou mafaufau e uma loa le Fono lenei, e lua lava vaiaso lea o le a tuu i ai, a oo atu i le aso 6 o Fepuari e lei faia le galuega lea, o la e ua leva ona sauni masini e fai le galuega, o le a sei ese mai faiaoga a le Malo, tapuni le aoga, ae faaoga le tupe i se isi mea.

FOFOGA FETALAI: Malie lau Afioga i le Minisita, sei tuu atu le avanoa i le sui usufono mamalu o le itumalo o Sagaga le Usoga o ia foi na laga le mataupu. Tulai mai le sui usufono.

Afioga MUAGUTUTAGATA FAAMAUSILI AUMATAGI PETER AH HIM (Sagaga le Usoga): Faafetai i lau Afioga i le Fofoga Fetalai mo le avanoa. E faafetai atu foi i le Afioga i le Minisita e tusa ai ma le saunoaga i leni taeao. Lau Afioga, o le aso ananafi na pau lava le matou faamatalaga sa tuu atu i lau Afioga, e faamanatu atu lau saunoaga i le Fono sa e Taitaifono ai ia Aperila 2012, sa faapea, a oo atu i lea vaiaso ea poo lea masina e le maua se fanua, o le a tuu atu loa i le fanua sa malilie i ai le Komiti, o Faleula. O Faleula e lavea i lalo o Sagaga le Falefa ma Sagaga le Usoga. O le tuutuuga lena sa matou faatali i ai, a le maua se fanua mautu pe tasi i ai, o la e faatali mai Faleula. Sa matou maua le fesootaiga ananafi ina ua malolo le Fono i i ma taitai foi o lea afioaga, o loo nonofo lava ma faatalitali mai lau Afioga, ae peiseai o le mea na ala ai ona pei e faaletonu Faleula, o le manatu e latalata lea i le aoga a Wesley College. Na pau lava lena, a o lau faamatalaga ananafi, ou te le o manao e fai ni finauga i nei ituaiga mea. O lau lava faamatalaga ananafi, e taua le maua o le fanua, ae le taua le latalata ia Wesley College. Ma le faaaloalo lava.

FOFOGA FETALAI: Ia, sei tulai mai lau Afioga i le Palemia.

Susuga Hon Tuilaepa Fatialofa Lupesoliai Aiono Neioti Sailele
Malielegaai: Lau Afioga i le Fofoga Fetalai, o le mea moni lava, e leai se leadership o sau i nuu nei. Ma ou te lagona e le tatau ona toe alo-le-Malo i mea e fai. Ua lava lea lua vaiaso, a leai loa ua tapuni le aoga ona faasoa mai lea o tamaiti e aoga i isi kolisi ma aveese uma mai faiaoga. Na pau lava lena o le tonu e tatau ona fai.

23 IANUARI 2014

Tulafono 'Tau Faaofii o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

E tatau pea ona alu le sui usufono e felioai, a o le iuga lena, e lua vaiaso, a leai, tapuni. Na pau lava lena o le mea e tatau ona fai.

FOFOGA FETALAI: Ia, tulai mai lau Afoga i le Minisita mo Aoga, Taaloga ma Aganuu.

Afoga Hon MACELE MAUIIU: Faafetai i lau Afoga i le Palemia. O le a ou see atu loa i le vaega lea na tava e le sui usufono mamalu mo Falealupo i faaoga tausavali mamao e faapea e le aooga i isi aso ona ua le alu atu le pasi po o se tulaga faapena. Ua logoina mai au e le Matagaluega o le a silasila i ai le Matagaluega, ona o lea foi e i ai le mea lea e tlotlotio i ai le Matagaluega i faaoga o le Science lea e travel mai lea kolisi i le isi kolisi. Masalo o le a silasila foi i ai i lena itu, ina ia aua ne i afaima le tamaitiiti aoga ona o le le mafaita ona provide o se service faapea.

O le isi tulaga tava na tava foi e le sui usufono mamalu, o sui ia o Amerika Samoa lea ua mafaita ua i totonu o le atunuu, e foliga mai o lea e omai e gaoli atu i se tulaga faaalalo a tatau faaoga. Faafetai lava mo le lagaina mai o lenei mataupu, ma o le lusi lea i le Matagaluega. E le o i ai se atoa o le Matagaluega i le ituaiga faatosina ia e omai ma latou, ae o le a silasila i ai le Matagaluega. Ana faapea e ova tatau faaoga, tasi lea maketi lelei lava o le ave o tatau tagata i fafo e faaitagaluega ai. Ae mo le taimi nei o lea e utiuti, ia, sei silasila foi i ai le Matagaluega poo le a le impact o lea mea ia i tatau, ae o lo o faaauau pea a tatau galuega, ae faafetai tele mo le laga o lea mataupu tava.

Ia, ona pau lea o mataupu lau Afoga i le Fofoga Fetalai, e avatu ai le faafetai tele i sui usufono o le Maota i la outou faasoa mai. Ia manuia tele le Fono. Soifua.

FOFOGA FETALAI: Malo faafetai saunua i lau Afoga i le Minisita mo Aoga, Taaloga ma Aganuu.

E avea foi lenei avanoa e momoli atu ai le agaga faafetai tele i le faiga paaga vaavalalata a le Matagaluega ma le tatau Palemene. O lea ua faaalia ma le agaga faaalalo e tusa ai foi ma le valaaulia faapitoa o le Palemene, e auai faatasi i nisi o matimatiga ma le mapueina o le faaosofia o moegaluga i le Matagaluega e ala i lau Afoga, le Matagaluega ma le mamalu o faaoga. E avatu le matou faamalo. E le o ni upu e avane ai, e le fatigofie la outou galuega i le ao ma le po i le galuelaina aemaise le acooina o alo ma fanau o le atunuu, e le o se tulaga e faatumutumuilma i ai la outou silasila ma la outou vaavaai. O lea foi ua maua le avanoa e faatasi atu ai i nisi o laugatogi faapitoa, ia o ala uma ia tatau te saunia e molimoli ai le feau o le faatava o le itu o le auauanga ma le faatinoina o tiute o faaoga. O le mea sili o lo o e savali pea i au upu.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

O lau Matagaluega ma e lalamua lau Afioga ma lou itumalo, o Salelavalu ou te molimau atu aua ua ou asia faalua pe faatolu i asiasiga a le SPAGHL, amuia e pe a faapea o le faaitaiga ma le alafua lea e mulimulitai uma i ai aoga uma a le atunuu. E taulamua i taitai le vaaiga lelei o atinae e le faatuaoia mea lelei, ae agai lava i mea e matua oo ai i ooooga mo le manuia lautele. Faafetai foi i lea aoga aemaise o le pule mamalu a alii ma faipule, komiti o aoga, o outou mama na.

E momoli atu moomooga alofa i galuega o lenei tausaga i lau Afioga i le Minisita aemaise foi o le mamalu o lenei Matagaluega i tupu ma ee aua le faatinoina o galuega fai. Faafetai ua manino ma malamalama le tali mai i finagalo ma atugaluga na faaalua e sui usufono. Ua tatou oo mai i se tasi foi o Matagaluega e sili ona taua i le tatou atunuu, o le Matagaluega o le Soifua Maloloina. Tulai maia lau Afioga i le Minisita ua oo i le taimi e tali ai le tatou Matagaluega.

Afioga Hon TUITAMA TALALELEI TUITAMA: Ua tea le sa ia Manuvao ua tu mai i lagi foi le lagaali a Tamafaiga tatou faanonomanu o lea sa avca ai lau Afioga i le Fofoga Fetala ma ositaulaga i le taeao ua fano, tau ia ina ia faafofoga le Atua e tusa ai ma le tatou talosaga i lenei aso, to ni manu aua le Maota o Samoa. O le a ou le toe ta i utumaa pe ou te toe faloina le afa loloa aua paia o lau Afioga ma le mamalu o sui usufono o le Fonousu a Samoa aua o Samoa ua uma ona tofi ua maea foi ona paepaefulafanua le tele o saunoaga ma fetalaiga i lenei taeao. Ua tullili foi le tai ma ua ligaliga le gataifale aua paia o le tapuaiga a Samoa mai ona ao seia oo lava i ona iu. E le toe i ai foi se agaga e toe oo i ai se matou faamatalaga i lenei taeao ae o le a sagai tonu lau o le fo ma vili tonu le ifi a Maina e tusa ai ma le tofia o au i lenei taeao.

Ae ou te lei sagai atu ia i mataupu sa laga e sui usufono o le Fonotaga, e muamua ona ou faapai atu i le tapuaiga a si ou itumalo ia Aana Nu 1, le paia i Aiga ma le Faletolu ma Fuaifale faapea foi si o matou nuu i Fasitoo le Taofia o Aiono le Afioga ia Leaupepe, Sua ma Toleafoa faapea foi le Falefitu le Tuua ma le fetalaiga i le Matua o Tauauvea. Faamalo faafetai i le tapuaiga aemaise foi o le tatalo faipea a nai ou matua faaleagaga le susuga i le Tocaina Faatonu ia Eti ma le Faletua faapea foi le susuga ia Uta ma le Faletua ma le mamalu o le Auaifaluga o lo o faafaletuluia i totonu o lenei itumalo, faamalo faafetai i la outou tapuaiga, faafetai mo talosaga mo le nofoa o le tatou itumalo, se tasi o nofoa o le tatou itumalo vaeane le afio o le Afioga ia Leaupepe o se tasi foi o sui usufono o lenei itumalo.

Lau Afioga i le Fofoga Fetala, e 37 sui usufono sa afea lenei Matagaluega i a latou saunoaga faalauaitete i le Tala Faaopoopo o le Tupe o lo o talanoaina nei. E momoli atu le agaga faafetai tele ia i latou sa saunoo, o le faailoga vaaia foi lea o le tele o le lagolago mai o le tatou atunuu ma le naunautaga ina ia lelei ma atoatoa le auaunaga ona o lea o lo o feagai ma le soifua o tagata o le tatou atunuu.

Tulafono Tau Faaoifi o le Faatatauina o Tupe Faapoopo (Nu.1)
2013/2014 – fetafolafoaiga faaanau i luga o le faitauga faalua

E taua tele ia sao e tuuina mai i totonu o lenei Maota pei ona ou taua foi i le taimi ua mavae o lo o faaoga e le Malo o lo o faaoga foi e le Matagaluega ia le tele o motugaafa ma ni fautuga aoga mai totonu o le Maota leni, e faufau ai lo matou sa aua e leai se atoa o i le Matagaluega, a o le galulue faatasi ma tupu ma ce o le atunuu, o i ina e faalagolago i ai lona malosiaga e mafai ai ona tauave ia ona tiute fai.

Lau Afoga i le Foroga Fetala'i ua maea ona ou tali atu i le tele o nisi o mataupu sa laga a o nisi foi o sui usufono sa saunua i le agaga faafeta'i, ona o nisi o taumafauga lelei ua latou matauina i le tatou auunaga faasoifua maloloina. A o vaega ia o lea sa saunua i ai nisi o sui usufono ma e lei fata i ai sau talia o lea o le a ou taumafai e vaevae atu.

O le sui usufono mamalu mo Falelatai ma Samatau sa saunua i le tulaga i le clinic lea faamoemoe e fai i Falelatai, pei ona silafia o lea o lo o faagasolo le galuega a le Matagaluega i le taimi leni aua le faatogaina faapa foi ma le aufaigaluega mo le tatou falemai lea ei Faleolo, o hina lea o le a tapuvaetasi i ai itumalo nei e tolu, Aana Nu. 3, Aiga i le Tai faapena foi ma Falelatai, o lea ia e i ai le manatu aua le polepolevale e oo atu lava le faaso'a i se taimi ae mo le taimi nei, e fuafua lava i le mafai, e le gata o lona faatogaina ma le faatinoga ae o le aufaigaluega foi e seu silafia agai i ai fuafuaga i le tatonu Matagaluega. Sa taua foi e le sui mamalu ia le tulaga i le OUM, o lo o faagasolo taumafauga a le tatonu Malo i le taimi nei mo le faaleleia atili o le aoga lea o le taumafauga ina ia umia saototo e le tatou Malo ona e i ai nisi fuafuga aluati mamao e sili ona lelei mo tama fanau a le tatou atunuu i lo latou aotauina i le faiva o le faamatoto. O le a oo mai lava i totonu o le Maota leni i se taimi tulaga o lea taumafauga pe a sologa lelei i se taimi o lumanai e le o toe mamao. Sa taua foi e le sui usufono mamalu mo Falelatai ma Samatau le tatou auunua o lo o galue i Niu Sila le susuga lea i le alii foma'i o Dr Benjamin, sa faapea sona taofi e tatau ona vaavya'i e sui i se foma'i Samoa po o se tagata Samoa e tauaveina le tiute lea. Ua leva foi ona ou faalogo i itala e feave'ai e le matagi ma nisi foi o manatu e uiga tutusa ma le finagalo o le Afoga i le sui usufono ma o le mea moni lava, o le afoga ia Dr Benjamin ua suafa ia Papatii, o le matai Samoa ou te le iloa la po o le fea lea e atugalii i ai le sui usufono lea, ma le tasi o le faatinoga o le galuega lea e le faigo'fi, o le tulaga lea ua i ai nei ou te tautala atu ma le mauitino'a ona o lea sa matou galulue i futia ua alu ia foi e silafia e le sui usufono o Vaisigano Nu. 2 sa matou galulue faatasi, o aso ia a faapea e manao e ave se mai i Niu Sila e tausali se foma'i i o e ono faufau i ai le manao ona talanoa lea i ai ma aumai sona ioe'ga e mafai ai ona talia ona toe ui lea i isi auata aua le tapenaga o le avega ma le taoto i le falemai e laveave le galuega.

I le taimi lenei ua tele le faigo'fi, a faapea e i ai se mea e tupu faafuase'i i se gasegase i nei e manaomia ai le togafiti taeao i Niu Sila, ae o i ai se vaalele e alu nei e valaau atu lava i le Afoga ia Papatii, ia tapena uma le pito le la valaau mai o lea ua sauni aumai e ave i fea.

23 JANUARI 2014

Tulafono Tau Faaofi o le Faatautuina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Ua i ai le fomai ua talia mai e aumai ma o le a feagai ma le togafitiga o le mai, ia alu loa le mai, avatu lava e leai se feuaiga ma le tele o le gaogaosa sa i ai sa faigata ai ma tuai ai ona oo togafitiga i a tatou gasegase. O le mea lea, e oo mai lava i le taimi nei o lea lava e mataitu pea, ae e le o i ai se tulaga matuina o le a tatau ai ona suia lea faiga ona o lea o lo o lelei, e pei lava ona tatou masani i le upu masani, if it is not broken don't fix it, aua e leiloa pe sui atu nei ae atili ai le faaletonu.

Afioga Taefu Lemi (Falelatai & Samatau): Lau Afioga...

FOFOGA FETALAI: Malie lau Afioga i le Minisita, o lea e ...leaga o le sui usufono mamalu sa taua le mataupu. Tulai mai le sui usufono mo Falelatai ma Samatau.

Afioga Taefu Lemi: Malo faafetai i lau Afioga i le Fofoga Fetalai, ona o lea e fai ma faaoga atu leni itumalo e leai foi se agaga e tetee pe faasao se saunoaga a le Afioga i le Minisita e saolele ma o le fautuaga foi a leni itumalo a faapea o lelei ma faamalieina lau Afioga i le Minisita i le auaunaga ia faaoga ae so o se taimi lava e te vili atu ai e iloagoffie lava e le alii fomai o lau Afioga lea i le Minisita ua vili atu, e i ai le taimi e sii gasegase ai ia le tatou atunuu ia e tau ese foi le molimau mai le vala lea pe a sii gasegase ma oe o le tausi mai pei o le agaga lea o lea e tau faaauata atu ai se manatu e le gata i lea ae sei silasila foi i nisi o tatou tagata, e moni o lea ua suafa Papalii ae i ai foi nisi alo ma tama fanau o le atunuu o lo o galulue ai i lea itu o lo o aumau ai le toatele o le atunuu, e taua lava le va fealoai le tatou gagana le faaogaina ina ia tuumalu ia togafitiga o i latou o lo o sulufai atu i togafitiga i atunuu mamao. O le ala lea o le toe faatomatau atu i lau Afioga i le Minisita.

FOFOGA FETALAI: Malo faafetai. Tulai mai lau Afioga i le Minisita e faaauau lau tali mai.

Afioga Hon TUITAMA TALAILEI TUITAMA: O lea toetiiti ou oo atu i le vaega lea ua tulai mai ae lelei lava ona ou faamanino atu, o le ogasami lea ua uma ona tatou aloina, sa faagaoi foi e o tatou tagata lea e sosoo mai nei ma Dr Benjamin. E tele le faaletonu na tulai mai ai o le ala lea ua ou see mai ai i le tulaga lea ia ua sologa lelei ai nei, mo le tali atu e tusa ai ma le lagona, ia ae taatia ia faapea i lea tulaga ua tatou mataituina, o tatou lava e pule, a manatu lava e tatau ona sui pe a talafaeagai ia o le tulaga lava lena e fai, e le tu faamauga foi se isi.

O le sui usufono mo Sagaga le Falefa sa taua le tulaga lea o le customer service ma e tasi lea tulaga ou te talitonu e taua tele, e ui lava ina leai se finagalo tele o le Afioga i le sui usufono na faaalua ae ou te lagona e tasi leni vaega taua tele e tatau ona aumai i luma o le fonotaga leni aua le faafogaaga a le tatou atunuu.

23 JANUARI 2014

Tulafono Tau Faaofi o le Faatatauina o Tupu Faaopoopo (Nu.1)
2013/2014 – felafolafoaiga faaanau i luga o le faitauga faalua

Ou te le iloa po o le a le mea lea e tupu i totonu o Matagaluega aemaise lava o tatou tagata o lea e faafeagai ma tagata, ou te le puniolo i le tulaga lea i le falemai e sao ua ou molimauina foi e au ma ua tele foi lipoti e oo mai ia te au, ia o tulaga lava nei o lo o tulai mai pea, ou te le iloa pe aisea e faapea ai o tatou tagata, a tuu atu i ai le galuega e fai e faafeagai ma tagata ae faaalua o latou uiga le mafaufau ma uiga le tamalii i le faafeagai ma tagata, o lea foi ou te vaai i ai i lipoti a le PSC o lea e tauave le galuega lenei lea e avatu lipoti ma ou tiotitio i ai aemaise o le tulaga lea o le latou spot checks ia e fai i le taliga o le telefoni, pe fia tatagi lifi le telefoni. O i ina foi lea ou te tulimatai ai e au le matou Matagaluega, a o le tele o taimi lea e siaki atu ai e le PSC, lea e tai ilima tatagi a le telefoni faatoa sili i luga, faatoa talli le telefoni, o i ina le isi uiga le faaalolo, aemaise lava le Matagaluega a le Sofifua Maloloina. O i e tatou ona tasi loa le tatagi talli loa le telefoni, aua e le iloa poo se mai tīgaina poo se tulaga manaomia vave ai se fesosoani, ae faitaiga ai lava, aua o le tele lava lea o le aufaigaluega. A le mataitu la e i latou o lo o vaaila le galuega lenei, o le mea lea o lea e tupu mai.

Ou te faamalu atu i le sui usufono na laga le mataupu lenei, o tulaga na, o loo fai pea le taunafauga, o lo o matou felioai pea ma Faaululuga o Vaega ecese o le falemai i vaaiso taitasi, o le lauga lava lea o lea e tuuina atu i ai. Ua uma foi ona ou faaalua i le Pule Sili o le Auauanaga Faa-Sofifua Maloloina le lipoti lea na oo mai ia te au i le vaaiso lea na tea nei i le tulaga lava lea faapea le manuia i le le vaaila faalelei ma faafeagai lelei ma tagata. A o le mea e leega ai, e allai ai foi ma itu faaloga tagata, e vaai mai loa i tagata e masani ai oso mai loa i le atoa ma faatope le faiga, ae a o atu nai tagata foi nei faaleloga, ua pei ua faaleano i ai. E le o se mea fou, o le mea lava lea ua leva ona mataitu ma e tatou ona galulue uma tatou, e tatou ona tatou galulue e tinea lea vaivaiga o loo tulai mai i totonu o Matagaluega a le tatou Malo, o lo o auauana ma faatinoina galuega tatou te sulufai i ai i o tatou manoga e ala atu i a latou auauanaga.

Ona ou oo mai lea lau Afoga i le Fofoga Fetalai i le mataupu na laga e le Afoga i le sui usufono mo Vaa o Fonoti. E le i aumaila faasea, ae manaila le auala na aumai ai le faagaulemalie o le Afoga i le sui usufono i lona faaitalati mo le 45 minute i uta i le falemai i le taimi na sulufai atu ai e fia maua se fesosoani, ae 45 minute faatoa maua lona avanoa e vaai ai ia e fomai.

FOFOGA FETALAI: Malle lau Afoga i le Minisita leaga o lea e tulai mai le Afoga i le sui usufono mamalu na taua lea mataupu.

Tulai mai le sui usufono mo Vaa o Fonoti.

Afoga Tialavea Fea Tionisio Seigafofola (Vaa o Fonoti): Faafetai lava lau Afoga i le Minisita. E leai e le o se faitio, o le vave. O lea ou te faitio i le tuai ona vaai, na ou malie lava i le 45 minute sa ou i ai.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

E pei lava ona fai atu se manatu, o lou lava lagona e tatau ona e i le falemai i le lua itula ua talafeagai. E le o se faitio la, a o le vave ona vaai o gasegase i lea aso. E faamalie atu ai i lau Afioga i le Minisita.

FOFOGA FETALAI: O lea ua manino le saunoaga a le sui usufono, ne i eseese o oulua finagalo, a o le vave lea na saunoo i ai le sui usufono.

Afioga Hon TUITAMA TALELEI TUITAMA: Aua o le 45 minute, o le matua vave lava o lena pe a fua lau Afioga i le tulaga o lo o i ai nei le galuega o lo o faatino i le tatou falemai. Mo le silafia e le Maota tenei ma le mamalu o le tapuaiga a Samoa, o e na vaai i le Outpatient, le falemai tele o tatou la e i uta i le tausaga e 2012/2013, e 128,319 i latou na o atu i le Outpatient i le tausaga ua mavae, e tusa lea ma le 352 gasegase i le aso e tasi. O lona uiga a faasoa i ai taimi o fomai ia e galulue ai i falemai, o le vave la lena, o lea e sao lelei lava le sui usufono, e tatau ona lua itula pe tolu itula, a ua matua vave lava le 45 minute. Aua foi i totonu o ia gasegase, o loo i ai ma gasegase tigaina ma faalavelave faafuasei po o accident and emergencies, o la e milo faatasi ai i totonu o le 352 gasegase ia i le aso e tasi. O le aoga foi la i lenei itula, e lelei ina ua laga mai, sei faafofoga foi i ai e lo o faitio pea ona o le tai 2 itula o faatali le fomai.

O le isi tulaga e fia faailoa atu mo le silafia e lau Afioga, o i latou uma na vaai i falemai uma o le atunuu i Upolu ma Savaii, e 27,866, e tusa lea ma le 569 gasegase i le aso e tasi. Ia manatua foi o le faitauaofai o Samoa lea e i ai nei, e 187,000. O lona uiga i le tausaga e tasi, e leai ma se tagata Samoa e lei oo i totonu o le falemai. O lea la e faamaonia i, o isi ua o tai faalua pe tai faatolu, aua ua ova atu le numera o e na o i le falemai nai lo le population o Samoa. O le mea lea, e ao ai ona lava le tatou onosai ma ia malamalama outou finagalo ma o matou loto i tulaga o le...

FOFOGA FETALAI: Malie lau Afioga i le Minisita, sei tulai atu le sui usufono mamalu leaga sa taua i lana saunoaga le tulaga lea.

Tulai mai le sui usufono mo Falealupo.

Afioga Hon Acau Peniamina Leavaiseeta: Lau Afioga i le Fofoga Fetalai, ou te fia fesili atu lava i le Minisita, o le manaia ia, soo se taimi lava e te tulai mai ai e aumai au figures. A o le fesili; o a tou mea o fai i figures ia? E fia fomai na e tuu i ai? Na o le pau foi na o fomai a tatou e faia le mea lea? O le mea a 45 minute o nofo le mai ua tatau ona pe le fatu o le mai. A o le mea, o le a le tou mea o fai i ai, for how many years now? E matua le talia lava.

Na pau le mea lau Afioga, o lea la ua faaititia nei ua toasefulutasi fomai ia ua tuu i ai ina ia foia le mea lea. A o le mea lea o le aumai o figures, aumai...

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaanau i luga o le faitauga faalua

Afoga Hon TUTTAMA TALALELEI TUTTAMA: Lau Afoga i le Fotoga Fetatai, afai e sao nei manatu, ou te oo i ai i le tulaga lea ne i faaumiumi ai lau tautalaga a o lea e taumafai e tuli atavaya pupuu. Ae peitai, o lea ua laga mai e lou uso a fomal, o lea e tatau ai ona i ai sina faamalalama, ae sei faauma atu pea le vaega lea na ou talanoa atu ai. Ona faamalulu atu lea i le tatou atunuu, ia silafia foi, o le taimi lenei o le tausaga e maea ai le vaega lona lua o le tatou falemai fou poo le second phase o le TTM faapea foi ma le faaopoopoga o le falemai tele i Salafai, le Malietoa Tanumafili II. O lo o ua faaopoopo i ai vaega nei e tau o le A&E, o le Accidents and Emergencies Department. O le agaga o lea taumafai, a maea lea ona tuu ese ese loa lea o Emergencies ma Accidents, tuu ese ese le General Outpatient ona le toe poloka ai lea o le feoaiga o mai. A omai lava mai ia ua manaomia le emergency, o mai o faalavelave faafuasei, ma o agai i le tulaga o loo i ai tagata faapitoa latou te galulue faagaaga mo ia foi ituaiga gasegase. A o le lautele, e i ai nai mafae ma nai mai o le pau ma le tiga o le ulu po ua mamafa le isu, e o agai i le vaega lea e tau o le General Outpatient ona le toe i ai lea. O le faamoemoega la, ia aua ne i toe i ai se poloka faapea i Upolu, ma Savaii.

A o le vaega lea sa taua e le sui usufono mo Falealupo poo a mea o fai, silasila foi, o le tulaga lea pei ona ou fai atu, e 207,000 i latou nei sa o i le falemai i le tausaga e tasi, ua ova atu i le population o Samoa. O le fesili la; pe aisea ua o ai i le falemai? E mamai. O le agaga lea e taumafai atu nei le Matagaluega, ia aua ne i mamai. O taumafai la nei e fai nei e le Matagaluega, aua e te fiu e lau mai fomal. O tagata foi nei e 207,000 lea na o i le falemai i le tausaga lea na tea nei, o la e togafiti, ua malotosi. E oo foi i le tausaga lea, e toe mamai foi ma toe omai foi. A o le agaga lea e i ai le taumafai a le Matagaluega, ia aua ne i toe mamai, aua ne i toe mamai. A la galuega ia e faasavali atu nei i tua o le faamalositino ma galuega e faasilasila atu i le Televise ma le leitio e toaga e savali, toaga e faamalositino ma tuu le ulaula, tuu le inupia le sui usufono mo Falealupo, tuu le tulaga lea o le taunafa le tatau. Ia o mea nei, o galuega ia o lea e fai nei, lea o loo tapisa ai talafatai o le tatou atunuu i affoaga ma alaafaga i galuega o loo fai pea, o le agaga tonu lena, prevention. A lea ua pasia le Tulafono o le Health Promotion? Sei tatou matafuiina poo le a se tulaga e tutai mai i le soifua o le tatou atunuu, ona le toe manaomia lea o ni fomal se tele, aua e te fiu e lau mai fomal, e uma togafiti nei toe oo taeco toe mamai foi, pe afai e mamai i mai nei o NCDs, o chest infections ma mai e mafua mai ona o le suiga o le olaga poo le suiga o le soifua.

Ia o le faamalalamaga lea e tusa ai ma le maemaea o si ou uso, aua o le sui usufono foi mo Falealupo lea e faaigaaluega e le Matagaluega. O le tasi lea fomal o lea e tofogi i le \$200 i le itula e galue ai i totonu.

23 IANUARI 2014

Tulafono Tau Faaofi o le Faatauinia o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

O lea la e tatau ona malamalama, o lea e faaoga le partnership foi lea with private doctors lea e tau mai i totonu ina ia taumafai, e faatoatele ai fomai lea e saunoa i ai le Afioa i le sui usufono mo Falealupo.

Ona oo mai lea lau Afioa i le sui usufono mamalu mo Fateata Sisifo...

Susuga Hon Tuilaepa Fatialofa Lupesoliai Aiono Neioti Sailele Malielegaai: Lau Afioa i le Fofoga Fetalai, ae a pe a fesili atu i le Afioa i le Minisita, e i ai se auala e toe suesue ai fomai ia pei la o le fomai lea na e taua, poo i ai pea le tomai ina ne i te i ua saga faalagolago i ai tagata ae le iloa po ua avea fomai faapea ua leva e le o toe faaogaina e lamatia ai le ola o tagata? O i ai se tou auala faapena e toe siaki ai fomai ia?

FOFOGA FETALAI: Ia, tulai mai le sui usufono mamalu mo Falealupo.

Afioga Hon Aeau Peniamina Leavaiseeta: Lau Afioa i le Fofoga Fetalai, e sili ia ona ou fesoasoani atu, aua ou te vaai atu lava e le mafai e o ona tali le mea lea.

Lau Afioa, o le 12 tausaga talu ai, ou te lei apply i ai, na aami au e le Minisita ma le Manager a le National Health Services i le taimi lena, la te iloa lelei I happen to be a dentist ae ua fomai i le taimi lena Frank Smith. E i ai gasegase ia e le mafai e se isi ona vaata, vagana la au, le toaina Falealupo lea e fai atu. Ua 12 nei tausaga o ou faia le galuega lea lau Afioa, o le mea lea na taa ai si tama i Peretania. O le mea la, e oo i le taimi lenei, ua leva ona ou le toe fia alu i ai... se i uma atu lava le mea lea sei faauma atu.

FOFOGA FETALAI: Ia, malie lau Afioa i le sui usufono mo Falealupo sei tulai ai le Afioa i le Palemia.

Susuga Hon Tuilaepa Fatialofa Lupesoliai Aiono Neioti Sailele Malielegaai: O lea la ua maua le mea.

Afioga Hon Aeau Peniamina Leavaiseeta: Ua e maua mai la? O lona uiga la, sei tau atu i lau Afioa ma le Afioa i le Minisita.

FOFOGA FETALAI: Malie lau Afioa i le sui usufono mo Falealupo o lea o le a uma atu le faamalamalama lea ona faauma mai lea o lau saunoaga.

Susuga Hon Tuilaepa Fatialofa Lupesoliai Aiono Neioti Sailele Malielegaai: O lea ua maua le tali, na aami e le Minisita. O lona uiga, o uiga faapolokiki lea sa aami ai, ae sa tatau ona aami avatu toe test atoa. E i ai le taimi na ou alu ai foi i le fomai lava lea e sei lou nifo, oi, na fai fai ou toe sulu i uta i le falemai. Ana ou le sulu i uta ou te le ola.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

FOFOGA FETALAI: Ia, tulai mai lau Afoga i le sui usufono mo Falealupo.

Afoga Hon Aeau Peniamina Leavaiseeta: O le mea muamua, toe faafoi lau saunoaga lea aua e te lei atu atu foi ia au. Aua e te pepelo aua e i ai ituaiga pepelo e taua, ae i ai foi isi ituaiga pepelo e mataga. Ua e hooa? Ua e maua mai? Anyway, lau Afoga, o le tulaga lea, e lelei lava le faamalamalama o si vaega lea o le auaunaga lea ne i te i ua faapea ai... Silasila la lau Afoga, o au e i ai le re-base e gau la au i i, aua e \$500 e fai ai mea o bases o le....e fai fua uma i i, e fai fua e au i uta, ona o lea o uta fai ae leai se mea e sau i i. Aisea? Leaga o le services e tatau lava.....o lau lea service i le atunuu, leaga na ave au i, a, ua e maua mai? O lea la ou te faigaluega ai loa i ina, a? I le auaunaga la lea e le o maua, a? I am....

FOFOGA FETALAI: O lea ua maua, ua maua e le Nofoa le sui usufono mo Falealupo. O lea ua maua, tulai mai lau Afoga i le Palemia.

Susuga Hon Tuliapapa Fatialofa Lupesolai Alono Netoti Sillele Malilegaoli (Palemia): Lau Afoga i le Fofoga Fetalai, e manatua lelei e le sui usufono e faalua lava ona ou alu atu ia te oe, e na o le faalua lava, ona ou le faafolua loa lea. o le mafuaaga na ou le faafolua ai, ona e i ai mea o....ua ou popole, ua ou fele.

FOFOGA FETALAI: Ia e manatu ua manino le mataupu.

Tofa Motuopuaa Uifagasa Aisoli Vaai (Vaisigano Nu. 2): Lau Afoga i le Fofoga Fetalai....

FOFOGA FETALAI: Ia malie lau Afoga i le alii fomai. Ia o le a se mea ua....

Tofa Motuopuaa Uifagasa Aisoli Vaai: Leai na ona ou fia fesosocani atu lava, e lei talia le fesili a le Afoga i le Palemia. O fomai uma lava, e tatau lava ona maape ua hooa po o le a le mea ua ala ai ona....o tausaga uma lava e i ai fomai nifo, o fomai tipitipi, o fomai uma lava po o medical doctors e issue a latou annual practicing certificates, ia satisfy le council po o le dental council po o le medical council, o lena e up to date lou tomai, ia a leai, ia ua issue atu le mea e tau o le temporary, a le satisfy ia by the middle of the year, ia ua suspend lou laisene e te le....sei faamalieina le council.
Ma le faalaloa.

FOFOGA FETALAI: Malo. Tulai mai lau Afoga i le Palemia.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Susuga Hon Tuilaepa Fatialofa Lupesolilai Aiono Neioti Saitele
Malilegaai: Lau Afioa i le Fofoga Fetalai, o lea la faatoa sao le tali.
Pau lava le mea ou te fia fesili atu ai i le uso foi sa tulai mai e fesoasoani
mai i le mataupu lenei, se temporary lou laisene lea e.....?

Tofa Motuopuaa Uifagasa Aisoli Vaai: Lau Afioa, ua leva ona
suspend lou laisene, aua ne i e oo atu i lau clinic.

FOFOGA FETALAI: Ia tulai maia lau Afioa i le Minisita, o le mea sili
o lena e maua e le atunuu le faamanuiaga ua maua e fomai o le
Matagaluega ma fuafuaga a le Malo. Tulai mai lau Afioa i le Minisita.

Afioa Hon TUITAMA TALAILELEI TUITAMA: Faafetai. E aoga foi
le faaulavea a le Afioa i le Palemia aua e le o silafia foi e le tele o tagata,
o le tasi lea requirement o le mafai pea ona galue e vaai le soifua o
tagata o le tatou atunuu, ina ia mauiinoa o lo o saogalemu, ma o lo o
faagasolo foi polokalame ia e tau o le CME po o Continuous Medical
Education, ia o lo o fai pea e tatau ona fulfill ia le numera o au fonotaga
na e te auai i ai e maua ai ou points, e te qualify ai mo le toe faafuaina o
lou laisene.

O le Afioa i le sui usufono mo Faleata Sisifo, ia sa fesiligia le tulaga foi
lele o le aoina o totogi o le falemai. Ia sa ou manatu lava e le....aua o lo o
i ai le aufaigaluega ua uma foi ua lava o latou tomai ua maua faailoga i
lea vaega ma ona fuafuaga o ia mea, ia ae tatau lava ona faamalie le
Afioa i le sui usufono ina ia malamalama foi lea tulaga.

O le tulaga o lea ua i ai nei tatou i le aoina o mea nei o pili, ua tofu lava
le auaanaga ma le cashier o lo o i ai. O le Lab ma le Pharmacy o lo o i ai
le latou cashier, e totogi uma i ai tupe e fai ai lisiti o le faatauina o vai, e
faapena foi le totogi o auaanaga o lo o ofoina atu e le tatou Fale Suetoto.
E faapena foi le X-Ray, o lo o i ai foi le latou cashier. Ia o le Out-Patient
o lo o i ai foi cashier ia e aoina seleni o gasegase o lo o autovaa atu i ai. E
manatua foi o wards a tatou i le 7 ma le 8, ia o lo o i ai foi le
Administrator o ia lea e nafa ma le aoina o seleni na. A o le fale failele
ma le falemai o tamaiti, ia e pau na o fale e leai ni cashier o i ai, aua foi o
la e taotoo fua, e le o totogia.

Mo le silafia la, o le 9:00 ma le 3:00 i le afiafi e ao ai tupe ia e faataunuu
atu i cashier ia, ia ma molitai loa i o le Finance Manager, o lona tiute o
le alu loa e tuu i le bank ia seleni na e teu ai ma malu ai, ina ne i te i foi
ua tolofia i le suatimu ma le la.

O le tasi vaega sa fesiligia e le sui usufono, o le tulaga o le tau o le
eletise. Ou te iloa e muliai ona ou tautala i le vaega lea, ae ua silafia uma
lava e le Maota lenei i le tilotilo i le tulaga o lo o i ai le tatou falemai fou,
ia e mumu mai lava moli i le 8:00 i le taeco e toe oo i le 8:00 o le isi taeco,
e faapena foi le ola o air conditions, e ola faasoloatoa lava, o lea e manaia
ai ma matagofie ai ia le falemai.

23 JANUARI 2014

Tulafono Tau Faaofi o le Faatatauina o Tupe Faaopopo (Nu.1)
2013/2014 – felafolafolaiga faaauau i luga o le faitaunga faalua

Ia o tau aupito i sili na ona maose o lo o tauave nei e le tatou falemai. Ma o se faatataiga; i le tatou lava falemai i uta, i le tausaga lea na uma atu nei e 2013, o le pili o Novema o le falemai lava ia i uta i Motootua, e \$117,162.02sene. O le pili o Tesema o le tatou falemai fou, e \$130,938,89sene. E ese mai ia i le pili o uta i le isi vaega la e i uta i le falemai le vaega tuai o le falemai e \$117,400.40sene, ia Novema e \$96,091.18sene. Ia e fai lava sina maose o pili o lea e pei ona.....ae ona o lea sa fesiligia e le sui usufono, ia o tulaga na o le tatou eletise. O le ala foi lea e maimau pe ana ua lilo ai e le tatou atunuu ona agai i mea o Solar Power e faaoga i ai a tatou fale fou nei ua fai, atonu o lea e agai lava i luma ia le malamalama o le tatou atunuu i le faatinoga o ia auunaga ona mauu lea i se aso. Aua o le tele o atunuu matulu ia ta te asiasi i ai, ia e tau leai se la, a o le tele ia o fale ua paoa uma i mea o solar power.

O le vaega mulimuli na laga e le Afioiga i le sui usufono mamalu mo Faleata Sisifo, o le tulaga lea i mea o subsidy foi ia pe mafai ona subsidize e le Malo. O le tulaga lea ua matua alofia lava e le Malo, aua e lei faapea na fai muamua foi e isi atunuu e collapse, e faigata ona montor, faigata ona control. O le ala foi la lea e tutu mamao ai ma tulaga ia o mea tau subsidy ona o le vaega lena. Ae pei lava ona ou faamalamalama atu i lau faamalamalama muamua, e 95% lea e subsidize e le Malo o gasegase uma o lo o autovaa atu i le falemai, e le o toe manaomia...a faapea e toe fai se faiga faapena, o le a toe faaopoopoina seleni a le Malo e toe alu ai, ia ma e le maunua foi po o le a le tulaga o le a i ai. Mo se faatataiga; i le kuata faaiu o le 2013 o Oketopa lea ia Tesema, e 24,110 ia gasegase sa vaia i uta i le tatou falemai lea sa tala a latou vaihau i le tatou falemai tele i Motootua. E tusa lea ma le 262 ia prescriptions i le aso e tasi. O le tau i le kuata lea e tasi o fuataau ia ma vaihau ia sa talaina ia Oketopa e tau ia Tesema, e \$602,874.00, mai lea \$602,874.00 e \$367,753 na totogi e le Malo lea na ave fua, tusa o lea na ave fua e lei totogia, o vaihau ia na ave fua, a o le aofai la o talavai pe a fua i le tausaga atoa, e tusa lea ma le 96,443, a faatupe e \$2,411,496.00, o le vaega o lena tupe na ave fua po o lea sa totogi e le Malo, e \$1,471,012.00, ia silasila ia i le vaega tele o lea o lo o subsidize e le Malo. Ou te le malamalama ia i se isi ituaiga subsidy lea e tuhimatai, but already we are paying 95% of the cost.

FOFOGA FETALAI: Malo, sei tuu atu le avanoa lau Afioiga i le Minisita i sui usufono na laga le mataupu i mea tau subsidy.

Tofa Lealaitlepule Rimoni Alaifi: Faafetai i lau Afioiga mo le faamalamalama. Muamua, i le aoina o pili, leai e lei fesiligia e lou sui usufono ia le faiga o lo o fal ai, e talitonu o lena e i ai faiga a le Matagaluega. Ae o le mea lea e tupu, o le taimi e aoina ai. Aua o lea ou te fai atu sa i ai lau mai i le falemai ia Tesema, ia na matou o lava matou e leai se pili, i le taimi la lenei ua sili ai.

Tulafono Tau Faoofi o le Faatautaina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

O lea la ou te fesoasoani atu i le taimi la faapea e vaiaso, ia amata ona tele te tupe, po o le a le faiga e fai ai aua e sue ifo ua o mai i le fale.

O le eletise, o le faamatalaga na avatu ona o le complain mai i le Matagaluega i le taimi na oo mai ai i le Komiti o Tupe, o lo o faapea mai, ua tele tele le pili a le Matagaluega ona o lea e charge latou e le EPC i le commercial rate. O lea la ua outou faafoga i ai, e tai \$100 ma ona tupu afe i le masina, ae manatua e le o se pisinisi le mea o le Matagaluega a le Malo. O lona uiga, e tatau la ona soalaupule i le va ma Matagaluega a le Soifua Maloloina ma le Faalapotopotoga o le Malosi Faaeletise, pe aisea ua pili ai le falemai i le pili maualuga lea i le commercial rate, rather than i le rate masani e tatau ona ave ai. O lea la ua tatou vaai i ai, e matautia le tulaga lea e i ai.

O le mea lea na taua i le subsidize, leai e sao e tele le....ae leaga o lea ua fai faiga paaga o lea ua o atu fomaini i uta e tofogi i le tau maualuga lea e saunoo mai ai, o lona uiga la, a faapea ma fai ai i tua ina ia faaititia tagata e o i le falemai tele aua o lea ua sii le tau, ae faavagavaga o sefe ai isi resources ma avanoa la i mea ia o emergencies ma referrals, atonu o le tulaga lea e ono fesoasoani ai foi mo latou ina ia encourage tagata ina ia fai ma o vaai fomaini. O nai vaega la ia e fesoasoani atu ai i lau Afoga ia mo se faamalalamalama, a o lea e te faamalalamaina mai, ua atili ai ona ou le malamalama, faafetai.

FOFOGA FETALAI: Ia e pule lava lau Afoga i le Minisita pe e te toe tali mai ae faasolo lau tali pe afai e le o fia malamalama le sui usufono.

Afoga Hon TUITAMA TALAILEI TUITAMA: Faafetai. Ua leva ona ou iloa le tulaga lea i le pili lea e lei tofogia, aua o lea na sioki ai ia le falemai i le vai taimi tonu lea, a o lea la faatoa tau mai, faamolemole la lau Afoga alu e tofogi lau pili o la e i ai lava le mea lena e lei tofogia.

O le tulaga lea o fomaini e o i tua, o le agaga tonu lava lena o lea e o ai fomaini i tua, e o e vaai ai gasegase lea e i falemai i tua, ia aua ai nei i lolofi mai i le falemai ma ia faatutusa le auunaga e maua e falemai ia e i tua i le asiasiga a le fomaini lea e faapea foi ma le falemai i Apia nei. O le agaga lea o lea e taumafai, ma e faigofie ona monitor e le Matagaluega a latou galuega e fai ma a latou taimi faaalua ma tulaga uma faapena, ia o lea e monitor, e faigofie ona monitor ma control. Ae a oo i se tulaga pei o lea sa manaomia mai e le sui usufono, ia ua matua faigata lava ua withdraw e isi atunuu le tulaga lena ona o le faigata ona monitor.

Lau Afoga i le Fofoga Fetalai ona ou oo mai lea i le mataupu sa laga e le uso a sui usufono le Afoga i le Sui Fofoga Fetalai mo Palauli. Sa fesili, pe aisea ua tele ai faamalama foi ia e tala ai vai? Ia atonu o lea ua maua se malamalama o le sui usufono i le faamalalamalama lea na avatu nei i le aofai o prescriptions ia na tala e 96,500 i le aso prescriptions o lea e tala mai totonu, e ono tutupu ai mistakes.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaga faaanau i luga o le faitauga faalua

E i ai fualaau e ono fesetai ai, aua o la e ua ave fualaau a le isi mai, ave ma le isi mai, pe a faaoga le faamalama e tasi. O le ala la lena, na i ai mea na tutupu ai, lea e mafai ai le faiga lea e i ai nei. O lea la ua fai i se faiga faapea ina ia mafai ona siaki lelei e i latou o lo o faigaluega ai fualaau e feagai ma le mai, ia mautinoa moni e le mai o ana fualaau tonu lea ua avatu. A i ai la se aoga e molimoli atu ai se fautuaga i le mamalu o le atunuu, a maua au fualaau, siaki poo au fualaau sao ia, fesili i ai ma faamatala i ai poo au fualaau sao ia, ae te lei alu i le fale, leaga e i ai mea na tutupu ai, ua ave e isi mai fualaau a isi mai, ona fesetai lea faapena, e ono tutupu ai faalavelave matuia. A o le ala lea o le faaoga o faamalama ia, o le isi e alu ai i totonu a o le isi e alu ai i fafo, ma ia toatele le aufaigaluega e mafai ona felataai. O le ala foi lea o le tuutuu mai o le aufaigaluega i luma ina ia vavalalata ma le gasegase lea e alu atu e tala le vai ia mafai ona talanoa ma faamatala i ai ana fualaau ae le i toe taluu atu i lona aiga.

Lau Afoga i le Fofoga Fetala'i, ona pau ia o nai vaega sa laga mai e le mamalu o le Fonousu a Samoa....

FOFOGA FETALAI: Malle lau Afoga i le Minisita o loo i ai le sui usufono o lo o tulai mai. Tulai mai le sui usufono mo Faasaleleaga Nu.4.

Afoga Peseta Vaitou Tevaga: Faafetai tele lava mo le avanoa i lau Afoga i le Fofoga Fetala'i, e momoli foi le faamalo ma le faafetai i le Afoga i le Minisita i le tulaga foi pei ona tau faamalamalama mai tulaga pei ona i ai nisi o tuualato a nisi o sui usufono i le aso ananafi. Ae talu ai ona o au le isi sui usufono sa matua umi ai lou taimi i le tulaga lea e le o aafia mai i le tali mai a le Afoga i le Minisita ona o pili foi nei o tamaiti e faapea foi i nai tina i le fale failele.

Lau Afoga i le Fofoga Fetala'i, o lea sa faavasega mai e le Afoga i le Minisita i le aso ananafi tamaiti foi nei, le pepe mai le tausaga muamua e tau i le fitu. E free la tamaiti nei pe a vai i le falemai. Ma ou te au foi i ai i le mea lea e finagalo ai le Afoga i le Minisita. Ae a fua mai i le fitu lea agai i le sefululima, o le tausaga lea e ese le tele ai o le tupe e alu i le tamaititi, aua a fuafua mai i le tausaga muamua....

FOFOGA FETALAI: Malle le sui usufono sei tulai atu o lea ua maua atu e le Minisita lou finagalo, o le sefululima lea sa taua e le Afoga i le sui usufono.

Afoga Hon TUITAMA TALALELEI TUITAMA: Lau Afoga i le Fofoga Fetala'i, o lea ua maua le fesili a le sui usufono, o le tasi e oo i le sefululima lea sa taua e le o le tasi e oo i le fitu. O tina foi mataga, o lea na manino i lau tali. Na ala ona ou le toe tali i ai i le aso, o lea na umi ai lou taimi ananafi o tali le fesili lea. A finagalo le sui usufono ou te toe tali atu, e leai se mea e augofie.

Tulafono Tau Faaofi o le Faatautaina o Tupe Faaopoopo (Nu.1)

2013/2014 – felafolafoaiga faaauau i luga o le faitauga faalua

A o le agaga lea e i ai, o tina maitaga mai le taimi e afuafua ai, o le taimi e tuueseese ai ma le pepe, ma le taimi faatoa uma ona tuueseese ma le pepe, e vaai fua. O le pepe ma le tina i taimi uma ia o lona maitaga. E faapena uma lava pepe ia e oo i le sefululima, e vaai fua i totonu o le falemai.

FOFOGA FETALAI: E i ai se isi mea le sui usufono mo Faasaleleaga Nu.4?

Afioga Peseta Vaifou Tevaga: Lau Afioga, pei o le agaga lena, sa taumafai lava ae leaga o lea e tali mai le Afioga i le Minisita, a o le taua ia o le mataupu lea ou te tau avatua. E pei lava ona ou fai atu, o le tele o tamaiti ai le fitu agai i le sefululima, o le tausaga lea e faigata tele i ulugalii. O lea e tau faamalalama atu lau Afioga, leaga o le pili lea na ou lauga ai ananafi.

FOFOGA FETALAI: O lea ua maua atu le sui usufono mo Faasaleleaga Nu.4, o le faamalalamaga a le Minisita...

Afioga Peseta Vaifou Tevaga: O lea la e tau avatu le fautuaga i le Afioga i le Minisita, leaga e le o atoa mai le aumaiga.

Silasila foi lau Afioga i le Fofoga Fetalai, leaga o la e faafofoga mai tina o le atunuu. Ou te talitonu foi i totonu o lenei Maota, e i ai nisi o tina ua foi mai le fale failele. O le tulaga pagatia lea e i ai, ona o le auunaga na ou fai atu ai ananafi, ia, a o lea e le o aumaia i le tali a le Afioga i le Minisita, ona o le tulaga lea e uiga i le vaai fua o maitaga. O lea ou te ioe i le vaai fua o maitaga, a o le taimi lea na ou tatosaga atu ai ananafi, o le taimi foi lea o le a ola mai ai le pepe a le tina. O lona uiga, e tatau lava ona totogi pili tina i le taimi lea. Silasila foi lau Afioga, o le mafatiaga la e i uta i le falemai, leaga o au lea sa asiase i uta i le falemai. E le o i ai ni moega e faatosagaina ai tina, o la e molimau mai tina i le mea lea ou te fai atu ai. O moega faapitoa e faafanau ai le tamaititi, e i ai moega faapitoa e faafanau ai le tamaititi poo le pepe. O le taimi nei, e leai ma se moega. O la e faaoga nai teine tausisoifua nei e faaoga o latou tauau e aluga ai vae o le tina pe a fanau.

FOFOGA FETALAI: O lea ua maua le finagalo o le sui usufono.

Afioga Peseta Vaifou Tevaga: O le mea lea lau Afioga, ona o lea o le a le piliina, a o lea e tau faamalalama atu.

FOFOGA FETALAI: Ua fai si lautele o le mea fou lea ua e tuuina mai i luga o lau folasaga na aumai. E tasi lava le mea lea na taumafai le Minisita e faapupula atu lau saunoaga lea na fai nei, o le tasi i le fitu.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

A o le fitu i le sefululima, o lea ua saunoa faamalamalama le Minisita, o le tasi i le sefululima, e vaai fua le consultation. O tina mataga ma pepe e vaai uma lava seia oo ina tea i tua, ma e vaai fua foi le tamaititi mai le tasi le tausaga e oo i le sefululima. E ui o lea, tulai mai lau Afoga i le Minisita. Le sui usufono mo Falealupo lea sa tulai mai pe i ai se mea....

Afoga Hon Aeau Peniamina Leavaiseta: Lau Afoga i le Fofoga Fetala'i, poo le le taua e le Afoga i le Minisita, ae ou te le faatauinaua foi la e tali mai ae faamau ane i ina, leaga o le mau lea, o le matua taua lava i lenei usugafono. O lea na ou taua faamolemole, ia free consultations, mai, lea e autovaa atu i uta i le falemai, leaga e oso loa le mai alu i le atoa i le falemai ae leai se tupe, ae le mafai ona e alu e vaai le foma'i. Na pau lava lena o le talosaga. O ona tua mai, alu lea o le tagata, prescriptions poo a mea uma, tofogi. A o le mea lea o le \$10 ae e te lei vaaila le foma'i, o lau talosaga lena, o le faamamaavega tonu lena ma le right lena o soo se tagata ma le obligations a le Malo e vaai. O lena tonu lava.

FOFOGA FETALAI: O lea ua maua le Afoga i le sui usufono mamalu. Na alu le taimi atoa o le Minisita e faamalamalama le mataupu lea, ma ua matua manino ma malamalama foi le pasene na tuuina atu i ai, e ova atu ma le 75% le mamalu o le atunuu o loo free consultation, ma e manatu foi na o sina vaega toaititi i luga atu o le sefululima agai i le folusefulu tausaga lea e i ai le mafuaaga lea ua faapaseheina mai e le falemai.

Lau Afoga, ona e ava i le tatou taimi, nei te i ua e toe asa le ogasami ua uma ona asa ma lau faamalamalama, ae ou te manatu ua manino le finagalo o le sui usufono mo Faasaleleaga Nu.4 ma le finagalo o le sui usufono mo Falealupo.

Tulai mai lau Afoga i le Minisita e faasolo lau saunouaga. Sei tulai mai lau Afoga i le Palemia.

Susuga Hon Tuliapapa Fatialofa Lupesoliai Aiono Neioti Sailele Malilegaoni: Lau Afoga i le Fofoga Fetala'i, e mataga tele le lafoga lea na aumai. Ou te manao e sili ona tali mai i ai le Minisita. E mataga tele le mea lea faapea e leai ni moega ae o atu teine e aluga. Atomu e faataata a lafoga ae mataga. E sili ona tali mai le Minisita pe sao ia ituaiga lafoga faapea. E aveane lo tatou agaga foi lele e run down se mea, e atagia ai i lou tagata. Ae sili ona tali mai le Minisita i le mea lea. O se mea faavalevalea lea ua ou faalogo i ai o le o ifo o isi teine e tuu i ai vae i luga. Ou te le i vaai i se mea faapea. E matua mataga tele nei lafoga e faia i totonu o le Maota. E sili ona tali mai le Minisita i le saunouaga lea na aumai nei.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafoga faaauu i luga o le faitauga faalua

FOFOGA FETALAI: O le ala lea o lou taumafai atu i le sui usufono mamalu na saunoa ona o lau saunoaga na fai. E lei taua le itu lea, o le ala foi lea o lou tau naunau atu i nisi mataupu fou na ou taofiofia atua. E tasi le mea na agai i ai e saunoaga, o le tulaga lea i tamaitai failele ma le tulaga o le vaaiiga fua foi lea sa aafia i le saunoaga a le sui usufono mo Falealupo.

Tulai mai lau Afioga i le Minisita e tali atu, o lea ua maua le finagalo o le sui usufono, o lea foi ua saunoa le Palemia.

Afioga Hon TUITAMA TALELEI TUITAMA: Lau Afioga o se tulaga faanoanoa o le loto i lenei taimi ona o se saunoaga tuulafoai ma tuuaiga le faavaea e vaemanua ai le faamoemoe o le tatou fale lenei, o le fale o loo i ai le mamalu o finagalo o le atunuu, ae afua atu ai ni tulaga ma ni uiga faaopea. E le aoaia e Laupua Tamafaiga, e faamasino le atunuu. A o le mea lea na saunoa i ai le Afioga i le sui usufono, o se saunoaga tuulafoai. O le tatou falemai o le falemai fou, o loo i ai foi moga faapitoa lava mo le faatinoina o le tulaga lea i tina maitaga. Ou te le iloa la e pei ai le galuega lea fua i le aumai maumaututu faaopea o sona mea lea e fai ai le galuega lea i lau Afioga i le Fofoga Fetalai, faaopea le finagalo. O le tali atu lea i lau Afioga i le Fofoga Fetalai, faaopea le mamalu o le Maota aemaise o le faafofogaaga a le tatou atunuu.

Ma lau Afioga, ua uma ai foi i i lau tali i le aso e tusa ai foi ma mataupu na laga mai e sui usufono mamalu i a latou saunoaga faalauaitete i le Tala Faatatau Faaopoopo (Nu.1) o le Tupe 2013/2014.

FOFOGA FETALAI: Malo faafetai. Faafetai i le tali manino a lau Afioga i le Minisita mo le Soifua Maloloina. E manatu foi ua manino ma malamalama le tali mai e tusa ai foi ma atugaluga i le mamalu o Tootoouli o le atunuu sa laga mataupu e uiga i lau Matagaluga. Ia, e talitonu o loo molimau le Atunuu lau Afioga i le Minisita, e le faigofie le auaunaga faa-soifua maloloina. O lelei ma faaletonu e lafo atu lava ma le faaunautaiaga e lava la outou onosai ma la outou faapalepale, leaga tatou te le talanoa ma faalavelave, o mala faalenatura aemaise o mai o le tino ma faaletonu masani tau soifua maloloina, ae manatu faafetai i le Atua o lea lava e mau le toovae aemaise o le molimauna o le savalia pea i luma o le soifua maloloina. Talosia le tatou alo atu i le faatinoga o nisi o auaunaga fou, o lea ua tatala le tatou first phase, tatou talosia le faasologa o galuega ina ia manuia ma telei le soifua maloloina. Faafetai foi i le Ofisa Sili o Pulega ma le Matagaluga aemaise o le ofisa atoa, susuga i alii fomaini, e maitau foi o loo tele alii fomaini o lo o galulue i totonu o le tatou **Palemene nei, o outou mama na. Aemaise foi i polokalamu** faalauiloa o lo o aafia ai le tatou Palemene i le SPAGHL. O le agaga o Taitai o le atunuu ia fesoasoani atu ma lagalogosua i le galuega. Malo faafetai mo le tali mai.

23 JANUARI 2014

Tulafono Tau Faaofi o le Faatatauina o Tupe Faaopopo (Nu.1)
2013/2014 – felafelafataga faaanau luga o le faitauga faalua

Ia, o lea ua tatou oo mai i le Matagaluega o se tasi foi o ivitu o le tatou atunuu, le Matagaluega o Faatoga ma Faigafaiya, tulai maia lau Afoga i le Minisita aua le tali atu a le tatou Matagaluega i mea sa laga e sui usufono.

Afoga Hon LE MAMEA ROPATI (Minisita mo Faatoga, Paleoloa o Faatoga ma Faigafaiya): E faatalofa atu i lau Afoga i le Fofoga Fetalaia aemaise foi le paia o le Maota nei i Afoga i sui usufono. O loo tatou faatasi foi ma Ofisa Sili o Pulega i le tatou Fonotaga i le aso, ae taimane foi le tapuaiga faafofoga mai a si o tatou atunuu.

I le ava ma le faaalalo ou te tulai atu ai e fai au ma sui o le Pulega ma le Matagaluega o Faatoga ma Faigafaiya e talifualtau foi i saunouga matagofie a nisi o sui usufono mamalu sa afea lenei Matagaluega i a latou saunouga.

E muamua lava ona faafol le viiga i le Atua i Lona alofa ma Lona agalelei, o lea ua tatou aulia mai le lona tolu lenei o aso o le tatou Fonotaga i lenei vaiaso, aemaise foi o le tatou Fonotaga muamua lenei o lenei tausaga. Faafetai i le alofa o le Atua ua taitaina mai ma le manuia lo outou soifua ma lo tatou ola aua le faataunuuna o o tatou tiute pei ona tofofina ai i tatou i le Maota nei.

Lau Afoga i le Fofoga Fetalaia ma le paia o le Maota, o le tele lava o saunouga, o le agaga faafetai sa molimoli mai i le Matagaluega nei aemaise lou nei tagata. Ma e molimoli atu ai foi lau faafetai, o le tatou vaa lava e fautele. O a ni mea lelei ua faia, ia tatou o e sii faatasi ma ave i luma o le Atua e fai ma ona viiga. Faafetai tele lava. O nisi foi o saunouga na aumai ai fautuaga matagofie, po o ni faitoga foi e faafoliga o ni faitoga, ia e leai e le alo i le ata o le niu, e aoga uma lava saunouga, timaiga ma fautuaga ia po o ni faitoga foi, e faufau ai lo tatou vaa, aua e pei ona ou fai atu o le tatou vaa fautele. O fuafuaga lava ia i tatou o tagata o lenei lalolagi, ia e fuafua mea lelei a o le faataunuuna, e faataunuu e le Atua, a le faatasi mai le Atua e le manuia. O le mea foi lena e taua ai a tatou faigalotu ma fuafuaga uma o lo o fai uma nei e molimoli ai le tatou viiga ma le faafetai, ia ma tatou talosaga i le Atua e fesoasani mai i lo tatou vaivai. E taua le faatutua ma le faamomoe i le Atua, aua o Ia na te faataunuuina mea lelei pei ona tatou gapatia ai.

I lau vaavyaai atu lava i le lautele o le saunouga na tuuina mai, pei o mea lava ia sa mamafa i ai le saunouga, saunouga na tuuina mai, o le tulaga o le tatou faaeleleaga i le talo, ia o fesoasani e tuuina mai e le Matagaluega e i ai ia fesoasani e tauala mai i le Faletupe o le Lalolagi, e le gata foi i lea o le popo ma le niu, ia ma nai foi isi mea latu i finagalo lava o le sui usufono latou e uiga i o latou itumalo, ia po o mea fol ua tutupu ua latou silasila ma tagai ai. O lea la o le a ou tali atu i ai ma sui o le Matagaluega o Faatoga ma Faigafaiya pei ona tuuina mai.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Muamua o le a ou agai i le talo. E le o toe po se lilo sa lelei lava le tatou talo a o lei lavea i le faamai o le lega, taro leaf blight, lea sa afaina ai le tatou talo i tausaga ua tuanai, ia sa lelei lava le aveina o le talo i fafo, sa faigofie foi ona ave aua e lei lavea le tatou talo i le faamai, ae peitai, na tulai mai loa le faamai lea e le gata ua tuuifitia le tatou talo i totonu o le atunuu, ae ua avefa foi lea ma mea ua faafaigata mai ai i atunuu i fafo lea sa masani ona ave i ai le tatou talo, aemaise lava Niu Sila ma Ausetalia, ia le taliaina o se talo e toe avatu i totonu o le tatou atunuu.

O le mea moni lava i le taimi ina ua tulai mai le faamai lenei, sa leai lava ma se talo e toe avefa, o le taumafaiga foi lea a le tatou Matagaluega e suesue ma faafeusuai talo e le gata i talo e aumai i lea atunuu ma lea atunuu, ma talo foi mai totonu o le tatou atunuu, o lea la ua taunuu ai i faamanuiaga ia ua i ai, aua o le mea moni lava o lena lava ua molimauiina e lo outou paia, ua lelei le tulaga o le talo, ae ui ia i lea tulaga lelei, o lo o faateete lava atunuu i fafo i le taliaina o tatou talo ona o le faamai lava lea sa ou taua. Ae ou te fiafia e tau atu, o lea lava ua agaigai i luma ia tulaga i taumafaiga e le gata i taumafaiga a le Matagaluega e faafesootai ai fafo i tulaga ia o le quarantine o le talo, aemaise foi ia maketi e toe lalaga le tatou maketi sa masani ona i ai, aemaise foi taumafaiga a lo tatou atunuu.

E momoli atu lava le faafetai tele i le aufaifaatoaga, faafetai tele i le lagolagosua mai ma le talia mai o le talosaga a le Malo e tauala atu i le Matagaluega lenei, ina ia tatou galulue faatasi. O le aoga foi lea o a tatou faaaliga ia e fai nei, o le mea moni lava e tau atu ua aoga tele faaaliga nei, ua maua ai le fesootaiga vavalalata a le Matagaluega ma tatou faifaatoaga, aua o lea ua lesitala ai ia le tele o le aufaifaatoaga ma maua ai le fesootaiga vavalalata, e le gata i Upolu nei ae faapea foi Savaii. Ia o lea la ua fua mai ia lena tulaga, aua o lea e avatu i ai fautuaga ma talosaga a le Matagaluega, ae le taunuu uma nei mea pe ana leai le lagolagosua mai a le tatou aufaifaatoaga. E lagona lava le loto mafatia foi e pei lava ona outou saunoa, ua manao lava e maua loa le tele o faaeleleaga ma ave i fafo, ae paga lea, e le faigofie, e faapena uma lava atunuu. E faapena uma atunuu, e le gata i atunuu i fafo ae faapena foi lo tatou atunuu i le aumaiga o ni faaeleleaga mai fafo i isi atunuu, e faapena le puipuiga o atunuu eseese, aemaise lava Niu Sila ma Ausetalia lea e lata mai e masani ona ave i ai a tatou taumafaiga. Ou te talitonu, o lea lava o le a agaigai malie lava i luga le tulaga lelei, ae pau lava ia le talosaga i le tatou aufaifaatoaga ua maua ai foi lenei avanoa atonu o faafofoga mai, tatou onosai pea, o le tatou tautua lea i le atunuu, e le gata o le fofoga taumafa o le atunuu i nai o outou aiga ma nai o tatou nuu, ma a tatou itumalo, ae ua maua ai foi nai faasiliga i le aveina lea i fafo o faaeleleaga o le tatou atunuu, aua o le talo latou, o lena lava ua outou saunoa ma molimau mai. E pau lava le mea, ia tatou faamoemoe pea i le fesoasoani mai o le Alii e mafai ai ona maua nisi auala e faatelevave ai a tatou fuafuaga ua faataatia nei.

23 IANUARI 2014

Tulafono Tau Faaofi o le Faatatauina o Tupe Faapopopo (N'u.1)
2013/2014 – felafolafolaiga faaauau i luga o le faatanga faalua

Mo le siafia o le auina atu o le tatou talo leaga o lea sa tele ia lauga sa agai mai i ai, e tolu lava vaega taua, o le matafaiol lea a le faifaatoaga, matafaioli a le Matagaluega ma le matafaioli a le ulu faitotoa po o faitotoa ia e ave ai i fafo. O le matafaioli a le faifaatoaga, o le toto lea o ituaiga talo ia e lua ua pasia nei e le Matagaluega ua faafigofoe ona auina atu i fafo, lea e i ai ia le talo Samoa numera 1 ma le numera 2. O le isi tulaga, o lea foi ua latou silafia aemaise lava i latou ia ua ave i fafo le talo, o le fautuaina lea o le 7 i le 8 masina, ia ona fafai lea o le talo e tatou ona ave i fafo ma faamama lelei aveese aa o talo, vaecane le paia, ma palapala, ona tuuina mai lea o talo nei o lo o lelei i le tatou Matagaluega i le ofisa i Atele, ina ia fufulu lelei ai vaecane le paia ma fao containers ma tulaga uma faapena ma faamama atili ai, ma vaavaai lelei ne i te i ua i ai ni iniseti ma mea faapena ni faamai, e ono faafaigata ai ona ave i fafo le tatou talo, o le size o le talo lea o lo o ua ave nei, e taumafai lava aua nei sili atu i luga o le kilo e tasi, e le o se manao o tatou, a o le manao o le maketi, aua e le fuafuaina e tatou le mea e ave i fafo, ae fuafua mai e le maketi le mea ia e mananao ai, o le tulaga lena.

O le matafaioli a o le Matagaluega o le lestataina lea o le aufai talo ia e ave i fafo, e le gata i lena a o i latou foi o lea ua ofo mai latou te aveina le talo ma faafesootai le aufaifaatoaga i taimi e manaoimia ai i luga o le televise ma le leitto, pe afai ua mauinoa mai le faaaliga a le ulu faitotoa, o lea ua lara mai le vaa e ave ai containers i fafo. Ma le siakina o le talo foi lea e ave i fafo e le ulu faitotoa po o ua malle i ai ma totogi le faifaatoaga i ana talo e aumai, on the spot, aua o le tasi lea tuutuuga a le Matagaluega e le faatalia sei maua mai tupe i containers ia i fafo ae ia totogi le aufaifaatoaga i le taimi tonu lava e aumai ai talo i totonu – ma le tulaga i le mea lea o le sainia o le pemita po o le File Sanitary Certificate mai le Quarantine lea a le tatou Matagaluega.

O le matafaioli a le ulu faitotoa, o le tulaga tonu lena sili maketi i fafo, totogilina o talo a le aufaifaatoaga, ma faamautinoa i le Matagaluega le amata tapenaina o containers e ave i fafo ma faatupe loa le totogilina o le ave o container i fafo. O le fuafuaga atoa lena o le polokalame lena, o le aveina o le tatou talo i fafo. A o le isi foi galuega o lo o fesosoani ai le tatou Matagaluega, o le faafesootai pea o fafo i maketi ia i fafo ina ia maua se avanoa, aemaise foi le fesootaiga ma le Matagaluega o Faatoaga aemaise le itu lea o le Quarantine ina ia faafaigofoe ona ave le tatou talo. O lo o taumafai lava, o lo o taumafai matosi lava le tatou Matagaluega e le o nofonofoai, o le tulaga lena i le tatou talo. Ae faafetai tele lava i fautuaga ia e aumai, faafetai lava i le fautua mai, e pei lava ona ou fai atu e tatou te galulue faatasi lava.

O le....

FOFOGA FETALAI: Malie lau Afoga i le Minista, sei tulai mai le sui usufono mamalu o lea e maua sa laga i lana lauga le mataupu lea, tulai mai lau Afoga i le sui usufono mo Faleata Sasae.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – fetafolafoaiga faaauau i luga o le faitauga faalua

Tofa Aveau Tuala Lepale Niko Palamo: Faafetai i lau Afioga i le Fofoga Fetalai, faafetai foi i lau Afioga i le Minisita mo le faamalamalaina ma le matagofie foi o le saunoaga o le mea ua oo i ai le tatou talo. O le mea ou te fiafia ai, o lea ua e toe saunoa e faasao le mea lea na tatou tau vevesi ai ananafi, o le talo lea o le talo a Samoa, o le talo e le o se talo mai fafo le feusuaiga, lea na maua ai le talo lea numera 1 ma le numera 2. O lea ia ou te fia malamalama na ou fesili ai, pe mafai la ona maua se puipuiga o le tatou talo lea mai le ave, o se faataitaiga po o Fiti, e toto e Fiti ma export i fafo. O lau fesili la na ou fesili ai, aua o lea ua saunoa le Afioga i le Minisita, ia o le talo Samoa na maua i feusuaiga na fai i talo na aumai i fafo ma isi talo iinei, o le mea na faaalua i ai le malamalama ma le tomai o alo ma fanau o le tatou atunuu o lo o galulue i le faatinoina o lea vaega.

FOFOGA FETALAI: Malo, o lea ua maua, ia tulai mai le o sui usufono mo Faasaleleaga Nu. 2.

Susuga Papalii Lio Faavaivaiomanu Taeu Masipau (Faasaleleaga Nu. 2): Lau Afioga i le Fofoga Fetalai, mo le faasoina o le taimi o le Afioga i le Minisita, faafetai lava o lea ua maua, o le taua foi o lea ua maua le tulaga o tatou talo ma le fua, o lona uiga e le taua foi le soona tetele tele o tatou talo, o lea ua maua atu e tatau ona 1 le kilo. Ia pe o i ai se fuafuaga a le Matagaluega foi lea sei tau faalaiti ai a tatou talo ua matua lapopoa ituaiga talo ia e toto ia tatou i le taimi lenei, ou te fai atu faatoa ou vaai i se talo tino ese i le taimi nei aemaise lava o tatou i Savaii, ma le malo, ae pe i ai se vaiilaa a le Matagaluega sei tau tipitipi ifo ai i lalo ua lapopoa ifo ai i lalo ua lapopoa ma sei tau faavaivai laititi a tatou talo, ia ma ulu faitotoa, faamolemole lau Afioga, pe fia ni tatou ulu faitotoa i lenei taimi? Ma le faaalalo.

FOFOGA FETALAI: Malo. O le a tuu atu le avanoa i le Afioga i le Minisita mo Fesootaiga ma Faamatalaga Tekonolosi, ona o ia tonu lea na amataina le auauaiga mai o talo eseese nei na aumai i le atunuu na mafua ai tatou experiment ia na fai, tulai mai lau Afioga i le Minisita.

Afioga Hon Tuisugaletaua Sofara Aveau: Faafetai, e leai e le fia faia se finauga i lea mataupu aua o la e matilatila lelei lava, ana o se talo lava ia a Samoa mai le amataga e faapenei e le mafai ona tetele le lega, a talo na aumai i fafo lea na fai ai a tatou breeding i totonu o Samoa ona fai mai ai lea o le talo lea e i ai, ua tatau la ona tau o le talo Samoa aua o lea e fai iinei. A o le mafuaaga o le faamatalaga o tatou varieties ia e i ai nei sa fai breeding i totonu iinei, a o varieties uma lava na aumai i fafo i atunuu i fafo. E faapena foi ia i le mea lea e i ai nei, o lea ua i ai le mamoe sa aumai i Fiti a o le mamoe ia o lea e fanau iinei, o le mamoe Samoa.

23 IANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faifauga faalua

O le povi foi na aumai i Ausetalia mai isi vaega o Niu Sila ma fanafanau i inel, e le o toe taua ia o ni povi Ausetalia ma ni povi a, leai o povi Samoa.

FOFOGA FETALAI: Malo faafetai. E pel o le agaga o le sui usufono lau Afoga i le Minisita mo Faatoaga o le puipuga i le mea foi lea o le gaioa o tatou mea, o le mafuaaga lena o lea e tulai....

Tofa Aveau Tuula Lepale Niko Palamo: Lau Afoga i le Fofoga Fetalai....

FOFOGA FETALAI: Ia tulai mai le sui usufono mo Faleata Sasae ona toe tuu atu lea o le avanoa i le sui usufono mo Falelatai ma Samatau, ona tali ai lea o le Minisita, tulai mai.

Tofa Aveau Tuula Lepale Niko Palamo: Leai ou te le finau foi i le Afoga i le Minisita, leai ou te le malamalama lelei i le...aua e sao e i ai variety na aumai i fafo a o lea na aumai fai ia le suesuega i inel e breed e tatou i le talo foi a tatou sa i ai, o lea ia e maua ai le talo fou lea, o le talo lea e le maua e se isi atunuu na o Samoa lava, le talo lea e tau o le numera 1 ma le numera 2, lea e ala atu ai lau fesili lea, po o i ai se puipuga, a o mea ia po o fea na aumai ai? E le afaina ona o le....

FOFOGA FETALAI: O lea ma maua le sui usufono.

O le faamalamalama a le Minisita i le aso ananafi leaga sa e taua e lei i ai se aafiaga e le o ni breed na aumai mai fafo. O lea ua tali manino le Minisita o breed uma lava na aumai mai fafo lea na fai ai tatou experiment lea e maua ai talo fou. A o lou atugaluga, o le puipuga o lea sel uma ona tali lea o le Minisita i le auala a le Matagaluega lea e fai e puipui ai tatou species fou lea.

Tulai mai le sui usufono mo Falelatai ma Samatau.

Afoga Taefu Lemii: Faafetai i lau Afoga i le Fofoga Fetalai, a faapea o lea tatou te talanoa i le intellectual property, ia e mafai ia ona ou fesasoani atu ai i le taimi latitifi na ou i ai i le luvyosite o le Pasetika i Saute i le latou galuega sa fai ma le school of agriculture i uta i Alafua, o lea polokakame atoa e fesasoani mai ai le SPC, SPC a le Region. O mea ia e fai nei i Samoa o nai tamai mea laiti lava fatulaua o la foi e i ai le isi duplicate o le collection lea e i inel i Samoa i Fiti. O lona uiga ana faapea o se mea na o tatou, e le mafai, o la ua share faapea le faiga o tatou research ma... Na o sina fesasoani i le mataupu.

FOFOGA FETALAI: Malo faafetai fesasoani mai.

Tulafono Tau Faaoifi o le Faatatauina o Tupe Faaopoopo (Nu.1)
2013/2014 — felafolafaoiga faaaau i luga o le faitauga faalua

Ia o le a tuu atu ia i lau Afioiga i le Minisita e sili atu lou silafia o lea e alaala mai le Faaululuga o le Matagaluega aua le puipuiga o lo o atugalua ai sui usufono.

Afioga Hon LE MAMEA ROPATI: Faafetai. O lea e vaavaai atu lava i le sui usufono lea e taumafai lava e lolou i le mea la e manao i ai ae le sei faafofoga mai. O oe le isi sui usufono lea ua ou masalosalo i ai ua ou le toe fia talia sau lauga mai ia te au. Na ou faalogo loa i tane tetele ia fai mai e fau ou faapea; oi, e le fetaii fautuaga mai le sui usufono lea e le tatau ona ou amanaia. Ua ou fai atu, o le talo lea e ave i fafo, o lea ua tau nei o le talo Samoa numera tasi ma le talo Samoa numera lua. Ua i ai foi isi a tatou talo, numera tolu, numera fa, numera lima, o lea la e fai lava suesuega, e le uma ai suesuega.

E manaia le tali lea na aumai e le sui usufono lea faatoa mavae atu nei mai Falelatai, e sao lelei lava. O le tatou faafeusuaiga o talo ia na fai nei mai isi atunuu i fafo, sa galulue faatasi ai le Matagaluega ma le USP, le lunivesite lea o le Pasefika ma le SPC. O lona uiga la o lea mea, o le poloketi e fai faatasi aua e le mafai ona tatou faia toatasi e tatou le mea lea e foia ai le faamai lea, o la e foi e fesoasoani mai ai nai uso ia i fafo ina ia foia ia le faafitauli lea na tulai mai nei. O le talo lea ua maua lea na ave i fafo, o lea la ua faaigoa o le Samoa 1 ma le Samoa 2, o le talo a Samoa. Ae le mafai ia, unfortunately, e le mafai ona tatou faapea o le a puipuia le talo lea na o tatou. E leai, leaga o lea sa tatou galulue ma isi foi atunuu lea sa aumai a latou talo, aemaise foi o le SPC, o le Faalapotopotoga lea e aofia uma ai atunuu laiti o le tatou.... ae aua ne i o tatou naunau pea e faapea na o tatou, leaga e le o se mea na o tatou na fai, o lea foi ua fesoasoani mai ai le Afioiga i le Minisita i le tulaga lea na fai ai nei faafeusuaiga o le tatou talo.

FOFOGA FETALAI: Ou te vaelupeina le saunoaga a le sui usufono mamalu lau Afioiga i le Minisita, ona ua tatou taunuu tonu i le tatou malologa ua faatulagaina. O le a faaaau le tali mai a le Matagaluega ma lau Afioiga pe a tatou talii mai i le itula e 3:00 e pei ona fuafuaina i le tatou polokalame Fono.

E manatu o le a faia se tatou malologa ona tatou toe feiloai ai lea i le itula e 3:00 i le afiafi nei lava.

Na motusia Felafolafaoiga a le Fono Aoaio i le itula e 1:00 i le aoauli seia aulia le itula e 3:00 i le afiafi.

Na toe faaaauu Tautalumaga a le Fono Aoaio i le itula e 3:00 i le afiafi.

23 JANUARI 2014

TULAFONO TAU FAAOFI O LE FAATATAUINA O TUPE
 FAAOPOPO (NU.1) 2013/2014 – felafolafaiga faaanau luga o le
 faitauga faalua

Na toe faaanau felafolafaiga.

FOFOGA FETALAI: Ou te faasilasila atu ua toe amatalia nei Taualumaga a le Fono Aoso Faitulafono.

E momoli atu le fafetai i lenei vaega o le aso i le paia ma le mamalu o le Maota ua mafai ona aofaga potopoto aua le faaanauina o a tatou galuega i ona tulaga masani. Malo le onosai, malo foi le tauatai ma le faamalolosi mai i le faaanauina o a tatou galuega. O lea ua tatou faasolo i le taamilosaga mulimuli. Ua faasolo ina tali le Malo ma tali mai Minisita ona tatou oo loa lea i le auhiliiga o le Tala Faatatau Faapoopo o le Tupe. E i ai le agaga manualuga e le tatau ona silia le aso i le Tala Faatatau Faapoopo o le Tupe ona faapena lea ona tatou faagasolo i nisi o tulaga taua. O lo o i ai nai Tulafono Tau Faaoifi Faanatinati o lo o agai mai, aemaise nisi o Tulafono e manaomia e Matagaluega ma le Malo aua le faatinoina o galuega o le amataga o lenei tausaga. E i ai le agaga ma le faamoemoe le Palemene, alo mai o lea o le a tatou agai e faasolo a tatou galuega ma e i ai le talitonuga e le o toe umi.

E faia le malologa o lo o saunua ma talifuaitanu le Afioega i le Minisita mo Faatoaga ma Faigafaiva. Tulai mai lau Afioega e faaiu mai le saunonga ma faaanau mai le talifuaitanu a le Matagaluega i mataupu e pei ona laga e sui usufono i a latou lauga.

Ma le faalotalo.

Afioega Hon LE MAMEA ROPATI: Malo fafetai i lau Afioega i le Fofoga Fetalai ona ua toe maua lenei taimi e faaanau ai le tatou Fonotaga. Ou te iloa foi ua maua se faasiliga malosi a lau Afioega aemaise le Palemia ma le Kapeneta, ae tainane le Taitai o le Itu Agai ma le la Itu ma le paia o le tatou Maota.

O lena ua tuu atu nai manatu e uiga i le tau faafoeina o le talo ma masalo foi ua malamalama fuafuaga e pei ona i ai, a o lo o avanua pea le Ofisa ma le Matagaluega i le paia i sui usufono mamalu o le Palemene aemaise o le atunuu i ni fesili ma ni tulaga faapena, pe i ai foi se mea e mafai ona fesosoani atu ai le Matagaluega i le faafoeina o le tatou talo.

O le isi tulaga lea o faaliga a le aufaifaotaga. O lea foi ua i ai le faamoemoe o le Matagaluega o le a tuu mai i luma i le taimi tonu lea e fai ai le tatou fonu tele lea e fai mai ia Setema le SIDS. O le a tuu mai foi i ai ma le faaaliga lea iinei i Upolu ina ia faatele ai ni mea e asiasi ma tafafao i ai le au maimoa mai ma le au usufono i totonu o le tatou atunuu. O le a tuu foi i ai le fai mea lelei o le Matagaluega ina ia lelei se tatou faaliga aua tasi lea mea e fiafia tele i ai tagata tafafao maimoa mai, aemaise o i latou i fuafuaga ia e malaga mai i fonotaga e fia maimoa ma matamata i ai. O lea foi la ua i ai le fuafuaga a le Matagaluega i le tulaga lena.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafaiga faaauau i luga o le faitauga faalua

Masalo o lea ua maea ona ou tali atu i le tulaga o le tatou polokalame lea o le Samoa Agriculture Competitiveness Enhancement Programme po o le SACEP. Ou te talitonu ua malamalama foi lea tulaga, ae ou te fiafia lava e pei ona ou faaalii i le vaiaso ua tuanai nei, o lea ua amata ma ua 53 i latou ia ua amata ona faagaioi ai le fuafuaga lea. O lea ua maua mai avanoa e le gata i tupe ua fuafua mo i latou, a o nisi foi tapenaga. E tusa e 50+ i latou lea o le a amata ai. O lea foi o le a amata i le vaiaso fou ona toe interview ma toe vaavaai le vaega lea ua feagai ma le fesoasoani lenei i le isi foi anoano o le au talosaga lea ua uma ona tuuina atu, ua amata ona faataatia ma iloilo ma interview i latou ona maua mai ai foi lea o se aofai o le a toe faopoopo atu. O le fuafuaga lea e i ai, e faigata ona faatinoina uma i le taimi e tasi ona e tusa e 1,500+ le aofai o tusi talosaga lea o lo o i ai, a o lo o taumafai lava i latou o lo o nafa ma le tulaga lea ina ia taumafai e faataunuu pea tuutuuga ua uma ona faataatia e le Treasury, o le Matagaluega faatasi ai ma le Faletupe o le Lalolagi. O le mea sili lava faafetai ua leva tele ona taumafai le mea lenei, a o lea o le a amata.

Ua i ai le faamoemoe e taa lava le faaaga o le tupe lenei ae lei oo atu i le taimi e faigata ai. A i ai lava nisi o le mamalu nei o lo o i ai ni mea e fia malamalama atili ai aemaise foi o a latou talosaga, e mafai lava ona fesoasoani mai i ai. Aua o lea ua toe amata ona faatalatalanoa i latou ma a latou talosaga o loo i ai. Masalo e toe tatala ai foi nisi avanoa mo nisi avanoa fou.

E faapena foi la le vaega lea e maua mai ai fesoasoani mo le afa lea na tuanai atu nei ma tatou. E faamalulu atu ona o le tulaga lea e i ai, e le faapea o tupe ia ma fuafuaga ia e fai e tuu atu i le Matagaluega ona galulue ai lea o le Matagaluega. E leai, e toe saili lelei lava le isi force fou, faasalalau avanoa ma sue mai tagata e faagaioia. O lona uiga, o le vaega lea a le SACEP lea ua i ai, o tagata fou uma lava, e toe interview ma mea uma faapena. E faapena foi la ma le vaega lea e gafa ma le fesoasoani lea. E lelei la le SACEP o lea ua alu lava aua ua fai sina lea o interview a latou tagata, a o le vaega lea o lea ua i ai le Tamaitai Pule ma nisi o le aufaigaluega ma o la e uunai lava i ai. O lau mea tele lava lea e fai o le uunai lava i ai ia tope ma vave ona faatino mea nei, aua o outou lea e galulue iinei, a o au lea e faafesagai ma le tele o faafitauli ia e complain mai ai tagata ma manaomia vave le fesoasoani. O lea e faamalulu atu ai ona e le o nofoai, ae ona o tulaga lava o aiaiga ua uma ona faataatia, o loo taumafai malosi lava i se aualea e faatino ai.

O le isi tulaga o le tausaga foi lenei, o lea ua faataatiaina e le FAO ma faamamafa lava le tulaga lea i family farming poo faatoaga tau le aiga. Ua tele foi nisi fonu o loo fuafua ma tulaga faapena, o le a silasha lava i ai poo a foi ni fesoasoani e ono maua mai ai i mataupu ia i faatoaga faapitoa lava i nai aiga. E le o ni commercial farms, a aiga taitasi lava latou.

23 IANUARI 2014

Tulafono Tau Faaofi o le Faatautauina o Tupe Faaopoopo (Nu.1)
2013/2014 – felafolafolaoaiga faaauau i luga o le fatianga faalua

A o ou i ai la i le vaega lea, o lea lava e ununai atu foi le tulaga lea i faatoaga a aiga taitasi. O lea ua vaaiia ua tino mai ma ua fua mai foi. E leai se mea e toe tau o mamao ai e fai faatoaga aua o lo o i ai nai o tatou fanua i tafatafa o o tatou fale ma mea o lo o nonofo ai e galu'ealima. E tele lava nai aiga ua manaia le vaai atu i le tele o o latou maumaga, ae le gata i lea o pamoa, o nai vegetable gardens ma mea faapena, ae ona pau lava le faaftaui lea e tulai mai i faatoaga a nai aiga nei, o le faalagaina e mea fafaga. O le mea lena o lea foi e tau ununai atu e le Matagaluega, aua o le tele o nei faatoaga ua i ai nei, ua faapa ona fai ai lea o maumaga i totonu ma mea ia, ae ua faataloa manu foi nei ua pule i le lauelele. A o le mea ia it should be the other way around, ua tatou ona tuupa manu fafaga, ae ua faigata lava le tulaga lea e i ai. A fai atu foi i le tele o aiga ae faapea mai, ia, leaga o lea e faatataa manu e pepeti ai. I se isi itu e lelei, e moni, a o se isi foi itu, ua le tafafagai ona tasi lea mea ua afaina ai tele le mea lea o le toe totoina o le niu, aemaise lava niu ia e latalata mai i aiga, aua ua tele foi ina taaloa solo puua vaecane lava le paia, e fiafia tele i le niu fou foi lele e toto atu ae e alu atu loa vaai atu taecao ua leai se niu ua uma ona faatamaia. E pei o le mea lena o lea e ununai ai nai Pulenuu ma afoaga i tua, sei toe silasila ifo i ai o lea e taumafai foi le Matagaluega i le ununai o le niu, a o lea e faafagata ona o lea foi tulaga faapea. E tatou lava foi ona silasila pea i ai le Pulega a Alii ma Faipule ina ia silasila totoa i lea tulaga.

O le isi tulaga o le tatou popo: ou te le o vaai atu i lau uo lea le sui usufono mo Faleata Sisifo, lea na saunoo malosi i le niu ma le popo. E tasi lea mea o lea e taumafai lava le Matagaluega e ununai o le toe totoina o le niu. O lea foi e taumafai i tausaga taitasi ma e i ai le polokalamē i alo ma fanau i tausaga taitasi, aemaise foi aiga taitasi latou i lea nuu ma lea nuu, e toe agai e toto le niu. Aua o fuafuaga ia i le mea lea e i ai nei, ou te talitonu lava au ia mo le agai atu i luma, o le goldmine lea a tatou o le niu.

O aso la e pei lava na o le aumai o le suauu mai le popo faamago, a o aso nei ua i ai foi le suauu e maua mai le popo mata, le suauu lea e lelei le tau e aumai ai, lea e faagaotol e le women in business ma nisi foi aiga. O le tasi la lea suauu o le matua tele o le popo e maua mai ai, aua e faaaga e kamupani lea e faia mea o cosmetics ma mea faapena.

I le asiasiga foi lea na matou malaga atu ai lata mai ne ii Thailand i nisi o faipisinisi i mea ia, ua latou talitonu lava ina ua vaai i ai i le tele o mea e fai i le popo aemaise le suauu e fai ai foi mea e fofu ai tino mea vai ma mea faapena, ua atili ai ona lelei le tau o le popo. A o le mea la lea e tulai mai ia tatou, ua alu i lalo le popo, ua tele foi niu ua paoga. O le mea lea o lea e taumafai ai lava e ununai le totoina o le tatou niu, ae tasi lea faaftaui e tulai mai, e taumafai lava i nai aiga foi nei e lei tuupatina a latou mea fafaga, e fiafia tele i le niu foi lele oo ma mea faapena.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaaauu i luga o le faitauga faalua

Ia, e lafo atu lava i le Pulega a Alii ma Faipule, sei silasila, manaia la aso sa tuupa uma a tatou mea fafaga i totonu o pa, a o le taimi leneci, ua taaloa, e le gata i le faamataga ai o tafatafa o fale, ae toe faaleaga ai ma tatou meatoto. Na ona lafo atu lava ma fautua atu i lea tulaga.

O lea foi sa fesili le sui usufono mo Faleata Sisifo i le manu ainiu, o lea ua toe maitauina e le Matagaluega, e i ai nisi nuu ma afoaga lea ua pei ua aliali mai ai le malosi o le faamai leneci o le faaleagaina o le launiu. O le tulaga lea e i ai, e le o nofonofo ai foi le Matagaluega. O afoaga ia o lo maitauina nei ua tau tetele mai ai le manu lea, o Falelauniu, Vaitelefou, Tafaigata, Leauvaa, o Atele, Malua, Faleula, Magiagi, Letogo ma Fagalii i Upolu lea. A o Savaii o Asau, Neiafu, Safotu, Fusi Safotulafai, Salelologa, Faga ma Patamea. O nuu na o lea ua maitauina e le Matagaluega ua tau tele mai ai le faamai o le manu ainiu. O lea foi ua agai atu i ai fuafuaga a le Matagaluega i masina taitasi o lo o faatinoina ai le polokalame leneci e taumafai e tau tape le manu ainiu. E lua la togafiti ia e togafiti ai le manu ainiu i le taimi nei. O nei togafiti e lua, o biological treatment foi lele, e le faaaogaina ai se vaialaau, ae faaoga lava mea faalenatura e pei la o le virus o le reckless virus. O le virus lea, e faaiata mai manu ainiu fafine nei, ona inject lea i ai o le virus lea ona toe faasola lea. A faapea la foi lele e alu atu le manu ainiu fafine lea fai feusuaiga ma le manu ainiu po'a, e pe ai le manu ainiu po'a ma faasosolo atu ai lava le virus lea i tua i isi manu ainiu ina ia tuuitia ai. O le tasi lena togafiti lea e fai nei i ai.

O le isi togafiti o le faaoga o le lega, le mea lea e tau o le metarism fungus. O le lega lea e ave sasaa i mea ia e tuufua ai manu ainiu e pei o oganiu pala, o ogalaau pala ma lapisi. E sasaa i ai le lega lea ona pepe ai lea aua e tuufua ai i ina manu ainiu. O togafiti na e lua o lea e faaoga nei e le Matagaluega ma o masina taitasi uma lava lea e feoai solo ai le Matagaluega i nuu tonu nei ina ia taumafai e taofiofia manu ainiu mai le salalau atu i totonu o lo tatou atunuu.

E lelei tatou na o le manu ainiu lea e aafia ai, a o asiasiga i nisi atunuu sa ou asiasi atu i ai i Asia ma isi atunuu o le Pasefika, e le gata i le faamai lea ae i ai foi isi faamai o tamai manu ninii lava, e matua leai atoa se lanumeamata o se launiu ae lala mai na o tuaniu, ae faafetai o lea e le i oo mai i ineci ia faamai, ae talosia ia taofiofi ai pea i na atunuu ina ia aua nei ooo mai i lo tatou atunuu aua e tele lava aafiaga o lo tatou faamoemoe mo le toe faaleleia o le niu. O nai togafiti na o lea o lo o faatinoina nei ma o lo faaaauu lava e oo foi i le vaiaso leneci ma le vaiaso lea, o lea e fai foi aoga i le Ofisa Autu o le Matagaluega i Nu'u e nisi o Consultants po o i latou e popoto faapitoo i taumafaiga lava ina ia tape le faamai leneci o le manu ainiu. **O le tulaga tonu lena o lo o i ai le Matagaluega i le taimi nei.**

O lea foi sa saunoo le Taitai o le Itu Agai ananafi i le fuamo. E tasi foi lea mea o lo o taumafai i ai le Matagaluega, ae faafetai ia i latou o lea ua toe lalaga le faamoemoe i lea foi pisinisi o le fai o fagaga moa e fofoa mai ai fuamo.

Tulafono Tau Faaofi o le Faatatauina o Tupe Faaopopo (N.u.1)
2013/2014 – felafoalafolaiga faaauau i luga o le fatanga faalua

Aua o lena e sifafia, o le faiga o faatoaga nei o moa e fofoa mai ai fuamoa, e le pei o moa a tatou e masani e feofeagai solo lava ma toggi atu i ai le penu ma so o se mea, e tuufua ma maua mai ai tamai moa, a o faatoaga moa ia o lo o i ai i le taimi nei, e tuupa moa i nai tamai pusa ma ave i ai le meazai faapitoa lea e fafaga ai moa ma tuufua mai i le taeao ma le afaifi ma ao mai ai fuamoa. O fuamoa la ia o lea e tuu pusa ma ave i faleoloa.

O lea sa ou taua ananafi e tusa ma le 75% le aofai o fuamoa ia ua taumafa e le atunuu e maua mai ia tatou lava faatoaga. O le faanaunautaiaga lea e i ai ina ia taumafai e atoa le 100%, ae auā le toe aumata fuamoa ia e aumai i Amerika auā e moni lava e tangofife, ae oo mai iinei ua le atoatoa lona lelei mo le soifua maloloina. A o le mea lava e lena o le Matagaluega lea foi e agai ai i lea tulaga. A o le mea lava e aupito faigata lea e i ai nei, o le taumafaiga lea e taumafai ai le tatou Feed Mill auā o mea ia e fafaga ai moa nei, o meazai faapitoa, ae le faapea so o se ituaiga meata e avatu e fafaga ai.

O nai tagata ma kamupani foi nei ua faia mea nei o faatoaga moa, masalo o se mea i le va o le 70% i le 80% le expense po o le tupe e alu i le faiga o mea nei, e alu uma i le vaega lea i mea e fafaga ai moa lea e lau mai fafo, ae faapitoa la i le wheat ma le mace po o le saga foi lea e pei e malo lona fatu, ona faapaua lea ona fai ai lea. O nai isi foi tamalii sa taumafai foi i le manioka ae pei e fai sina faigata i le moa, ae pei e lelei i puua, a o moa e fai lava sina le lelei i le fafaga ai o moa ina ia maua ai fuamoa. O le tulaga tonu lena o lo o i ai foi ia ituaiga atinae i totonu o lo tatou atunuu, a o lo o taumafai pea le Matagaluega. O lea foi ua uma ona logo atu i ai, so o se mea lava e fīa maua ai se fesosoani ia fafesoootai mai le Matagaluega aemaise le vaega lea e gafa ma mea tau livestock, o meaitaoolo ma moa ma mea faapena.

A faapea e manuia le tatou faanoemoe lea i le fesosoani lea e maua mai i le World Bank auā o lea foi e faataga ai le fai o nai pa moa ma nai tamai pa puua foi ia e pei o mea ia e fai e Saina, afai e manuia e tele lava le fesosoani o le a maua ai e lo tatou atunuu.

O le tulaga i povi, ua alu i lalo le numera o povi. Ua matauina e le Matagaluega ona o le tele o le fai faalavelave o lo tatou atunuu i mea nei o manū papalagi. O lo o alu i lalo le fuainumera o le tuufaatasiga o manūpapalagi i lenei taimi, a o suesuega a le Matagaluega o le mafuaaga lea. Ua tele nauāu le fai o faalavelave ma faaauaga i ai manūpapalagi aemaise lava nai manū e le i taitai lapopoa, ae fasi mai ma ave fai ai faalavelave ma mea faapena. O lea ua i ai le Tulafono o Fale Fasimanu masalo o se aso o le vaiaso nei ma ou te liloa o le a i ai se fuafuaga e taumafai ai mo le isi lua i le tolu tausaga ina ia fai se fuafuaga e faaititia ai le tulaga lea ma taofiofa ai, ina ia mafai lava e lo tatou atunuu ona supply aano o manū fasi e faatau i faleoloa i se tulaga e healthy ma tulaga uma faapena mo le fofoga taumafa.

Tulafono Tau Faaofi o le Faatautaina o Tupe Faaopoopo (Nu.1)
2013/2014 – felafofafoaiga faaauau i luga o le faitauga faalua

Aua o le isi mea lea ua matauina nei e le Matagaluega i mea nei o faalavelave, e uma ona fai le faalavelave i Savaii pe maua mai ai sina manupapalagi, aumai ave faatau i se isi mea e i ai le aisa, toe alu atu le tagata e fai lona faalavelave i tua i Falelatai faatau mai le manupapalagi lena toe ave foi i ai, maua ai se sua a se isi toe sau foi toe ave i le fale aisa, toe alu atu foi le isi tagata toe faatau mai. Ua pei o se mea foi lele e pei o le tetoga e aumai ave teu ma toe aumai e fai ai le isi faalavelave, ae alu ai lava i lalo le tulaga o le soifua lelei mo le manu ma afaina ai le fofoga taumafa. O mea uma lava na e ala ai lenei Tulafono o lo o fuafua mai.

O lea foi na taua e pei lava o lou uso mai Aleipata Itupa i Luga lea na fesiligia le faatautaina o lana povi, masalo o lea ua malie aua na ou talanoa i le o lo o faaluulu i ai lea vaega ma fai ai, “Alu sao lava e talanoa i le sui usufono po o le a tonu le mea la e i ai, aua o lea sa fai mai e lima ana manupapalagi, e fa povi fafine ae tasi le poa, ae avatu ua tolu povi poa ae lua manu fafine.” Na ou fai atu i ai, “Alu e talanoa sao i ai po o le a tonu lana mataupu.” Masalo la ua malie le uso ona o lea ua uma ona toe faamalamalama lea mea, ae e laki ia o lea ua maua nai ana manupapalagi, a o le taimi nei o lo o tau taofiofi lava i lalo le stock a le Malo se i tau alu i luga ma fuafua lelei...

FOFOGA FETALAI: Malie lau Afioga i le Minisita o lo o tulai mai le sui usufono mo Aleipata Itupa i Luga.

Tulai mai le sui usufono.

Tofa Fagaivalu Kenrick Samu (Aleipata Itupa i Luga): Faafetai lava i lau Afioga i le Fofoga Fetalai mo le avanoa.

Sa leai lava se lagona e toe faalavelaveina le saunoaga matagofie a le Afioga i le Minisita, ae pau lava se mea ua toe lagona ai se manatu i lenei vaega o le afiafi e pei o le agaga maualuga lava ia te au nei, o le tulaga i le vaaia lelei o manupapalagi ma le faasoasoina atu. E pei la o le agaga foi lea o le totogi o le manupapalagi e \$400, ae taunuu atu i tua ua avatu le manu papalagi pe a ma le \$100. E pei o le agaga tonu lava lea, ae faafetai tele lava i lau Afioga i le Minisita ona o lea o le a toe fai meaalofo ia te au, o le a toe avatu ni manupapalagi e sui ai au manupapalagi.

Ma le faaloalo lava, faafetai.

FOFOGA FETALAI: E le taofia ai ona o lea ou te matau atu o lea e alaala iinei le Ofisa tonu lava o le Matagaluega e feagai ma lea mataupu ina ia tuusao i ai e pei ona saunoa mai le Minisita, ona faigofie ai lea ma le tau aumai iinei i le Maota ae talitonu o lea e i ai auala e faafaigofie ai ma malamalama le mataupu.

Tulai mai lau Afioga i le Minisita.

Afioga Hon LE MAMEA ROPATI: Masalo, ai la o se mamoe lea o le a avatu ae e le o se povi pe afai na o le \$100.

23 JANUARI 2014

Tulafono Tau Faaofī o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitaunga faalua

O lea la e faafofoga mai le o lo o faaululu i ai lea vaega, sei toe silasila lelei i ai pe e le o sese outou po o ni mamoe ia na ave i le toeaia lea, ae toe aumai povi ae toe faafoi lana tupe. Aua o le mea lena e oo i ai, aua e pei ona ou fai atu, o le toatele ia o le mamalu o le atunuu o lea e fia maua ni nai povi. Afai la e te le finagalo i ai i povi na, o le a toe o atu le Ofisa e toe aumai ae toe faafoi atu nai au seleni. E faigofie lava le mataupu, ae faamalo faafetai.

Faafetai lava ona ua maea ai iinei ma e faamalie atu foi, a i ai nisi ua faamanualia ni finagalo, o luga lava o a tatou fonotaga faapenei, ae ia alofa le Atua ma fesososami atu i usugafono a itumalo taitasi i totonu o le Palemene. Ia alofa foi le Atua ia foai atu pea le malosī ia te outou.

Se i ou oo ane foi i le tapuaiga a lou itumalo, faamalo faafetai le tapuai mai i le paia i Aiga i Suafa ma si ou nuu, Lematu ma Le Mamea ma lo la fale na toese, faapea foi Usolili ma le mamalu ia Salelea, ae tainane foi Suatia ma Faumuiina ma le mamalu ia Gagafioolevao ma faasolo atu ai i le la itu i le mea o affio ai Tusani ma Fui ma Malama sei oo atu i o i Satatoa i le mea o lo o i ai Tuisavaiuu, ae tainane foi Faleassela o lo o affio ai le Taulagi ma le Matua o Satuala faapea le Faleaana.

Ia faamanuia fol le Atua i le tapuaiga a le Aufai Tatalo, Susuga i le Toeaia o le Pulega faapea fol le nofo a Faateagaiga i Fata Fataulaga e fia ae tainane le loaloa o lo tatou itumalo i tamalii, faletua ma tausī, saoso aemaise foi le malosī o le nuu, ae tainane nai a tatou fanau aua o lea foi o le a toe ae aoga, ia tautuana ma outou aemaise lo tatou nuu sa ou fai atu ai, o le tausaga lenei e faapitoa mo fanau i la tatou lotu tuufaafasi na fai, o le tulaga lena. Ia maua e a tatou fanau se manuia mo lo tatou atunuu aemaise o lo tatou nuu. Ia faamanuia foi i le tapuaiga a Samoa atoa aemaise foi o Ekalesia taitasi. Ia manuia le Fono, faafetai.

FOFOGA FETALAI: Malo faafetai saunoa i lau Afoga i le Minisita mo Faatoaga ma Faigafaiva. E le faaititia foi le tali atu i le agaga faafetai i le folasaga matagofie. E faamanuia le faafetai i le galuga faatino aua e le faigofie i le Matagaluega o lo o feagai ma lau Afoga i le Minisita o lo o tua i ai le mamalu o le atunuu e ala i fua o faaeleleaga ma fua o le sami.

E faafetai atu i le Talomua a lou itumalo, na matua lagona le agaga faafetai e pei lava ona fai atu se faamatalaga i le Minisita mo Aoga, Taaloga ma Aganuu, e taulamua lava le Minisita ma lana Matagaluega toe taulamua ma le Minisita ma lona nuu aua le faauluioaina. Na matua mataitu e le gata i oa o le gatatifale ae faapena foi tuamaota. E momoli atu ai le agaga faafetai tele ona e tele le sao taua ma se faamanatu ma ni aooga lelei e mataitu ai, aemaise e pei lava o le talo a Savaiia lea e numera tasi i le taimi lenei. Ia alo i ou faiva, lau Afoga i le tama matua Le Mamea e le tau fai atu aua e le tau faafuiina le tofa ma le faautautaga aua o le tofa lava e tua i ai le atunuu aemaise le tautuaina o lenei Matagaluega tele.

Lafo Mo le Faauauina o Itula Fono

Faafetai i le Faaluuluga, malo le onosai i le aufaifaatoaga aemaise o le aufai-lafumanu, o outou mama na aua le atinae o le atunuu. Tulai mai lau Afioga i le Palemia.

LAF0 MO LE FAAAUAUINA O ITULA FON0

Susuga Hon TUILAEPFA FATIAL0FA LUPESOLIAI AION0 NEI0TI SAILELE MALIELEGA0I: O au lea ou te tulai atu e faatu le lafo, *Ina ia faauuu le Tala Faatatau Faapoofo (Nu.1) o Tupe 2013/2014 seia oo lava ina pasia ona tatou malolo ai lea.*

Faaluaina e le Sui Palemia ma le Minisita o Tupe.

Na faamaonia le lafo.

Na toe faauuu felafolafoaiga i luga o le faitauga faalua o le Tulafono Tau Faofiti o le Faatautaina o Tupe Faapoofo (Nu.1) 2013/2014.

FOFOGA FETALAI: O le auivi fou lena o le tatou galuega i lenei aso ma o le a tatou faasolo pea seia maea ona pasia le iloiloiga auiliili ma tulaga uma, ona fai ai lea o se tatou maloga.

Ua taunuu mai le tali a le Malo i le Matagaluega o Tina ma Tamaitai, Atinae o Nuu ma Afioga ma Agafesootai.

Tulai mai lau Afioga i le Minisita e saunoo, ua oo i le taimi e tali mai ai le tatou Matagaluega i mea sa fesiligia ai e le tatou Maota i saunoga faalauaitete.

Tulai mai lau Afioga i le Minisita.

Tofa Hon TOLOFUAIVALELEI FALEM0E LEIATAUA (Minisita mo Tina ma Tamaitai, Atinae o Nuu ma Afioga ma Agafesootai): Faafetai i lau Afioga i le Fofoga Fetalai a o faapea foi ona faavailolo le Maota Fono o le atunuu, i le paia i le Afioga i le Palemia ma le Kapeneta, a o le la foi Itu i le Taitai ma le Sui Taitai o le Itu o lo o faatupua le vevesi i totonu o le tatou Maota nei. E faapea foi i le mamalu o lo o sasao nei e tapuaia o tatou faiva, le Matagaluega o lo o galulue e tautua le Maota - e faatalofa atu.

O Sa foi ma Paia aua le Tafatolu o Faigamalo faapea le tapuaiga i Taitai o Ekalesia Kerisiano, e le gata i lea o le mamalu o le atunuu i ona tulaga faalupeina e le tau oo i ai so matou leo aua o outou paia ma mamalu ma faiga o lo o auafa i Mulinuu ma Sepolataemo, e faapea foi **Maie ma Vaitoelau, o Maauga foi ma Nuuasala e atoa i ai le Usoga a Tumua, e faapea foi Pule e Ono i Salafai ma Samoa mai lava i ona ao seia oo i ona iu.**

23 JANUARI 2014

Tulafono Tau Faaofi o le Faatatauina o Tupe Faapoopoo (Nu.1)
2013/2014 – felafolafolaiga faaunau i luga o le faitauga faalua

A o lei agai sa matou faamatalaga i nai mataupu na laga e sui usufono mamalu o le Palemene sa asiasi mai i lenei Matagaluega, i le agaga faaloalo tau ina ou saua i le va ona o le mea ua ou manatu e ui lava ina tureva le aso ma ua tatou i ai foi i le taeano na lugalua, ae ona o le mea e le mafai ona tuuina aua ou te talitonu lava o lo o faalogologo mai le Faigamato a Tutulla ma Manua aua le faia o se tasi o poututoa, o se tasi sa fai ma Fotoga o le Malo aua upufai o Tutulla ma Manua i aso tetele, ae faapea foi i sauniga taualoa a le Faigamato. Ou te talitonu o lena e ce mai lau Afoga i le Peresetene o le Senate poo le Maota Maualuga i lau Afoga i le Tamaitai o le Ao, ou te avatu ai le faamaisega ona ua faia le pou o le malae i Laloulu, o le afioaga o le Tamaitai o le ao e faapea foi Tagolielagi, Tagovailoa ma le Nofofanau, ma le mamalu i le Usoalii ma upu i lo oulua Toalua Yamassaneai ma Tuiasosopo, ae a le saofaiga aua Afuola ma Lauti ma le fetalaiga ia Uta. O le paia lena o le afioaga ona o le valaau a le Atua ua amia ai le tama matua ia Afuola Nanai Kalasa Afuola, o ia lava sa tua i ai le Afoga i le Kovana talu ai faapea foi le Kovana o i ai nei. Sa faapea foi ona lautogia o se tagata e fautua faapitua aua le Taitai o la outou Faigamato. O le mea lea, o le afea o le nuu ma le afioaga ma le Malo i le valaau a le Atua, ia faamaise le Atua ma faamanafana atu. Ou te talitonu e i ai lava anala e fai e lo tatou Mataitatou te fesootai ai i tulaga faapena e fefamafanafanaai. E le gata foi i lena a o nisi o tina matutua o le tatou atunuu ua afea i le valaau a le Atua, ia faamaise le Atua i o outou aiga i lenei valaaso ma lena foi vaiaso fou o le a faapena ona lafoai ai aua le amiga paia a le Atua.

O lenei itua ma le agaga faaloalo lau Afoga i le Fofoga Fetalaie, e pei lava foi ona ou fai atu e le toatele nisi o sui usufono mamalu o le Maota, massalo pe na o le toaiva i latou, ma o le a ou le agai foi i tulaga o suafa ma le otootoga o sui usufono.

Ona pau lava o lea, o mataupu sa outou laga e i ai lava le fesootaiga e aiga. O le mea la lea, o le a taumafai i se faamatalaga mai le Matagaluega aua foi atugaluga ma ni finagalo ua faaali, ae le gata i lea o la outou faafetai. O le itu tatau lava lena o le toatele o sui usufono sa saunua e faafetai i galuega a le Matagaluega o Tina ma Tamaitai, Atinae o Nuu ma Afioaga ma Agafesootai aua i latou o lo o ave a o le fraga o loo lalovaga a o le lumanai o Samoa i tupulaga talavou o tama ma teine, e faapea foi le mamalu o le atunuu o lo o soifua ma manaoga faapitua i le tino ae faapea foi le mafaufae. E le gata i lea o le Matagaluega o le Komesina o Sulufaiga ma Komiti foi o lo o i lalo o le vaavaaliga a le Minisita. O le mea lea, ma le faaloalo, o i latou na aumai le latou faafetai e aunoa ma le tatau o nisi tulaga, faafetai le manatu mal. Ua ou talitonu ona pau lea o sui usufono popoto o le Maota lenei latou te silafia le mea e ao ona fai, o le faafetai ae le o le faitio. O le mea la lea i le aso, o ai foi ni sui usufono o silafia e lei afea lenei Matagaluega, aua le faamaunauina fua lou tamii e te tulai ai e faalavelave i le lauga a Leulumoeaga.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaaunau i luga o le faitauga faalua

Le paia e o le Maota, o se tasi o sui usufono matua o le Maota sa ia laga le tulaga o le vaavaai i le lagolago a Matagaluega aua le tatou Malo ma le faamoemoe o lenei tausaga, o le fonotaga tele o le a taua ai Samoa, e faapea foi se tatou tali atu aua tulaga o le faaleleia o tiute o lea Matagaluega ma lea Matagaluega, e ui ua i ai le Komiti Faapittoa ua tofia, ae le mafai.

O le Matagaluega o Tina ma Tamaitai, Atinae o Nuu ma Afioga ma Agafesootai, o le Matagaluega lea e soosootauau ma le tele o Matagaluega e pei o le Soifua Maloloina, o Faatoaga e pei ona saunoo le Minisita mo Faatoaga, o le Matagaluega o Galuega, Felauaiga ma Atinae Eeseese, Matagaluega o Punaoa Faanatura ma le Siosiomaga, Matagaluega o Leoleo ma le Matagaluega o Aoga. O na Matagaluega uma e i ai le sootaga ma le Matagaluega leni aua lo tatou faiva ina ia faapena ona manuia Samoa. Ua faamoemoe mai lo latou lumanai i le atinae ma le tulaga o le faaleleia o le soifua aua lava le tautua a le tatou Malo. Ou te talitonu e le fou lea vaega i le tatou talimalo, ae ona o se tausaga ese leni i le talimalo a le tatou Malo o lo o taoto ai le lafo a Lualemana, ou te talitonu lava, o le taua ia o lenei itu o le faamatagofieina e pei lava ona silafia, faatoa lua nei tausaga talu ona tuuina mai e le Pulega mo Tagata Tafafao Maimoa Mai le faiva lea o le faamatagofieina o Samoa i afioaga taitasi, lea ua tauaveina e le Matagaluega leni ona o le puleto a le Palemia o lo o seei ai nei i lea foi tulaga o galuega fai a le Malo. E faafetai tele i le faamanatu mai.

Mo le silafia, i le faaiuga o le tausaga a lumanai le Kerisimasi ma le Tausaga Fou, o se fonotele lena sa taloina i le va o Sui o nuu ma Sui Tamaitai o afioaga, e le gata i lea o Sui o le Malo o lo o ee ma tautua i vaega o le atunuu i totonu o le taulaga e le o ni nuu mavae, peitai o lo o i ai lo outou aoga i faiva ua tofia i ai outou. E faapea foi i Komiti o Sui o Nuu i Savaii ma Upolu nei, o le Komiti o le Faleula i le latou foi pitolaau, sa faapena ona tuufaatasia i le Maota o Toota Salamasina mo le silafia e le sui usufono ma leni foi Maota, na saunoo ai le Afioga i le Palemia e faafetaia galuega ma toe uunai le tulaga lea ua faatauaina mai e leni sui usufono ina ia silasila i le faamatagofieina o Samoa, e teuteu le tatou atunuu.

O Samoa e tulaga ese poo le unique i tulaga e fai o lana aganuu i le culture ma le tradition, ae faapena foi i le tatou soifua lautele. Ona pau lea o le atunuu e fiafia tagata uma ma e tali lava i le ata, ma o i ina e uunai ai i latou mai fafo e fiafia e asiasi mai. Ua tatou vaavaai i tuisitusiga a nisi papalagi, ua matua tautino le solo a le tamaloo i le latou fiafia i le atunuu o Samoa ma lona atiaeina aemaise lava o tagata soifua. O le mea la lea le paia e ma le mamalu o le Maota i lau Afioga i le Fofoga Fetala'i, ua maca ona faalaciu le Palemia, ua avatu foi lana tuualalo i le atunuu e ala atu i Komiti eseese o lo o i lalo o le Matagaluega o Tina ma Tamaitai e faapea foi Sui o Nuu i totonu o Samoa nei i Upolu ma Savaii.

23 JANUARI 2014

Tulafono Tau Faaoifi o le Faatatauina o Tupe Faapoopo (Nu.1)
2013/2014 — felafolafogaiga faaauau i luga o le faifauga faatua

Ma e faatauaina ai lava le galulue faatasi ma soosootaunu ina ia faaleleia tafatafaala poo lumamaota, o aai uma o le tatou atunuu ina ia avea pea Samoa o se atunuu e fiafia tagata tafafao maimoa mai e asiati mai i ai, aemaise la le tulaga ese o lenei tausaga, o lea o le a tatou talimato. E manatu lava e fausiaina e le paia o le atunuu ua faapena ona saunoo le Palenia, ma mo le silafia foi, e le o tuuanoaina le Matagaluega o le amataga o lenei tausaga i ana galuega sa tuufaatasi ai le galuega atoa e matimati ma unuai lava le tulaga o le tautua lelei ma faataunuu le tulaga e massani ai mo asiastiga e faapena ona faatinoina e le Matagaluega i le va ma faletua ma tausii ma saoa, o mafutaga a tina i totou o afoaga, o le va ma le Pulenuu, o le Pulenuu alii ma le Pulenuu tamaitai ma tulaga uma faapea, ina ia faaosofia pea moegaluega ma latou ioe o le matua matagofie ma lelei o le taunuuuga o le tatou taligamalo pe a faapea e maua le loto atunuu e faapena ona faaleleia uma ai tulaga o le faamatagofieina o le tatou atunuu. E le gata i vaiaele, o tulaga o tafatafaala, e pei lava ona saunoo le Afoaga i le Ministia mo Faatoaga, poo le a le matagofie ae a suatia e meaituaolo se aai, o le matua mataga lava. O le mea foi lena, poo le a le lelei o le togalaau ma mea faapena a o faafogafoga mai Samoa ae faalegaina e meaituaolo, e aveesca ai lava le manuluga o la outou tautua ma le galuega o faia.

O le mea ia lea, le paia e o lenei Maota ma le faafogaga a Samoa, ia fautuana ma outou ia aveaveai a outou avaofo ma ia tupu i o outou fatu ma o tatou faamoe. O le tatou tautua fai lena aua lo tatou Malo aua le atunuu i ona Taitai, e faapea foi i le tapuaiga a Ekalesia. Ua faapena foi ona i ai le fuafuaga o le a tuufaatasia le fonotaga a sui o nuu ma sui tamaitai o nuu e faapena foi Komiti i lalo o le Matagaluega ia Repuari o i lona aso 10 ma le aso 13 mo Upolu nei ma Salafai. Ou te faailoa atu ai foi i le tatou Palenene fuafuaga atualumamao a le Matagaluega ina ia aua ne i toe muta le faulogologo, ae ia faia pea le tiute fai ma le auunaga. Ua ou faamamafa foi i le Matagaluega mai lava i taitai o le Matagaluega seia oo i tagata lautele, ia tausinio mo le faamaoni, aua ne i fautua mo se tausii ae ia sili ia i latou le faamaoni ina ia avea i latou o ni tagata faigaluega lelei ma latou tauavea le fua a Samoa i ona tulaga e talafeagai ma a tatou tu ma aga faa-Samoa.

Ua i ai foi se tasi finagalo i tulaga o mea ua tatou vaia i fesootaiga faaneionapo ua faaalua ai se atugaluga o se tasi o sui usufono, ma e moni le sui usufono lea. E ese le tauna o le tatou aganuu ma le faa-Samoa e auala atu i sui o tatou afoaga i Pulenuu ma pulega mamalu a alii ma faipule i le tulaga o pulega lelei i afoaga ina ia tausii ia faapena ona soifua tagata uma, ia liloa e le tama ma le teine ona faaalalo, ia liloa foi e le alii ona faaalalo i lona tina, e faapea foi le tina i lona alii, o matua foi e fanau, o le Aufaigaluega Paia a le Atua i a latou Ekalesia i autalavou ma tulaga i faalapotopotoga uma.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaaauu i luga o le faitauga faalua

O le tasi lena vaega taua o lo o maua ai pea le sootaga a le Matagaluega ma le mamalu o le atunuu o lo o faafogafoga mai ma Ekalesia e ala atu i Faafeagaiga ina ia tatou galulue faatasi, e le gata ia tapue le itu i le tino, ae ia sili ai ona tapue le itu faale-Agaga ma le mafaufau o alo ma fanau, ia latou iloa ai e le o se mea lelei le faalumaina e se atalii poo se afafine o matua, e le o se mea lelei le faatasina o se suafa o se nuu maualuga i tofotonu o Samoa, ae toe tuu i lalo e outou alo ma fanau i mea o lo o tatou vaai. Ou te talitonu ai, e moomia lava le galulue faatasi o alii ma faipule i pulega a nuu ma alaiafaga, faapea foi le Matagaluega o Leoleo aemaise foi le faiva o tatou Taitai faale-Lotu, aua le tulaga o talavou ma le mamalu o Faalapotopotoga o lo o feagai ma la outou galuega faifaiepa.

Ona ou faapea atu ai lea, o le toe mataupu sa faapena ona laga e se tasi foi o sui usufono mamalu, o le tulaga o vai tumaoti. Ou te masalo pe toalua pe toatolu sa agai i vai tumaoti ma fesiligia ai foi le \$200 sa aoina e le Komiti tutoatasi poo le Komiti o Vai Tumaoti poo le Asosi o lo o faapea ai e \$200 le viliina o vai ma le \$200 o le sao foi lea e tau o le subscription i le tausaga.

Ma le faaaloalo ou te tautala ma le faamaoni, e fou i lau faalogo ia mea aua e le viliina e se Asosi ni vai, o la e i ai le konekarate e totogi e le tatou Malo. O le fuafuaga na i ai....

FOFOGA FETALAI: Malie lau Afioa i le Minisita, sei tulai atu le Afioa i le Sui Fofoga Fetalai ona o ia e ana le mataupu.

Tulai mai lau Afioa i le Sui Fofoga Fetalai.

Tofa Agafili Patisela Eteuati Tolovaa (Palauli Sisifo): Lau Afioa i le Fofoga Fetalai, e leai se manatu e fia faalavelave i le saunoaga matagofie a le Minisita mo Vai Tumaoti, o le faasaoga e \$200 le annual subscription ma le \$1 e tasi o le viliina e tasi a le aiga. O le faasaoga lea. O le tele lava la o aiga o i ai, o le tele foi lena o tupe e totogi e le nuu.
Ma lou faaaloalo.

FOFOGA FETALAI: Malo. O lea ua maua.

Tofa Hon TOLOFUAIVALELEI FALEMOE LEIATAUA: A aumai nei faamaumaga lau Afioa i le Sui Fofoga Fetalai, e \$200 lena e taua o le mea lea o le saofaga faaletausaga ma le \$200 o le viliina o vai o lo outou nuu. E le aoga la le finau leaga o lea ou te iloa. O au foi e moni lava ua tau fai sina matua, a o lea lava e lelei le faalogo.

FOFOGA FETALAI: Malie lau Afioa i le Minisita, sei toe tuu atu le avanoa i le Afioa i le Sui Fofoga Fetalai.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 -- felafolafoaiga faaauau i luga o le faitauga faatua

Tofa Agafifi Patisele Eteuati Tolovan: Lau Afoga i le Fofoga Fetalaí, e moni lau saunoga lau Afoga i le Minista. O le \$200 lea, ona e 200 viliga o le matou nuu. E le tutusa uma nuu, o isi nuu e tele viliga a o isi nuu e latititi viliga.

Ma le faaalalo.

Tofa Hon TOLOFUVAILELEI FALEMŌE LEATAUA: Ou te iloa ana tau tuutuu mai le agaga o le sui usufono i lana mataupu, o lea lava e sao lau folasaga. Afai e \$200 na tapa e le Komiti lea mo le vililina o vai o le latou nuu, o Iona uiga e 200 a outou paipa. A o le uiga o lau tala sa tatau ona e puea mai, ou te le iloa poo le a le mea o le a tapa ai fua e le Komiti lea se vililina o le vai ae latou te le vilila se vai. O lea e i ai konekarate ua tofogi e le Malo. O tupe uma lava lea e fai ai vai tumaofiti nei a le 37 nuu o le tatou atunuu so far, ia, o le tupe lea e fai ai vai tumaofiti Malo. O lea e pei ona outou silasila i ai i le Tala Faatatau Faaopoopo o le Tupe o le tausaga lenei e pei ona aumai i le Lipoti a le Komiti, na o le \$10 le tofogi o le vai a Eva mo le aiga e tasi i totonu o le masina. Sei silasila la i ai? O le tulaga lelei lena o lo o taumafai ai le Malo ia faaauau pea le faataunuuina o lea galuega lelei mo o tatou nuu taitasi. Ona pau lava le mea lea e naunau i ai le Matagaluega, ia maua mai seleni e faataunuu ai outou finagalo.

O lo o i ai se vaegatupe e tofogi e le nuu i le amataga, sa aoina foi e le Asosi lea, peitai, e i ai mea na tulai mai i fatia ua alu, o lea ua aumai i lalo o le Matagaluega ma le faamomoe o le Matagaluega, a uma le galuega o le vai a lea aifoaga, o le tupe lea na latou tofogiina mai o le latou sao, o le tupe la lena e fesoasoani i le maintenance o le latou vai. O le ala foi lena o le pau o latou tau. A o le itu maualuga lava ou te manao au e tau atu i le paia o le Maota ma le faafogafoga a Samoa, o lo o galulue faatasi le Matagaluega ma le Matagaluega o le Soifua Maloloina i le vaega e faia suesuega, o le Matagaluega o le Vai, lea e faafogaga mai le Minista o le Suavai a le Malo ia i latou e faia suesuega, aemaise ai le Ofisa fou o le SROS, ina ia maua e nuu uma lea e pulea e latou o latou vai i le maea ona tafala o le suavai e lelei, mama ma le afaina ai le soifua maloloina o aifoaga.

O le mea la lea, e tasi lena itu taua e le mafai ona tuua e le Matagaluega lana foi tute o le taulogologo ma fesootai ma tapa ai foi le fesoasoani ina ia faia e aunoa ma se tofogi, ma o lo o faia pea ia vaega e oo mai lava i le aso.

FOFOGA FETALAI: Malie lau Afoga i le Minista sei tulai mai le sui usufono mamalu mo Faleata Sisifo leaga o lea sa taua le vai o Falelauniu.

Tofa Lealalepule Rimoni Aiafi: Faafetai lava i lau Afoga mo le avanoa, faafetai foi i le Minista, ua faalogologo mai lava i le matagofie o le tali.

Tulafono Tau Faaoifi o le Faatatauina o Tupe Faapoopo (Nu.1)
2013/2014 – felafolafoaiga faaauau i luga o le faitauga faalua

Ona o le mea tonu lava lea ua oo tonu i ai i le fesootaiga lea ma le Water Authority, ona o lea ua maitau atu e i ai nisi nuu ua ola i le vai lea mai le Water Authority, o lea ua toe finagalo e o i le vai tumaoti. Ia, i te i foi ua alu nisi tausaga faapea e toe fia omai i le vai a le Malo, ae le taugofie le mea lea e fai nei. Poo le a la se finagalo o le Afioga i le Minisita ma le Matagaluega i lea vaega. Ma le faaaloalo lava.

FOFOGA FETALAI: Malo. Tulai mai le Minisita.

Tofa Hon TOLOFUAIVALELEI FALEMOE LEIATAUA: Malo faafetai i le sui usufono mo Faleata Sisifo. O le sui usufono mo Faleata Sisifo o se tagata foi e maemae, e le tufemoe pe moe lava ia, e naunau lava e fesoaosani mai, o se sui mataala. Maumau pe ana faapea uma sui usufono o le Itu Agai, e mataala i mea lelei ae le mataala i mea valea. O le mea la lea, o lea o le a ou tau atu, o le mea lea e te atugalu i ai, e lei tupu. E lei i ai ma se afioaga o le 37 nuu lea ua i ai o latou vai tumaoti e faapea mai e toe foi i lalo o le Pulega o le Suavai lea e i lalo o le Minisita o Galuega, ona o la e faamalicina, ma o le latou foi molimau i le tulaga o le soifua maloloina o lo o faatumaaina ona o faiga la ia soosootaau a Matagaluega nei e tolu, o lena ua ou tau atu, e lei tupu lava se mea faapena. Afai o taia i lau faafoga, o le pola motu i tua, ae lei tupu lava se mea faapea. O le mea la lea e molimau atu le Matagaluega, o lo o lelei lava le tauaveina o le tulaga foi lea o le faaauau pea ona vaai le Matagaluega i suavai a afioaga tumaoti ua faapena ona faaauau ma tatala foi i fatia ua sola. O le la foi tausaga sa i ai vai ua tatalaina. Na o le lua vai o lea o lo o aumai i le tatou Tala Faatatau Faapoopo o le Tupe lea ua outou silasila i ai, na o le vai o Leusoalii ma Luatuanuu. Ia, o afioaga na o lea o le a faamanuiaina i lenei tausaga.

Ou te faamalulu atu i le sui usufono mo le Vaa o Fonoti, e i ai lava mea e ao ona fai e pei ona ou fai atu, e i ai lava se sao e tatau ona faatino ae le o se tupe tele. A o le tupe foi e toe foi atu aua o lea o le a aumai i le Matagaluega e teumalu ai mo le faaleleia ma le tausiga o le suavai i totonu o le tou afioaga. Ma le faamoemoe foi, ia taugofie le suavai o lo o pulca e se Komiti faamoemoeina i totonu o afioaga ma nuu nei. O le mea lea o le vai a Lona Fagaloa, ua i ai le faamoemoe o le Matagaluega o le a tuuina i le Tala Faatatau Autu o le Tupe 2014/2015. Ou te iloa foi o loo alaalala mai nisi o sui usufono e pei o le afioaga o Saaga, o Falealili, ua uma ona faailoa mai lo latou faamoemoe, ae ia manatua foi, e lei fausia Roma i se aso se tasi, e tele pea galuega e fai, ae onosai. O si tocaina lea sa Minisita mo Galuega i aso ia lea ua afea i le valaau a le Atua, o lana tali lava, taatia mai, taatia mai i le tatou Malo, e te mafai ona faagaloina o outou finagalo ua faaalua. O le mea lea i le aso, ou te talitonu o lena ua fofoga atu lo outou paia ma lo outou mamalu....

23 IANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafosiga faaanau i luga o le faitaunga faalua

FOFOGA FETALAI: Malie lau Afoga i le Ministia leaga o lea sa e taua le afioaga o le sui usufono.
Tulai mai le sui usufono mo Siumu.

Tofa Hon Tuuu Anasii Leota (Siumu): Lau Afoga i le Fofoga Fetalai, sa ou tau tu atu lava e faamanatu i le Afoga i le Ministia le matou vai tumaoti lea, ae faafetai o lea ua saunoa mai, o lea la ua pipii ai ma le matou vai, massalo o matou lea o le a sosoo.
Ma lou faalotalo lava.

Tofa Hon TOLOFUVAIVALELEI FALEMEO LEIATAUA: Ona o lou faalotalo i le sui usufono ua mataua, ae ua ou le iloa poo le a le mea ua faapea ai le sui usufono. Ae le afaina, e lei lauga i ai le sui usufono i le Fono lenei, ae le afaina leaga o lau uo, ae taatia mai o lea ua ou faailoa atu, na o le vai o Lona o lea o le a fuafua mo le tausaga fou 2014/2015. Ae afai e lavelave ane ai ma... a o le faiya foi lea e tautatala i ai le Tusi Pata, o le tuitui. O le lava e tuitui e toina mai, a o le foi e saili na te maua, ae le na o le Maota Fono e faia ai, e lea, e faamanatu pea ma saga faamanatu pea. Ae faafetai, lato mai lou finagalo, e faapena foi i le afioaga i Falealili i o latou foi afioaga ua fia fai ni o latou vai tumaoti.

Ia, ou te tallitonu lava o loo tele pea mataupu e tatau ona faamanino i luma o lenei Maota, ae manumamu foi e tusa ai ma le finagalo o le Palemia ina ia oto lava na o le lau muamua ina ia tatou vave tini i le tulaga o le faamoemoe o le tatou Tala Faatatau Faaopoopo o le Tupe i lenei aso. O le mea la lea, o a nisi mataupu e pei o faiga faavae a le Matagaluega ma Tulafono e puipui ai le Matagaluega, e ui lava o lo o i ai Tulafono, ae o lo o i ai le faamoemoe o le Matagaluega e tapa foi se ioega a le Kapeneta ina ia tuufaatasia Tulafono Laiti uma ia i le Matagaluega o Tina ma Tamaitai, o le Tulafono o Pulega o Nuu ma Alaalafaga, o le Tulafono o Talavou, e faapea foi nisi o feagaiga faava o Malo e pei ona ua uma ona saini aao ai Samoa e pei o le CEDAW, o le CRC poo le Convention Right of the Child, ia ma le isi convention lea e taua lava, o lea e faafofoga mai le Kapeneta, e ui lava e lei sainia ma retify e le tatou Malo, a o le convention lea mo i latou e i ai manaoga faapitoa.

E pei o nai vaega uma na e ao ona tuuina uma i lalo o se Tulafono tele ina ia tasi ai le ma ae tele manu pepe, tasi lona puipuiiga tasi lona pulega, nai le tuli taape lea e i ai nei ma faapena foi ona i ai fesopaiiga i totonu o vaega taitasi o le Matagaluega.

Ou te faafetai foi i le Tamaitai Ofisa Sili o Pulega ma le Matagaluega, faafetai atu foi i le Komesina o Sulufaiga ma lana foi tautua i le Ofisa, ae le gata i lea o Komiti o lo o feagai ma lenei Matagaluega, ia alofagia e le Atua ia outou tofa, ia faamanuia tele le Atua ia te outou aua le tautuaina o le tatou atunuu. Ia alofagia foi e le Atua le tapuiga a Samoa, ina ia faapena ona faamanuia le Atua, mai lava i tupu ma ee seia oo lava i tagata lautele.

Tulafono Tau Faaofi o le Faatautuina o Tupe Faaopoopo (Nu.1)
2013/2014 – felatolafoga faaauau i luga o le faitauga faalua

I le tapuaiga a lou itumalo i le Falelua o Nofaalii ma Leulumoega, ia na o le toalua lava tatou. O le mea lea, o lea lava e lelei lo outou sui usufono, e le o aafia i nisi mea, o lea lava e tatalo i le po ma le ao ina ia manuia le tatou Falelua, manuia Aiga ma Sa Tanuvasa ma Fuaifale e fia ma le Alii Matua, manuia foi le Faleaana auu le tatou nonofo ai. E faapena foi ona manuia le Tofa i le Matuanatogi ma lo outou Toaiva, le paia ia Sooaemalalagi ma Alo o Tamaalalagi, i laua na Faiga ma upu ia te oe le Tumua, o le Tumua silisili na tofi e le tupu. Ma le tatou Taitai faale-Lotu i lau Afioga i le Patele e faapea foi le Tafatolu o le tou faafeagai ai i Faafeagaiga Taulagi EFKS, Katoliko ma le Metotisi, ia faamanuia le Atua i le tapuaiga.

Ia, o nisi mea ua le oo i ai so matou leo, e silafia e le Atua le faafetai i la outou tapuaiga i le itumalo, aemaise foi o le tatou Pulega ma le Matagaluega, ona o au o lea ou te tauavea le tofi o le Tiakono Toeaina o le Matagaluega a Aana. O le mea lea tapuai maia ma le manuia si au Matagaluega tele, a ia ola la outou auaua. Ia manuia le Fono.

FOFOGA FETALAI: Malo. Ia manusina le soa ia le fetalaiga Leulumoega, o lea foi e faafogafoga ma le totoa le nofo a Pule i le tapuaiga mau auu lau fetalaiga momoli i le falefa i Tumua. E leai se isi e toe faataugavale o lea ua e saunoo lau Afioga i le Minisita e pulea tausala o Samoa ma tausia measina a le atunuu. Vaai uma a tatou toga lelei e tatau foi ona fai le tatou faalegapepe i le fono tele lea e auai mai nei. Faafetai mo le faamatagoffeina o tatou aai, faafetai mo lea laasaga taua ua siitia ai le tulaga o le lafo atu o le avega e soosootauau ai Pulenuu ma Sui o le Malo. Ae faafetai atu, faafetai foi i le Afioga i le Tamaitai Ofisa Sili o Pulega ma le Matagaluega, o outou mama na.

Ua tatou taunuu mai i le Matagaluega o Fesootaiga. Ia, ou te tatalo atu i lau Afioga i le Tiakono Toeaina lau Afioga i le Minisita mo Fesootaiga ma Faamatalaga Tekonolosi, tulai mai o lea ua oo i le taimi o le tatou Matagaluega.

Afioga Hon TUISUGALETAUA SOFARA AVEAU: Faafetai i lau Afioga i le Fofoga o le Maota nei le Fofoga Fetalai mo le faafofoeina o le tatou galuega i leni aso, ua loaloo foi ona tatou fesagai ma faatino le tatou galuega e pei ona faataoto mai. Faamalo faafetai le onosai.

E faapena foi ona oo atu so matou leo i le paia maualuga o le tatou Maota i sui usufono, afio le Afioga i le Palemia ma le Kapeneta, aemaise foi le mamalu o Minisita Lagolago, le Afioga i le Taitai o le Itu Agai ma le Sui Taitai ma le paia maualuga o sui usufono o lena Itu o le tatou Maota nei. Faamalo le onosai, faamalo le faatoatoa. E faapena foi le pai atu i le faafofogaaga a lo tatou atunuu ia Samoa i ona itu e fia o lo o usi tapuai mai ia le latou faafogaga mo le tatou Fonotaga i leni aso.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiuga faaanau i luga o le faitauga faatua

E faapena foi ona e le faaititia ai le agaga faafetai i le Atua ua maua lenei avanoa taua ma le matagofie o lo o sologa lelei ma manuia o outou finagalo ma o fatou manatu e pei ona faaalua i le Maota nei ina ia mauu ma lelei lo tatou atunuu na fotogi ai a outou Afloga ma i tatou, ina ia taitaia.

E amata ona ou taumafai ona ou tali atu i nai mataupu e le tele tele sa laga mai e sui usufono mamatu pei ona tuuina mai ai o latou finagalo faaalua mo lenei Matagaluega.

Ou te muamua atu i le vaega lea sa faailoa mai sa fesiligia ai le Broadband. O le faanoemo e le galuega lea o lo o tau faaitu i le taimi nei, ma e i ai le faanoemo lava e tatau ona amatalia ia pe faaiuina aloaia ia Mati, ona amata loa lea ona tatou faaogaina e lava le taimi tatou te tapenapena atu ai mo le tatou Fonotaga Tele i le faaiuga o le tausaga ae ua faagaioi ma faaoga. E pei ona ou faamalamalama foi ia tatou Fonotaga muamua, o le tatou poloketi lea o le Broadband e amata i Matagaluega uma lava a le Malo, e faapena ma Faalapotopotoga a le Malo, a maea na i le phase one po o le vaega muamua ona see atu lea i tua i le aufaipisinisi ma le mamalu o le atunuu o e o lo o fia faaogaina. O le faanoemo lena o le Broadband lea e pei ona faatinoina ina ia fesootai uma lava a tatou Matagaluega ma tatou Faalapotopotoga a le Malo, ona faaoga loa lea i le tulaga e pei ona mafai ai ona fetalanoaai, femalamalamaai, fetusia, e le toe faaogaina foi ia le tele o felauaiga pei ona i ai i lenei taimi e lau atu lau mai i taavale, ia pe telefoni atu ae le maua le telefoni, ae o le a faaogaina i le tulaga faafesootai i luga o ala televavave i tatou computers po o telefoni televavave smart phones o lo o faaogaina i lenei vaitaimi.

O tulaga la na o lea e faagasolo ai le tatou galuega. O le vaega muamua ia tapena muamua lo tatou lotofale ina ia lelei ma sologa manuia ia mafai ona fesootai ma faigofie ona aveese ai lea o le isi anoano o le tau i fesootaiga ma tulaga faapena. O le fesili lona lua na tuuina mai i le Broadband lava latou, pe i ai ma le intaneti. I le taimi nei muamua i le first phase lea, e le i ai le intaneti, e le faapipila le intaneti foi lea mai fafo, aua o lea lava o lo o mafai ona tatou fesootai lava i le intaneti a le Matagaluega ia po o le tagata foi ia e mafai ona fesootai i le intaneti.

O le vaega lona lua, e ala ona i ai le tulaga faapena pei ona silafia i le taimi nei, e pau le tatou fesootaiga i le intaneti connecting collectivity i fafo, o lo o malos i le taimi nei o lea o lo o tatou fesootai ai ma Amerika Samoa. O le ICY Cable lea, o lea e i ai le talifonuga o inisinia ma i latou o lo o aumai le fautuaga, e le o toe lava se capacity mo se taimi e umi atu i le fa tausaga po o se taimi faapena. O le faanoemo la, o lea e tapena faatasi le vaega lea ma tatou tapenaga mo se isi cable, se isi ala e fesootai ai tatou mo atunuu i fafo, ma ua latalata mai lava le taimi e ono mafai ona faapena atu, o le a amatalia le tatou galuega lea, toefititi lava maea e toe omai nei le World Bank ma le ADB i le masina fou, ona toe fesootai mulimuli lea ma tatou ona fai ai loa lea o le faaiuga mulimuli.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaiga faaauu i luga o le faitaunga faalua

Ona o i latou lea, o lea e tele le latou fesoasoani e faatino ai le faatinoga o le tupe e manaomia le tatou fesootaiga lona lua lea. A o le taimi nei pei ona silafia, o la ua fai foi a tatou fesootaiga ma isi vaega ma o lo o faatino nei le galuega lena i le taimi nei, masalo o le a ou le faailoa atua le tulaga lea i le taimi nei ae o lo o ua amata le galuega lea i lo tatou va, ina ia mafai ai ma le atunuu ma i latou ia ina ia mafai ona faalautele atu le tatou fesootaiga i se taimi lata mai lava. Sa fesiligia foi, po o ai latou te pulea le Broadband, o le tali puupuu i ai, e pulea lava e le tatou Malo, e pulea e le tatou Matagaluega o lo o faatinoina nei le galuega.

E i ai nisi fuafuaga e pei ona faataoto mai ia ma nisi manaoga mulimuli o le a agai mulimuli atu i ai, e ese mai ai la i le tatou cable lea i le tatou fesootaiga i le tatou cable, o lea o lo o i ai le faamoemoe e faatu lava se....pe a faapea e toe fai se felloaiga mulimuli ma le World Bank po o le ADB, ona o lo o i ai foi le manatu o le tatou Malo ina ia faapena ona faia pea o se tino latou te faatinoina le galuega lea e tumaoti ai ae ia faapena ona tau fai sao i ai i latou kamupani o lo o i ai nei faatasi ma le tatou Malo, ae pulea e se toatasi po o se vaega e tofia faapitoa e latou te faatino ina ia aveese ai le masalosalo o le isi kamupani i le isi kamupani ma soona tuuaia ai i nisi tulaga faapena.

O le vaega la lena o le tatou Broadband faapena ma le internet. O le internet i le taimi nei, sa faapea mai se isi mau o lo o fai sina taugata. Ia e sao le faamatalaga, o lo o feoloolo i le taimi nei. A faatusatusa tatou i atunuu ia o lo o feoloolo i le internet i le tatou Pasefika ma latalata mai, e le taugata tele la tatou, tai pei la mo kamupani e lua. I Fiti lava latou o lo o faaoga i le taimi nei ma le kamupani a Vanuatu ma tatou, a faatatau ia i le vaega lea, o lea e uma loa le kamupani muamua a Fiti sosoo atu ma tatou, ona faatooa sosoo ai lea ma le isi a latou kamupani, ona faatooa sosoo ai lea ma Vanuatu. Ia ma o tulaga lava na, sa amata mai lava o taugata lava a o lea ua faaifo lava....na fai muamua ia le faaiuga a le Regulator i le 2009 ona pau ifo ai lea i lalo o le tau, i le taimi nei, ua i lalo lava le tau. E le gata la i le pau o le tau, ae ua atili ai ona feoloolo i le taimi nei lava latou i le tatou initaneti, ona ua tele ia le avanoa o le bundles lea ua tuuina e kamupani ia ua tauva i totonu lava o le tatou atunuu, lea ua ofoina atu ia bundle tetele, ae o lo o tumau pea le tau i le tau laitiiti sa i ai. O lea la ona o le tulaga la lena, o lea ua feoloolo ma taugoffe ai le tatou tau, a tagai foi i ai i po i le televise o lena e faasalalau ia isi tau na e aumai ai, ia pe 88 ea megabytes pe faapena, ia na o le \$2. O tulaga lava na ona faaopoopo mai ai lea ma isi tau na e i ai e faasolosolo ifo ai, ua tele lava la le suiga mai le mea sa i ai – ma e i ai lava le faamoemoe o le a faapena ona faagasolosolo atu i se tulaga e taugoffe ai.

O le faatusatusaga lena pe a faapea e faatusatusa foi lea i se tau tau latalata ma isi a tatou uso atunuu o lo o tatou tuaoi ma tatou faifaimea faatasi. O lo o i ai pea le talitonuga e le o toe mamao ona fai lea o se faaiuga mo se tatou connectivity ma se isi mea e ese mai ai i le ASH lea e i ai nei, ina ia faagaioi loa se tatou cable.

23 IANUARI 2014

Tulafono Tau Faaofi o le Faatatauina o Tupe Faapoopo (Nu.1)
2013/2014 – felafolafoaiga faaauau i luga o le faitauga faalua

O lea pei ona ou fai atu muamua, e lima pe fa options lea e taatia mai, e lei faia se faainga mulimuli, e ui o lena lava ua agai lava i nisi o filifiliga pe tasi pe lua, ona faamautu lea i se taimi mulimuli mo se finagalo o le tatou Malo ma le tatou Kapeneta.

O le vaega e sosoo ane ai o faasalalanga i le ZAP, lea sa tuuina mai ai le....

Tofa Leataliepule Rimoni Aiafi: Lau Afioaga i le Fofoga Fetalaia....

FOFOGA FETALAI: Ia malie lau Afioaga i le Minisita, sei tuu atu i se tasi lea o sui usufono ona sa taua i lana lauga, tulai mai le sui usufono mo Faleata Sisifo.

Tofa Leataliepule Rimoni Aiafi: Faafetai i lau Afioaga i le Minisita mo le tali malamalama, ua faatiga taliga foi i fofoga le lagalaga pea o lenei mataupu. Ae faafetai o lo o e maua o lo o e taumafai i ai, ae faafetai o lea ua tali manino i le mea lea o le intaneti o le Broadband, aua o le mea lea sa tau tulivuli atu i le taugata tele ae lei se internet component, aua tasi lea vaega taua, a o lea la ua e taua i le agai i le lumanai, o le a tatou ona i ai aua e taua tele. Aua o lona uiga o le mea lea o le a i ai nei i le tatou system lea taugata lea e aumai, is just a link, foi lea e link ai Matagaluega a le Malo, ae le o i ai la se mea lea e taua ai e tau o le e-government, mea lea e mafai ai ona operation tetele foi nei ma mea tau faiaoga ma mea faapena. Ae afai o le agai lea o lea e agai ai lau Afioaga, o lau fesili la, pe toe faapoopo a se isi aitalafu i luga o le aitalafu lea e i ai nei e faatino ai le vaega taua lea? Afai foi o lea, afai e oo atu i le taimi lea o tumau lava le maualuga o le internet cost, ia ae toe defeat ai foi ma toe i ai le toatuga i le naunautaiaga o le Malo ina ia faaleleia lea vaega. Aua o lea e manino lava i faaupuga a le Regulator lea e i ai nei lea e manino o lea sa ou aumai lana saunoaga i quote, e internet cost in Samoa were hinder, Samoans development to the future. O faamatalaga lava ia a le tatou Regulator lea e i ai nei.

O lea la e tuitui atu ai pea i lau Afioaga, ona e aoga tele ma taua le vaega lea, ina ia sagai vave i ai i se fuafuaga, aemaise la i le tatou Broadband, aua o lea sa fesili ai foi le Pulega pe a maea, ia sa ou faapea o lea ua train lau Matagaluega o le MCTT e vaia ma faalelei, i le toe tuu atu foi ma toe fai ai se isi Matagaluega fou. Ma lou faaaloalo lava.

FOFOGA FETALAI: Ia sei tulai mai lau Afioaga i le Minisita e faaauau le tali mai ma faaauau mai le saunoaga.

Afioaga Hon TUISUGALETAUA SOFARA AVEAU: Faafetai. O le faamalamalama lena o le vaega tau intaneti ma le broadband i le taimi nei.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauu i luga o le faitauga faalua

Mo le silafia e le tele ona o lea ua saunoa le sui usufono mamalu i le isi vaega lea o le Broadband, o le taua ia pe a uma nei le tatou Broadband i le tulaga lea e i ai. Mo se faaitaiga lava latou i se mataupu lava tau i le Broadband ae faaoga ai le school net, e le tau alu i se initaneti i fafo, e fai lava le mea lena i le Broadband lena a tatou, o le a sili atu ona vave, ae afai foi la o lea e tilotilo atu i ai i le isi Matagaluega i le mea la ua fai i le Ofisa o Aoga, o le faigofie ia ona connect, a o le taimi nei e le mafai ona fai. O lona uiga i se isi faaupuga faigofie foi lele, tapena muamua lo tatou lotoifale, ia ona fesootai atu loa, aua la, e le o faapea o tuutaia ai lo tatou sosoo atu i fafo, leai o lea e tatou te sosoo lava i fafo i le taimi lenei, o lea lava e sau le Matagaluega latou ma alu i fafo, o lea e kilia lava e le o i ai se lavelave o lena vaega O le toe fesosoani atu lena.

E faapena foi la i le vaega lea o le Health latou, o lea e fesootai agai i o i le latou sootaga i Savaii ia po o tua i o tatou itumalo i tua, e faapena foi le Ofisa o Leoleo, tapena la o tatou lotoifale ia ina ia matagofie ma sologa lelei, a o la e tapena atu le tatou initaneti atu lea pei ona finau i ai. O le saunoaga lea na e saunoa i ai i le faamaumanga a le Regulator, e sao lelei lava le saunoaga lena a le Regulator, e leai ma se mea e sese ai, e tupu faafitauli i a tatou polokalame ma le agai atu i luma, pe a le tapena le tatou internet ma tatou fesootaiga televavave. Ou te faamaonia le saunoaga lena, o lea la tatou te tapena i ai, o lea tatou te taumafai e fai ma ia tuu i se tulaga ia matagofie ma lelei.

Sa aumai le isi fesili, pe i ai se tomai faapitoa i le faavasegaina i le vaega lea e tau o le tau o le eletise i totonu o le Ofisa o le Regulator? Ia ou te faapea atu, i le taimi nei lava ia, o lo o faatonutonu lava e le Regulator, aua e tele lava le silafia ma e lautele le malamalama o le tamaloa e mafai lava ona faatulaga i le taimi nei ma o lo o faagaioi i le taimi lenei. Ae ua uma ona tofia ia le alii faapitoa faatasi ai ma le Loia e lagolago i ai i le faatinoga o fuafuaga ia tau eletise i totonu lava o le Ofisa o le Regulator, ua uma a la aoga muamua a laua training muamua, o lea e i le taimi nei i Amerika i Florida i laua lava ia e toalua, o lea foi ua toe fai le isi a laua aoga e faapitoa lava i le faiga o le tau o le eletise ma ona totogi e tatou ona talafeagai ona amo e tagata, nai lo i le soonafai i isi tulaga e le mautonu pe le mautu pe taumatemate. O le tulaga la lena o lea e faagasolo ai nei le vaega lena e pei ona aumai ai le faafesili.

FOFOGA FETALAI: Malie lau Afioga i le Minisita, sei tuu atu le avanoa i le sui usufono mo Faleata Sisifo.

Tofa Lealailepule Rimoni Aiafi: Lau Afioga i le Fofoga Fetalai, o lea e fia faamanino mai ona o lea e te saunoa mai o lo o aoga i Florida. Po o le mea la o toe aoga ai ma le Regulator aua o lea ua e saunoa mai ua lava lona tomai po o ni tagata ese mai ia e toe aoga? Ma te faaaloalo lava.

23 JANUARI 2014

Tulafono Tau Faafiti o le Faatatauina o Tupe Faapoopo (Nu.1)
2013/2014 – felafolafolaiga faaauau i luga o le faifaiga faatua

FOFOGA FETALAI: E le toe talia ni fesili fou, a o le a lafo atu pea i lau Afioaga i le Ministia mo lau talli atu.

Afioaga Hon TUISUGALETAUA SOFARA AVEAU: O lea sa ou faaaoagaina le upu aoga aua o le upu faigofo lona e faa-Samoa ai le training, aua o la e fai le la training i le taimi nei. O lona uiga e le o se aoga foi lea e toe sue ai se tikeri aua o lea ua atamamai alo o Samoa, a o le manao ia afai e tuumuli se isi ono tausaga po o se isi taimi faapena le tagata lea, ona tuu loa lea i alo ia o le atunuu aua ua lava a la aoga faapitua i le mea lea o le tapenaga o tau o le eletise e faazoga e lo tatou atunuu.

Lau Afioaga i le Fofoga Fetalai, ona maea ai lea o mataupu sa laga mai e sui usufono ma e faafetai atu ai foi i le paia maualuga o le Maota nei e tusa ma mataupu sa laga mai, ae na ona ou fia pai atu i lou itumalo e pele ia te au, le itumalo o Yaimauga Sasae.

I lona itu i Sasae i lou nuu o Laulili i le Afifo o Lenui o le Saofaapito ma Alo o Lenui, le paia ia Taitulu ma Salevalasi, le paia maualuga ia Tuisamau ma Ituala e fia.

Sosoo mai ai ma lou nuu i Letogo o lo o Afifo ai Tuliapupu ma Tuliapupu ma Alo foi o Tuliapupu, Afifo Usalii ma Taitalii e faapea foi le Aiga Sa-Malietoa, le mamalu i le Taa ma Tuisamau.

Lou nuu i Vailele i le Afifo o Samoa ma le Falefia o Alii, le Maopu ma le Gataiala, le paia ia lava Nofoa ma le nofo a ituaiga ia Saleupolu.

E faapena foi lou pitonuu e pito i uta aua e i ai lou pitonuu e pito i uta i Maugaifafia ma Vailele-uta i le Susu ai o Faafegaiga ma le paia maualuga i lo tatou pitonuu, o lona e afifo ai ma susu ai Faafegaiga ma Aulotu, le paia maualuga o lo tatou atunuu i tupu ma tamalii, faletua ma tausii, tamaitai aemaise o le tupulaga toatele o lo o afifo ai.

Ona faamuli lea i lo matou nuu ae e le faaititia ai i Fagalii, le Afiffo o Alaatalama, le Afiffo o Tuisugaletaua ma Luamannuvae, le Fetalaiga ia Pulemagafa ma le Faiga ma le nofo a ituaiga ia Saleupolu.

O paia ia o lea ou te pale ai le paia maualuga o lo tatou itumalo aua o lea lava o lo o aumai pea lo outou faatuatuga ia te au, ae ou te tau mafai foi au i se mea e mafai ai aua o lona o lo o faatautaia e Susuga i Faafegaiga ma le Aulfaigaluega Paia a le Atua o lo o lotolotoi ai ma faatonuonu ai nisi mea e le o atoatoa i nisi taimi, ae mo le talltonuga lava ia tatou te galulue faatasi pea aua o tatou foi tatou te tautua i le atunuu ma ona tagata, ma lo tatou Malo.

E faafetai foi i Faanuuuluga o Matagaluega ma Taitai o Matagaluega taitasi o lo o tatou faafegai pea i nei vaiaso, faamalo faafetai le galulue ma le tautua. E tele lava foi a matou upu i nisi taimi ona o le faatafai atu ia te outou, a o le agaga moni lava o outou e faamoemoe i ai le faatinoina o galuega ma le tautua i le atunuu.

Ia manuia lau Afioaga i le Fofoga o le Fono ma ia manuia le Fono.

Tulafono Tau Faaofi o le Faatautaina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

FOFOGA FETALAI: Malo faafetai saunoo i lau Afioga i le Minisitā mo Fesootaiga ma Faamatalaga Tekonolosi. E manatu ua lagona uma le faafetai i le faamalieina o finagalo na saunoo i ai sui usufono e ala i a latou lauga. E momoli atu foi le faafetai ma le faamalo i lau Afioga i le Minisitā o le taitulu o le Matagaluega aua e le faigofie, aua o se tasi foi lenei o Matagaluega e sili ona faataua ona o lea ua tatou agai i suiga tetele ua tatou i ai, ma e le tatau ona tuu aunoaina pe tatou te misia le vaa, aua o suiga tetele nei e tele le aafia ai mo a tacao. O ou mama na ma e momoli atu pea le lagolagosua a le Komiti Faapalemene o le Population and Development, matou te avanoa i ni faalauiiloa e puipuia ai a tatou mataupu e ala i faafitauli ua tulai mai aua o le tatou galuega e fai faatasi. E faamalo atu i le Faauuluuluga o le Matagaluega, e faafetai atu mo lo tatou Ofisa fou o le 2AP ua foia ai nisi o faafitauli i alaleo e le o lagona e nisi o le atunuu, ae malo le onosai faafetai le galulue.

Ua tatou taunuu mai i le auga o aute i lo tatou faamoemoe i le tatou Fono o lo o fai nei, i le o lo o lufilufina le tamaoaga o le atunuu i tupe maua. Tulai mai lau Afioga i le Minisitā o Tupe, Afioga Hon Faumuina Tiatia Faaolatane Liuga, o le taimi lenei o le tatou Matagaluega e tali atu ai.

Afioga Hon FAUMUINA TIATIA FAAOLATANE LIUGA (Minisitā o Tupe): Lau Afioga i le Fofoga Fetalai ma sui usufono mamalu o le Maota, ou te faamalo atu i lau Afioga i le Fofoga Fetalai i lou onosai ma lou lavapapale i le faatautaiga o a tatou galuega i lenei foi Fonotaga a le Maota. Faafetai i sui usufono mamalu o le Palemene na sausaunoo i le Tala Faatatau Faaopoopo (Nu.1) 2013/2014 o le Tupe.

Lau Afioga i le Fofoga Fetalai, e 31 sui usufono na sausaunoo ma faaalua lo latou lagolagoina o lenei Tala Faatatau Faaopoopo Muamua o le Tupe mo lenei tausaga faaletupe o lo o faagasolo.

O le mea lava e ao ona pai i ai sina faamatalaga, e faamalo i galuega a o tatou tuua ua lagomau mai i tiasa i le latou foi fautua ua tatou acaae ai ne ii falesuu ma ua siitia ai Samoa i se tulaga i luga atu (LDC i le developing state) mai le tulaga sa i ai, o se atunuu e maualalo lona tamaoaga i atunuu ua faasolosolo atu ina lelei atinae o latou tamaoaga e afua i le aso I o le masina lenei o Ianuari 2014. O se mitamitaga lea ma e ao ai ona tatou faafetaia i latou na mua i malae i lenei Maota i lo latou faatautaiga o le sa o Samoa i le 51 tausaga talu ai. Ou te talitonu ai ua faamanuiaina nei augatupulaga, tulou ona o galuega a o tatou tuua ma matua.

I le laasaga lava lea ina ua amata ona tapenapena ma fofou mai tatou te ulufale atu i le tulaga i luga atu, sa faaoga ai foi avanoa e talatalanoa ai i Faauuluuluga o le Faletupe o le Lalolagi, le Faletupe o Asia ma isi foi Faalapotopotoga faava o Malo pe afaina a tatou faaungatupe i le tulaga na i ai i le tulaga lea i faiga faapitoa.

23 IANUARI 2014

Tulafono Tau Faoofi o le Faatatauina o Tupe Faaopopo (Nu.1)
2013/2014 – felafolafoaiga faaauau i luga o le faitauga faalua

O le tali na aumai ia matou i usugafono sa matou i ai i fonotaga ma le Peresetene ma le Sui Peresetene o le Faletupe o le Lalolagi faapaa foi le Faletupe o Asia, e le afaina lea ona o le classification lea ua tatou me'i ne i i ai, o le classification na fai e Malo Aufaatasi e fua i faamaumauga a le Faletupe o le Lalolagi, le Faletupe o Asia ma isi faletupe i tua atu o itulagi ia ua ou taua.

Ua ala ona ou taua le vaega lea ona e pei e tasi lea ata faatatai ua atagia i tupe ua fau ai nei le tatou Tala Faatatau o le Tupe, e afua mai lava i le Tala Faatatau Autu, a o lea foi ua atagia i le Tala Faatatau Faaopopo Muamua o le Tupe le agaga lava lea e pei ona faao mai, o le a le afaina le auanai mai pea o fesosoani i tulaga faapitoo po o tulaga faameaalota. O Samoa o se tasi o atunuu laifiti o le lalolagi lo o lelei ona faafoc lona tamaoaga i le tulaga e faaoga lelei ai tupe o lo o tuuina mai e a tatou paaga mai fafo e faafino ai ma fesosoani ai i lo tatou tamaoaga.

Lau Afoga i le Fofoga Fetala'i, o mataupu na laga e sui usufono mamalu o le Palemene ua uma ona ou tali atu i ai. O le a ou le toe oo lava i ai se i vagana ua toe saunoo mai le sui usufono e toe ffa malamalama i ai pe toe ffa faafofoga foi lona itumalo i se leo e ese mai i le tali na ou avatua muamua i ai. O mataupu la nei e le i oo i ai se faamalamalama e pei ona laga e sui usufono mamalu o le Palemene.

Na saunoo le sui usufono mo Faasaleleaga Nu.2 i le vaega lea o lo o totogi ai e tagata matutua le \$2 e tala ai i tua a latou penisione taitasi. Lau Afoga i le Fofoga Fetala'i ma le mamalu o le Maota, o le totogi o penisione a tagata matutua, o tupe nei a le NPF o lo o teu i le Faletupe o le Westpac. Afai lava la o le penisione e tuu i le Westpac, e leai se \$2 e totogia. O lona uiga e leai se \$2 e tipina, ae a faapaa e finagalo le sui lea e maua le penisione e sui se isi faletupe e tala ai lona penisione o lea masina ma lea masina, o tau la nei e tala ai i tua mai isi faletupe. O le SamoaPost e \$1.50, o le Samoa Commercial Bank e \$2, o le National Bank e \$2, o le ANZ e \$5 ma le Western Union e \$5. O le filifiliga lava a le tagata ia i le faletupe o i ai lana tusi tupe, o i ina foi e i ai le \$2 lea, ae e le o se \$2 ona o se aga a le NPF po o le Vaega o lo o faafocina lenei auauaaga i le atunuu. O le faamalamalama lea, o le filifiliga lava a le tagata ia ae le o se aga a le NPF. Afai lava o le a faaoga le Westpac, o lona uiga e leai se tupe e totogia e le tagata ae maua uma lona penisione.

O le sui usufono mo Aana Alofi Nu.3 ma le sui usufono mo Vaisigano Nu.1 na taua le tulaga i tupe e aumai faameaalofa e fesosoani ai i a tatou Tala o Tupe.

FOFOGA FETALAI: Malie lau Afoga i le Minisita o Tupe se i avatu le avanoa ile tulai mai o le sui usufono mamalu.

Susuga Papalii Lio Faavaivaio manuu Taue Masipau: Faafetai lava i lau Afoga i le Fofoga Fetala'i, faafetai foi i lau Afoga i le Minisita o Tupe ona o lea ua malamalama atu i le tulaga lea i le faavasegaina.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoga faaauau i luga o le faitauga faalua

O lona uiga e pei o faletupe ia e mafua ai tupe ia, a o le taua o lea e faafoga mai le au matutua, masalo la na o le Westpac lea e saoloto, a o isi faletupe ua fai sina maoae teisi i le faalogologo atu. E pei o le tulaga lena o lea sa avatu ai se talosaga ona o le vaega lea. Po o le a le mea e faai ai ni talosaga i isi faletupe ina ia tutusa ma le Westpac ona o le tele o a latou tupe e tipi aua ou te iloa ua faigata ona toe fai nisi fetuunaiga, ma ou te iloa e le faigofie lea auala mo le au matutua, ae pei o le uiga lena o se talosaga ona o le maoae o isi faletupe ia, ae pe leai se fesoasoani mo nai tagata matutua. Ma le faaloalo lava.

FOFOGA FETALAI: Tulai mai lau Afioga i le Minisita.

Afioga Hon FAUMUINA TIATIA FAAOLATANE LIUGA: Lau Afioga i le Fofoga Fetalai, faafetai foi i le sui usufono mamalu e pei ona saunoa nei.

O le Westpac e le gata o la ua i ai lala i Savaii ma in-store banking, o lona uiga a fai lava le filifiliga e tala i faleoloa ia ua i ai lala ia o le Westpac, o lona uiga e free. O lea foi e te silasila i le SamoaPost o lea e pau e \$1.500 ma isi Faletupe ia e tai \$2.00 ma le \$5.00, ae taatia mai o le a ou taumafai e talatalanoa i Faletupe ia pe mafai foi ona free latou.

O le mafuaaga e ala ai ona leai se tau a le Westpac, leaga o la e i ai accounts a le NPF. Ana faapea foi la e tofu Faletupe ia ma accounts a le NPF, e ono tupu foi le mea lena, ae taatia maia fou finagalo o le a se i faatalatalanoa i nai Faletupe nei po o le a se tulaga e oo i ai pe aveese o nei fee, ae toe avatu le \$2.00 faaopoopo lea i nai o tatou tagata matutua.

Lau Afioga i le Fofoga Fetalai, ona ou oo lea i le sui usufono mo Aana Alofi Nu.3 ma le sui usufono mo Vaisigano Nu.1 i mea nei o tupe faameaalofa e fesoasoani ai i a tatou Tala o Tupe. O le fesili na faatulai mai pe faaauau. O le tali, ioe e faaauau. O le tulaga lea i meaalofa ia e masani ai, a aumai a tatou tupe nono i tulaga faapitoo e afa e grant afa le soft term. O le mea lea na i ai i le lua tausaga lea ua tea, o le tauanau faai foi i ai fagogo e masani ai mea nei o Minisita ma Faipule, o le tauanau e alolofa mai se i tau faamama e faaaga ai foi la le isi bank i le isi bank lea na tupu i le ADB, aua ua 100% grant le World Bank, ae sa 50%/50% le ADB. O le mea lena na talosaga ai ia consider ia tutusa uma laua aemaise lava o le Faletupe o Asia ma le Pasefika o le tatou Faletupe, faatasi ai ma isi non-region members e i ai au mauoloa o Arapi ma le western world. O le tali la i le fesili e pei ona tuuina mai, e faaauau pea tupe faameaalofa, ae fua foi i luga o a tatou performance ma le lelei ona faatino a tatou galuega fai i tupe o lo o faamatuu mai i aiaiga mama po o tupe faameaalofa. O i latou ia ia e aafia ai i le mea lea, o le Faletupe o Asia, o le Faletupe o le Lalolagi, o le European Investment Bank ma le EU. O le EU lava ia e tele lava e 100% le grant ona o le water sector. O lea lava la e aumai ma o lea foi ua faagasolo i le masina lenei le polokalame o le EDF11.

23 JANUARI 2014

Tulafono Tau Faaofi o le Faatatauina o Tupe Faapoopo (Nu.1)
2013/2014 – felafolafolaiga faasuaui i luga o le faitaunga faalua

O lea foi ua faagasolo ai le saunilunia o polokalame mo suava'i o nuu i tua ma o lea foi e faaitino ai polokalame o suava'i tumaoti o afoaga i tua. O le mea lena ou te liloa e taua tele mo le faatupeina o a tatou Tala o Tupe ma le faatupeina o a tatou atinae e mafua mai i mea nei.

Na fesili foi le sui usufono mamalu mo Vaisigano Nu.1 i le tulaga i lafoga ua le silitia, a o lea foi na silasila i le isi vaega o lea na fai mai e fesoasani VAGST i le faatupeina o le tatou Tala Faapoopo o le Tupe. I le tulaga lava ia i lafoga po o lafoga a tagata taitoatasi fotogi lafoga po o lafoga foi nei e taua nei o VAGST, e leai se faamoemoe o le Malo e pei lava foi ona faamalamalama atu i le lauga o le Tala Faatatau Faapoopo (Nu.1) o le Tupe, e leai se faafuaga a le Malo e silitia ai ni lafoga e aofia ai mea e lua. O le mea lea e taua i lalo, o le VAGST lea e fesoasani i le tatou Tala o le Tupe lea e fai nei, na o le VAGST lava o tupe faapoopo i manaoga o Matagaluega ma Faalapotopotoga o lo o taua i totonu o le paketi po o le budget. O lona uiga e leai la se isi mea i tua atu i tupe ia ua faamatu i Matagaluega e ave foi i ai pe charge i ai le VAGST e 15%. O le mea tonu lena lau Afoga i le sui usufono mamalu mo Vaisigano Nu.1, o le faamalamalama lena o le mataupu lea, ai po o le le lelei tele o le faa-Samoa a au nei ua mafua ai ona le manino lelei lefaa-Samoa, a o la e manino lelei lava i le faa-Peretania.

FOROGA FETALAI: Malie lau Afoga i le Ministia, sei tulai mai le sui usufono mamalu leaga na lavea i lana saunoaga.

Tulai mai le sui usufono mo Vaisigano Nu.1.

Afoga Tufuga Gatoaleata Faitua (Vaisigano Nu.1): Lau Afoga i le Fofoga Fetala'i, e leai se agaga e faalavelaveina le saunoaga matagofie a le Afoga i le Ministia o Tupe, ae ou te manatu o le sese o lou manatu i le faa-Samoa ina o le faapatalagi. O le faapatalagi lea e i ai lea e fai mai, "Government does not propose to implement any new revenue measures" e supplement ai le budget lea. O le faa-Samoa lea e sau, "E leai se faafuaga a le Malo e silitia lafoga," ae faafetai la o lea ua ou liloa nei e sese lou manatu ae faafetai i lau Afoga i le Ministia o lea ua ou malamalama. O lona uiga ou te le alu foi la i se pepa e fai ai lou le malamalama ona o lea ua ou malamalama i lana folasaga.

E fai pei foi ia o le Tala Aua o le Tupe i le folasaga a le Afoga i le Ministia i le faatupeina o le Tala o le Tupe lea na tatou pasia, e faatupe le mea lena i services foi ia a le Malo e identity e le Malo mo nai Matagaluega e faatupe ai nai a latou services, a o le mea na tupu o le au le malamalama foi e pei o au, ua uma ona pasia le Tala o le Tupe Aua, ae toe o toe ave i le pepa na televise, ae ou te manatu o le a le faaloaloa se mataupu aua e leai se isi na lagaina lea mataupu. Faafetai i lau Afoga i le Fofoga o le Fono ma le Ministia o Tupe mo le faamalamalamaina o lou le malamalama, faafetai.

Tulafono Tau Faaofi o le Faatautaina o Tupe Faaopoopo (Nu.1)
2013/2014 – felafolafoaiga faaauu i luga o le faitauga faalua

FOFOGA FETALAI: E le masani sui usufono o Salafai ona oso i luga i le televise Tufuga, ia maua pea le malamalama i taimi e fai ai a tatou Fonon, sei vagana ai le sui usufono mo Gagaemauga Nu.2 lea e masani ona alu i luga i le televise.

Tulai mai lau Afioga i le Minisita o Tupe e faaauu le saunoaga.

Afioga Hon FAUMUINA TIATIA FAAOLATANE LIUGA: Lau Afioga i le Fofoga Fetalai, ona ou see mai lea i le mea sa talosaga i ai le sui usufono mamalu mo Falealupo e tatau ona ou faamanino le tulaga i mea foi nei o SOEs a le Malo ma a latou tupe mama ma tupe e totogi mai i le Malo.

Lau Afioga i le Fofoga Fetalai, e tusa e 16 Faalapotopotoga Tumaoti a le Malo e i lalo o le vaega lea e tau o Faalapotopotoga o Fefaatauaiga. E i ai foi isi faalapotopotoga ia e taua o Faalapotopotoga Soosootauu e galulue faatasi ma le community e tai pei o le Insurance ae faapena foi i le NPF, ae i ai foi ma isi organisations pe lima e tau o Faalapotopotoga o Faamanuiaga. E le apalai la mea ia o tupe po o dividends ia e fuafua e aumai i le Malo i Faalapotopotoga ia mulimuli e pei o le Faalapotopotoga Soosootauu ma Faalapotopotoga mo Faamanuiaga mo le lautele o le atunuu, ona o a latou foi matafai, ma e exempt le vaega lena mai le totogiina o lafoga ma le totogiina foi o le VAGST e faapea foi dividends. A o Faalapotopotoga ia e 16, o i latou ia e galulue faapisinisi e saili ni seleni e faatino ai a latou matafai ma maua ai ni tupe mama po o tupe faasili e fesoasoani ai i le atinaeina o a latou faalapotopotoga po o le fesoasoani foi i Tala o Tupe a le Malo.

I le amataga la, o le vaega foi o le Faleoloa o Faatoaga. I le tausaga faaletupe 2009/2010 e leai se tupe mama, e leai foi se tupe na aumaia i le Malo. I le 2010 e oo mai i le 2011 i le tausaga faaletupe lea e tatau ona maua ai tupe faasili, e \$234,484, o le estimate lena ae le i faailoa mai pe na ausia pe leai. O le tausaga faaletupe 2011/2012 e \$234,484 o le amount lava lea o lea na estimate e ono mafai ona maua.

O le Development Bank i le tausaga faaletupe lava lea 2009/2010, e leai se mea na maua. O lona uiga e le i ai se tupe mama. O le 2010/2011 e \$162,663 le protection estimate, a o le actual lea na i ai e \$162,664 sa i ai. O lona uiga o lena na maua le tupe mama i le tausaga 2010/2011. O le 2011/2012, e leai se mea na i ai. O le 2012/2013 e leai foi se mea na i ai.

O le Land Transport Authority. O le 2009/2010, e leai se mea na i ai. O le 2010/2011 o le estimate na aumai e \$2,337,616 le estimate, o le actual e leai se mea o i ai. O le 2011/2012, e leai se estimate e leai foi se actual ma e faapena foi i le 2012/2013.

Ona ou oo mai lea i le Polenisia...

FOFOGA FETALAI: Ou te vaelupeina le saunoaga a lau Afioga i le Minisita ona ua tatou taunuu i lo tatou taimi malolo.

23 IANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faifauga faafua

O le a toe faaauaaina le tali a lau Afoga i le Minisita o Tupe pe a tatou talu mai i le tatou malologa masani o le afaafi nei.

Ou te faasilasila atu o le a faataatia ese Taulumaga a le Fono Aoa mo lana malologa masani o lenei afaafi.

Na faatatia ese Taulumaga a le Fono Aoa mo lana malologa masani i le itula e 4.45 i le afaafi ma toe faaauau i le itula e 5.25 i le afaafi.

FOFOGA FETALAI: Ou te faasilasila atu ua toe amatatia nei Taulumaga a le Fono Aoa Faitulafono.

Malo le onosani malo le faamalolosi i lo tatou Maota i lenei vaega o le afaafi. E talitonu o lea ua tatou tannu mai i le vaega mulimuli o le fonotaga. E i ai lava le agaga ia maea ma pasia nei le tatou Tala Faaopoopo o le Tupe i lenei afaafi. E manatu foi ua maua lo outou faasiliga malosi faafetai i le Atua i kalasia ua foi. E faamalulu atu foi i le taumatai atu a le Ofisa, e auau lava maa ona o le fuafuaina o tupe e tuuina mai e le Afoga i le Minisita o Tupe, a o le agaga ma le faamoemoe e fia faimea lelei aua le taliga o la outou sua. E ul i lea, o lo o tatou faagasolo pea i tulaga e pei ona faatulagaina.

E fai le tatou malologa e pei ona silafia i le faafofoga a le atunuu o lo o tutei saunooa le Afoga i le Minisita o Tupe. O le mea lea, tulai mai lau Afoga i le Minisita o Tupe e faaauau le tali mai.

Afoga Hon FAUMUINA TIATIA FAAOLATANE LUGA: Faafetai i lau Afoga i le Fofoga Fetalai, faafetai ua sao i alo se faamalosi tino a le paita ma le mamalu o lenei Palamene.

Lau Afoga i le Fofoga Fetalai, e faia le malologa ua oo lau tolaulanga o SOE i le Public Trust Office. O lea la ua i le Samoa Airport Authority. O le 2009/2010 - 2012/2013, e leai se tupe sa fuafua ma e leai foi se tupe sa totogina mai.

O le Samoa Housing Corporation i le tausaga 2009/2010 e \$193,179 le tupe faagaga, ae e le i ai se dividend na totogi mai. E faapena foi i le 2010/2011 e \$195,395, ae \$310,610 tupe sa totogi mai. E faapena foi i le tausaga 2011/2012 e \$195,395 na fuafua, ae na totogi mai le \$394,348. O lo o fuafua foi mo le tausaga faaletupe 2012/2013 e \$198,153. I le talanooa atu i le Taitifono ma le CEO, o lo o ua tuuina atu le totogi o le tausaga lea i le Matagaluega o Tupe.

O le Samoa Land Corporation sa fuafua le \$86,540, e le i ai se dividend na totogia i le 2009/2010. E le i ai se tupe na fuafuaina mo le 2010/2011 ma e le i ai foi se dividend na totogi mai. O le tausaga 2011/2012 e \$162,970 sa fuafua, na totogina mai le \$162,970. O le tausaga 2012/2013 e le i ai se mea ua faaauaina.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

O le Port Authority sa tuuina mai le tupe fuafua e \$43,519, a o lea na faamaaina le dividend na totogiina mai e \$79,909. Ua fuafua foi le \$102,766 i le 2010/2011 ae e le i tuuina maia se tupe na totogi mai i le tausaga lea 2010/2011.

O le 2011/2012 e le i i ai se tupe na fuafuaina ae na totogi mai le dividend e \$118,490. E le i i ai ni faamaumanga mo tupe maua mo le 2012/2013.

O le Samoa Post e \$297,764.50, o le tupe na totogi mai e \$192,369, a o le tausaga 2010/2011 e \$188,831 na fuafua, ae \$205,396 le tupe na totogi mai. O le 2011/2012 e \$88,831 o le tupe foi lena o lea na totogi mai e le Samoa Post. I le tausaga 2012/2013 e \$196,205, tupe na totogi mai e \$155,570.

O le Samoa Shipping Services e leai se mea o faamauina mai le 2009 e oo atu i le tausaga 2013.

I le Samoa Tel: o le tupe sa fuafua mo le tausaga faaletupe 2009/2010 e \$2,113,867, o le tupe na totogi e \$1,727,646. O le tausaga faaletupe 2010/2011 e \$180,928, tupe na totogi mai e \$5miliona. O le tausaga faaletupe 2011/2012 o le tupe na fuafua e \$2,161, 212, o le tupe na totogi e \$5miliona. E leai se tupe na totogi mai pe na fuafua mo le tausaga 2012/2013.

O le Samoa Trust Estates: mai le tausaga 2009/2013, e le i ai se tupe na fuafua e totogi mai. E faapena foi i le Samoa Water Authority, e leai foi ni tupe na fuafuaina ma e leai foi ni tupe na totogi mai i tausaga faaletupe e fa e pei ona tuuina atu i luga.

O le Virgin Samoa i le faiga paaga a le Malo ma le Virgin Samoa e leai se tupe na fuafuaina i le tausaga 2009/2010, a o le dividend na totogi mai e \$8,698,664.80. E leai se tupe na totogia i le tausaga faaletupe na sosoo ai, ae e i ai tupe fuafua i le tausaga 2012/2013. O le tupe fuafua e \$578,155, o tupe na maua pe na totogi e \$890,196.

O le faamatalaga lea e tuuina atu e tali atu ai i le finagalo na faaalua e le sui usufono mamalu mo Falealupo.

FOFOGA FETALAI: Faafetai i le tali malamalama a lau Afioga i le Minisita. O lo o i ai le sui usufono mamalu o lo o tulai mai.

Tulai mai lau Afioga i le sui usufono mo Falealupo.

Afioga Hon Aeau Peniamina Leavaiseta: Faafetai lava mo le avanoa, e faafetai foi i lau Afioga i le Minisita o Tupe mo le faamalalamamaga.

O le mea muamua, e pei e le uniform le system. E i ai le mea lea e tau mai ai e no protection. Aisea? E leai foi se tali mai pe a leai se protection.

E le uniform le system pe alu ai lava faapea le system?

O Iona lua, se i silasila ane lava i le SLC i le 2009/2010? O le taimi tonu lava lea o la e tele tupe po o le leai foi o se tupe a o lena e leai se protection. O le sao lea?

23 JANUARI 2014

Tulafono Tau Faaofii o le Faatatauina o Tupe Faaopoopo (Nu.1)
2013/2014 – felafolafolaiga faaauau i Iuga o le faitauga faalua

FOFOGA FETALAI: O lea ua maua atu le fesili a le sui usufono. E manatu ua manino ma malamalama le folasaga e tali ai le fesili e uiga i SOE i le faatupeina o a tatau Tala o Tupe, ae manaita le faasolo mai pea o tali a le Minisita ona faasolo mai ai lea o le Malo mo le tali mai.
Tulai mai lau Afoga i le Minisita o Tupe.

Afoga Hon FAUMUINA TIATIA FAAOLATANE LIUGA: O lea ua uma ona ou tali atu ma ou te le toe foi i tua aua o lea ua uma ona ou faamatala atu. E le i fesili le sui usufono i le system, ae na fesili ou te aumai se lipoti o faamaumanga.

Lau Afoga i le Fofoga Fetalai, ona ou oo mai lea i le....

Afoga Hon Acau Peniamina Leavaiseta: Lau Afoga i le Fofoga Fetalai, ona faauma atu ai lea i le itu lea ona e sao le Afoga i le Minisita. Ona pau lava lea o le itu e fia faamalamalama i le mataupu lea, silasila foi o isi tausaga o le tele ia o tupe, a o isi tausaga o le matua leai lava ma se mea. Its interesting, ae ua lava lea.

FOFOGA FETALAI: O lea ua maua le finagalo o le sui usufono. Sei tulai mai le Taitaifono o le Komiti o Tupe Maua ma Tupe Totogi.

Susuga Hon Papalitele Niko Lee Hang (Palota Taitotasi): Lau Afoga i le Fofoga Fetalai, faafetai lava i le avanoa.

Sa taua foi i lau lauga le tulaga lea i a tatau Faalapotopotoga Tumaoti ona o le taua o mea ia sa laga aua se fesosoani mai i le faatupeina o a tatau Tala o Tupe e pei o mea ia o dividends. Faafetai foi i lau Afoga i le Minisita o lea ua e saunua i le tulaga faalauaitete i tulaga ia e maua mai i a tatau Faalapotopotoga Tumaoti i tausaga ia ua tuana'i, a o le tulaga lea ou te toe tulai atu ai ma le agaga faalaloalo ona e matau atu o le tele ia o a tatau Faalapotopotoga Tumaoti, a o le tupe lea e i totonu o le Tala o le Tupe lea e fuafuaina e maua mai i mea ia o dividends e \$870,000+. E manatu ona o le tulaga foi lea o tupe fuafuaina ae sa faaalua i le taimi sa faatalanoaina ai le Tala o le Tupe, pe na o le tolu i le fa Faalapotopotoga tumaoti ia e mafai ona maua mai ai le vaegatupe lea. O lea ia na ou laga ananafi le tulaga i le faafocina o a tatau Faalapotopotoga ia, ina ia unuaia isi Faalapotopotoga ina ia fai se latou sao i Tala o Tupe i tulaga ia.

O le isi itu lau Afoga i le Fofoga Fetalai, i le tulaga lava o le Imanaitaiina o a tatau Faalapotopotoga nei i le Public Bodies Act, o lea e i le Tulafono e tatau ona tuuina mai Lipoti Faaletausaga i tausaga uma. O lou taitonuga a uma loa ona sue tusi se Faalapotopotoga e le Pule ma Suetusi Sili, o lo o i ai foi la taimi faatapulaa e tatau ona tuuina mai ai Lipoti ia i totonu o le Palemene.

Tulafono Tau Faaofi o le Faataatuaina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Aua ou te talitonu na o le pau ia o Lipoti e mafai ona silafia ai e lau Afoga i le Fofoga Fetalai ma le mamalu o le Palemene tulaga o lo o faafoe ai a tatou Faalapotopotoga Tumaoti, ae faanoanoa lava le taofi ona o le Faalapotopotoga lea a le SLC.

Sa tapa e le Komiti le Pulega i le tausaga lea a faatalanoaina le Tala o le Tupe ina ia tuuina mai Lipoti ia e amata mai lava i le tausaga 2006 sei tau mai i le tausaga 2012 i totonu o le Palemene. E faanoanoa la se taofi ona e le amanaiaina mai e le Pulega le tuualalo atu a le Komiti, aemaise foi le le tausisia o Tulafono o lo o taitaiina ai le....

FOFOGA FETALAI: Malie le Taitaifono, sei tulai mai le Afoga i le Palemia.

Susuga Hon Tuilaepa Fatialofa Lufesoliai Aiono Neioti Sailele Malielegaai: O Faalapotopotoga uma lava nei lea e i ai le faiga faavae fou lea a le Malo e faataoto atu taiala ina ia mulimuli ai. E i ai lava Faalapotopotoga e pei o le Faalapotopotoga o Vaa e profitable lava latou, ae i ai isi e faigata foi ona ausia tulaga ia, o lea la e tuu avanoa i ai le Malo. O le faiga faavae lea, e le o se faiga faavae e iloa e le Malo e mafai ona tausisia e Faalapotopotoga uma, a lea e faataoto atu o se luitau.

O le mafuaaga lea na ala ai ona tupu ae le manatu o le Malo e aveese uma lava Taitaifono. E malamalama lelei i ai le Taitaifono o le Komiti o Tupe Maua ma Tupe Totogi i le mea lea. E aveese uma lava Minisita ma CEOs ina ia tuu atu le faagaioiga o Faalapotopotoga nei i tua i tagata faipisinisi ina ia faaaga i ai lo latou tomai.

O le mea la lea na ou taua ananafi, le reform tele lea na ou fautuaina ai lau Kapeneta. O le taimi lea a Minisita o Tupe le Afoga i le Taitaifono. Sa ou manatu e faatino le mea lea ia Iulai o le 2010, ona fautuaina lea e a pe a tuu ia Tesema ona ou toe lea i ai i le tulaga foi lele o le tagata e fautuaina o se tagata e le faamaualuga. E le faapea na o ia lava e atamai, ae tatau foi ona fai ma faalogo foi i le tuualalo a lana vaega. O lea la na oo foi ia Tesema ou fai atu foi lea o le a faagasolo, ae toe aumai foi le latou tuualalo, ae a pe a e malie o lea e le o toe mamao le faiga palota ona omai ai loa lea o le vaega fou faatino loa ma faasalalau loa, o lea la e faagasolo ai nei?

O le faiga tonu lava lena na ala ai ona sui atoa ina ia aumai mafaufauga o tagata ia i tua aua o tagata foi ua masani i le faagaioiga o pisinisi. O le mea la e fai, e le o se mea fou le mea lea o le onosai. E le faapea a fai ona tino mai loa lea. O le tagata e i ai le mafaufaul lena, o le tagata lena o la e ola i luga i le Parataiso. O lea tatou te i lalo i le lalolagi ma e tele lava mea e tutupu ai.

O le a ou tau atua la le isi mea lea i le SLC o le o atu e ao mai lisi ae talosaga mai e faamolemole sei alofa atu ua le lava tupe e totogi ai lisi. O le a la le faiga e fai i ai? E lua lava faiga, o le tuuavanoa i ai poo le tamotu loa o lisi.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – fetalofalafoaiga faaanau i luga o le faitauga faatua

O faiga ia a tatou e masani ai, e le tutusa le mea lea ma le mea o le fai o lou faleoloa e faatau ai apa eleti, pai ma koko Samoa. E polofiti lava aua a lelei ona fai e polofiti lava i aso uma, a o lea e te deal ma tagata. O le a la le faiga e fai i nei? O le Faigamalo e fetalai, e tuuavanao sei faagotoi le system. E le faapea e fai atu loa tasi, lua, ona lelei loa lea. E tuuavanao poo le tolu, fa, lima tausaga ona faatoa tino mal lea. O le mea la lea na ou fai atu ai i le Taitaifono sa Minista o Tupe i le anoano o au foi mea e lei faatinoina, ae le faapea o lou see mai loa i ina ona e faapea loa lea e te faasinoino lima i le isi. E te iloa le Afoga a le Alii, “Aua e te faamasino atu aua e faamasinoina ai oe, aua e te tausolomua ona eueu le utupoto i le mata o le isi, ae sei e vaai foi oe i le utupoto lena e i lou mata. E te manao e fai e isi tagata ia te oe e pei ona e fai foi isi tagata e pei ona e manao e fai e isi ia te oe.”

Lau Afoga i le Fofoga Fetalai, i le faatinoga o galuega uma lava nei, e faatino i luga o le tulaga e i ai le uta fetalai. O le uta lena a le potu, fetalai. Ao lea tatou te i le lalotagi lenel e tele ai le gosa e faafaagai ma i tatou. Lau Afoga i le Fofoga Fetalai, ia o si au fesosoani atu lena i le mataupu lenel, aua o lea e pisa ai lava, pisa ai lava, ae sa e saofai ai i i, na faapefa? Lau Afoga i le Fofoga Fetalai, o le tulaga lena e tau ina ou faapena atu.

FOFOGA FETALAI: Faafetai i lau Afoga i le Palenia mo le faamalamalama manino. Malie le sui usufono mo Falealupo, sei tulai mai le Afoga i le Taitaifono o le Komiti o Tupe Maua ma Tupe Totogi.

Susuga Hon Papalithele Niko Lee Hang: Lau Afoga i le Fofoga Fetalai, faafetai mo le avanoa. E muamua lava ona faamalulu atu i lau Afoga i le Palenia ona o le tuuaiga lea o lou nei tagata i le le faatinoina o ni galuega sa faagai ai a o ou Minista. O la e sifafia e le Atua le tulaga sa faatinoina ai lau galuega, e lei faia faapaole, ae sa mulimullitai lava i le faiga e tatou ona faatino ai. A o i ai foi la se lape, e faamalulu atu i lau Afoga. Na pau lava le mea lea e fia tuiloina lau Afoga i le Fofoga Fetalai, ona o le tatou faiga faavae ma Tulafono, i mea lava ia o....

FOFOGA FETALAI: Malie lau Afoga i le Taitaifono o le Komiti o Tupe Maua ma Tupe Totogi sei tulai mai le Afoga i le Palenia.

Susuga Hon Tuilaepa Fatilofa Lugesotial Aiono Neioti Salielle Malielegaoi: Lau Afoga i le Fofoga Fetalai, ou te lei fai atu e taofi, leai ou te lei fai atu e taofi. A foi o le mea lea na ala ai ou fai atu e fai le reform lea, ia unuai mea ia e faatino a o lea foi ou te iloa, o le tele ia o tulaga faigata o lea e faafaagai ma CEOs, tele. E i ai foi isi o latou ia na filifili atu, o tagata lelei o le private sector. Ae o atu foi i totonu, e i ai foi o latou faaletonu.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

Ia tasi lena mea, e i ai foi isi tagata ia sa filifili atu, tagata ia e omai mai tua lea sa i ai le agaga o le a lelei atoatoa, ae o atu foi e i ai foi tagata e faaletonu. O lea tatou te i lalolagi leneci lau Afioga i le Fofoga Fetalai an imperfect world, le mea o loo i ai le lelei ma le leaga lea e mafua ai le isi Faataoto a lo tatou Alii, “E tupulua le saito ma le titania.” E le mafai ona e maua le selau pasene, a o mea ia o lea tatou te taumafai i ai e fai. O lea tatou te taumafai uma e fai. E le faapea la o lou taumafai mai i le taimi lenei ae fai atu se isi e taofi, e leai, o mea ia e tatau ona tatou faia, a o le foi e i ai faafitauli e faafeagai o lea e fofu malie e le Minisita. Aua na o le pau lava le mea o le liliu atu loa tutuli uma. O le tasi lena fofu, o le tutuli uma, ona faapefea lea? Ona e see mai lea i le falai i le afi. Ae mafai ona aoao le tagata ina ia lelei, a faaletonu i le aso, lelei taecao.

FOFOGA FETALAI: Malo faafetai. E manatu ua manino ma malamalama le mataupu lau Afioga i le Taitaifono o le Komiti o Tupe Maua ma Tupe Totogi.

Susuga Hon Papaliitele Niko Lee Hang: Lau Afioga i le Fofoga Fetalai pe maua se avanoa faamolemole.

FOFOGA FETALAI: Ia, o le a tuu atu le avanoa mulimuli lea, ou te manatu ua manino le folasaga a le Palemia.

Susuga Hon Papaliitele Niko Lee Hang: Faafetai o lea ua manino, ae tasi lava si mataupu lea e faigofie lava, o lea foi ua manino le saunoaga a le Afioga i le Palemia, ma e le fia finauina foi e lou nei tagata faatauva. O le mea lea e fia tuuina atu lau Afioga, o le le tausisia o faiga faavae lea e i lalo o le Tulafono o le Public Bodies Act. O le mea lea tau le tuuina atu e faigofie lava, a o le fesili, aisea ua taofi mau ai e lenei Faalapotopotoga lipoti ia e tatau ona tuuina mai i le Palemene, na pau lava lena. Ma le faaaloalo lava.

FOFOGA FETALAI: Malo faafetai. O le a i ai se taimi ona tali manino lea o le Afioga i le Minisita e ala i le Matagaluega lea.

Malie lau Afioga i le Minisita, e i ai se isi mea le sui usufono mo Falealupo?

Afioga Hon Acau Peniamina Leavaiseeta: Sei uma atu si vevesi lea ona ou nofo lea i lalo, a o lea la faatoa ou maua nei le iuga o le saunoaga a le... i le mafuaaga ua ala ai ona motu, lea na ou fai atu i ai e leai se system, ae lefitia lava la, o lea e i ai le system. A lea na saunoa nei le Afioga i le Palemia, e le faapea e fai atu loa lelei, no, no. E sese.

Silasila foi lau Afioga i le Fofoga Fetalai, sa sologa lelei mai lava. O le SLC lea ou te fai atu ai, lelei uma mai lava mea, ae oo mai i le tausaga lea e leai se projections.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – fetafolafoaiga faaauau i luga o le faitaunga faalua

A o le mea lea, leaga sa ou i ai i le mea lea ma ou lloa lelei, o le tele ia o le seleni, e te i lava ua leai, leai ma se tupe, a o lea la e mafua mai i i le... E i ai mafuaaga, e i ai mafuaaga na ala ai ona leiloa...

FOFOGA FETALAI: Ia, o lea ua maua le finagalo o le sui usufono, o lea o le a.... Ua maea lau tali manino lau Afoga i le Minisita, e manatu foi e le tatou ona toe aloa i tua le tatou sa. O lea ua saunua malamalama le Palemia, o le tali lena, o lea ua faataatia le reform lea ua i ai, tatou o i lena, ae leai se tatou mea e toe maua ua tea atuvasa ia na mafua ai lea e i ai faafitauli ma reforms na faia.

Tulai mai lau Afoga i le Minisita e tali mai.

Afoga Hon FAUMUINA TIATIA FAAOLATANE LUGA: Lau Afoga i le Fofoga Fetalai aemaise foi o sui usufono mamamu o le Palemene, faafetai atu o lea ua tali manino le Afoga i le Palemia. O Lipoti ia e pei ona taua e le Afoga i le Taitaifono, o Lipoti faatoa oo atu ia te au le faamatataga e siaki atu, ua leva lava ona uma ona fai le Lipoti. Ou te iloa o le mea sili e confirm ai dates o Lipoti, o aso o tusi a le Okta. Ua misplace e le aufaigaluega, ona le mafai ai lea faatoa mafai ona maua ina ua saili atoatoa le latou record room, ae na faaitino uma lava Lipoti na i le 2006 e tau mai lava i le Lipoti lea e lei tannuu mai.

Ma lou faaloalo lava.

FOFOGA FETALAI: Tulai mai lau Afoga i le Palemia.

Susuga Hon Tuilaepa Fatialofa Lupesolilai Aiono Neiotti Saliete Malleleagoi: Lau Afoga i le Fofoga Fetalai, o le matou fonotaga a le Kapeneta i le vaiaso le la ua tea sa faataoto atu ai le pepa e lloa uma ai lava Faalapotopotoga ma Matagaluega ma tausaga o Lipoti ua fai ma tausaga ua oo ai a latou tala o le tupe e audit. O le tele lava la o Faalapotopotoga a le tatou Malo lea ua meet le target lea, o le tele lena aua o lea ua fai ma lipoti mai, ona o lea foi e aloaia ma faatau e le Kapeneta le galuega lea a le Komiti. O le mea la lea o lea e ala ai ona taua ia te ua le taimi lenel, o lea ua address mai e le Kapeneta tulaga la ma faatau le itu o le iloagofie ai o le Matagaluega ua tuai le latou Lipoti ona fai loa lea o le faaiuga i ai, e aofia uma ai ma Faalapotopotoga. Ma o lau vaai lata mai nei, e le o toe tele ni Faalapotopotoga o la e in arrear a latou faamatalaga o tupe ma Lipoti o tausaga, o le tele lava o la e ua uma ona tapena ma audit.

Lau Afoga i le Fofoga Fetalai, o se tali atu lena, ma o le tala faafa foi lena i le Komiti ma le Taitaifono, lea o loo saunua i le faatau o mea ia, ina ne i t e i ua manatu e le o amanaia, o lea e aveva ma mataupu tauave a le Kapeneta.

Tulafono Tau Faaofi o le Faataatuuina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

FOFOGA FETALAI: Malo faafetai. Ua saunoo manino le Afioga i le Palemia i le atugaluga o le Komiti.
Ia malie lau Afioga i le Minisita o Tupe, sei tuu atu le avanoa i se tasi o sui usufono o le Komiti o Tupe Maua ma Tupe Totogi.
Tulai mai le sui usufono mo Falelatai ma Samatau.

Afioga Taefu Lemi: Lau Afioga i le Fofoga Fetalai, e maitau lava ma le totoa i saunoaga o lenei afiafi. Ou te lagona o lea e tau fefiloi laitiiti lava a tatou mataupu, e maioio lava Lipoti, ma o isi saunoaga ia e talanoa i Annual Report, e i ai lava le Lipoti o lena e address ai le issue lena. O lau foi la fautuaga i le Maota, tatou talia lea Lipoti, a o le talosaga i lau Afioga, ia sei silasila ane i na Lipoti.
Ma lou faaaloalo lava.

FOFOGA FETALAI: Ia, o lea ua maua le finagalo o le sui usufono, o le ala foi lena o le taumafai o le Fofoga Fetalai e toso mai i le moa o le ala e tatou mataupu. E saolele le saunoaga, o lea ua maua atu, ae ona o lea e aafia i Lipoti taitasi a Matagaluega, o le ala lea o le taumafai e faamanino, ae ua manino. O lea ua tali le Malo ma faiga faavae ma mea ua agai i ai, ma ua manatu o le a taatia i lagatonu o lea ua faaiuu mai le tali a le Afioga i le Minisita.

O le a se isi mea lau Afioga i le Taitai o le Itu Agai?

Afioga Hon Palusalue Faapo II: Lau Afioga i le Fofoga Fetalai, faamotemole lava, e leai, e lagona lava le faanoanoa i lenei afiafi vacatu lau Afioga ma le mamalu o le Maota, aemaise lava i le taumafai mai o le Afioga i le Taitaifono o lenei Komiti e faamalamalama nai mea ia. A o le faanoanoaga o lou taofi i lau Afioga i le Palemia, o lau Afioga sa... ona e lagolago e le Komiti le Taitaifono.

Susuga Hon Tuilaepa Fatialofa Lupesoliai Aiono Neioti Sailele Malielegaoi: Lau Afioga i le Fofoga Fetalai, ou te le iloa poo le a tonu le mea lea e tulai mai ai le Taitai o le Itu Agai.

FOFOGA FETALAI: Lau Afioga i le Taitai o le Itu Agai, o le ala lea o lou taumafai atu, o lea ua uma ona saunoo le Afioga i le Palemia i le atugaluga o le Taitaifono. A o lea na tuu aloaia mai le pepa a le Kapeneta i le lua vaiaso talu ai e faamanino ai le tulaga lea o le faamalalosia o Faalapotopotoga ma itutino o le Malo ia tuuina mai a latou Annual Reports on time.

O le atugaluga lena sa saunoo i ai le Taitaifono ona o ni mataupu sa tautalagia i nisi o suesuega a le Komiti e lei atoatoa ona tuuina mai e Ofisa Sili o Pulega.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaanau i luga o le faitauga faalua

O lea la ua tali mulimuli nei le Afioaga i le Palemia, o lea ua faataatia le alafua, la tatou onosai laia ma talia lupo o mau, o le a tulaga e tulai mai se i run le system ma le reform lea ua faataatia e le Malo, ona tatou toe tiloililo lea. Ua tali le atugaluga lea sa i ai la outou Komiti o Tupe Maua ma Tupe Totogi.

Tulai maia lau Afioaga i le Minisita o Tupe.

Afioaga Hon FAUMUINA TIATIA FAAOLIATANE LIUGA: Lau Afioaga i le Fofoga Fetalai, e pei o le mea lea e saunao i ai le Afioaga i le Palemia i le faatulagaga o le faiga o Lipoti, ona o le Minisita o Tupe o le Shareholding Minister o SOE, o lea e amatamea. O le mea foi lena sa tatou ona fai e le Taitaifono o le Komiti o Tupe Maua ma Tupe Totogi i le taimi na i ai, e lei faia. O lea la ua ou fesoasoani i Minisita o loo i ai SOEs ia aumai a latou Lipoti, e faapena foi le involve o lou ofisa i le screen ina o Lipoti ma tuuina atu i le Matagaluga o Tupe ina ua uma ona fai le audit.

FOFOGA FETALAI: Malie lau Afioaga, sei tulai mai le Taitaifono o le Komiti o Tupe Maua ma Tupe Totogi.

Susuga Hon Papalitelele Niko Lee Hang: Lau Afioaga i le Fofoga Fetalai, e le fia faalavelaveina le saunoaga matagofe a le Afioaga i le Minisita, ae pau lava o lea ona o lea e tau lou tagata e lei faia le galuga. E faanoanoa tele lava lou tagata i nei ituaiga saunoaga faapea. O lea ua uma ona ou faamalamalama i le Afioaga i le Palemia le faatinoina o ou tute a o faagai ai.... O le mea lea na mafua mai lava o le Afioaga i le Minisita lea, aua o ia sa vaaia le Faalapotopotoga lea. Na ou iloaina foi le tulaga o le mea lea a o ou Minisita, sa ou logoina le sa faaululu i le Matagaluga e silasila ane i Lipoti ia aua e avatu lava avatu ai ma nisi mea foi ia... ona alu lava lea, ua leva se taimi e lei toe tuuina atu ni quarter Reports. O lea la ou te talanoa atu i le mea moni lava i lau Afioaga, a o lea la ua saunao le Minisita, sa ou le faatinoina leneci tulaga.

Ma lou faaalualo lava, e le moni lea saunoaga.

FOFOGA FETALAI: Ou te manatu e leai se faafinauga e faia, o lea foi ua saunao manino le Afioaga i le Palemia, o le galuga a le Kapeneta i fatia ua sola ma aso ua alo, e soo le fau ma je fau. O le a foi se galuga sa taumafai i ai le isi Minisita, e faapena foi ona tulai mai le isi Minisita faaanau. O a ni mea na lelei, faafetai i le Atua, o a foi ni mea sa faaletonu, o le auga lena o le tatou Fonotaga tatou te matimati ma fefasoaa. A o le tulaga ma le faamoemoega i le taumafai mai o manatu ma lagona o le Palemene, o le alofa atu lava i lau faasoa lau Afioaga i le Minisita o Tupe. O le agaga ma le faamoemoe ia profitable ma ia work lelei le system o lo o tauanau atu e le Komiti ina ia mafai ona faatupaina i le tatou Tala o Tupe. Ae manatu, tulai maia e faainu mai le saunoaga.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaaunu i luga o le faitauga faalua

Afioga Hon FAUMUINA TIATIA FAAOLATANE LIUGA: Faafetai i lau Afioga i le Fofoga Fetalai. O lena ua saunoa lau Afioga ua saunoa foi le Afioga i le Palemia. O le a ou le toe taua nisi vaega, o lena ua e saunoa e tatou te lafo ia i nuu le aina. O lea ua maea foi ona ou faamalamalama atu mataupu sa laga e faatatau lava i le Tala Faatatau Faaopoopo (Nu.1) o le Tupe 2013/2014.

Lau Afioga i le Fofoga Fetalai, e fia fai sina au upu laititi lava i si ou itumalo e faafetai ai i le latou tapuaiga, o Palauli le Falefa o le itumalo e pele i le agaga, Tapaau e Fa ma Faleupolu e fa, e faapea foi si ou nuu o Tafua i le Aufaigaluega Paia a le Atua i Ekalesia e fia i totonu o le itumalo. E faamanuia atu le tausaga foti, malo le tapuai, malo foi le tatalo. O le a faataunu pe a tiute fai o la outou auuana ina ia manuia ai Samoa i lona atinae ma lona tamaoaga.

Ou te fia faafetai foi i le Ofisa Sili o Pulega ma le Matagaluega o Tupe i le faatinoina pea o le latou tiute fai o le faasoasoina o seleni le auua a le tatou Malo ina ia tofusua a tatou atinae o loo ave i ai le faamuamua. Faafetai i la outou galuega fai i tausaga uma ma vai piriota e pei foi o lenei vai piriota. Faafetai foi i Ofisa Sili o Pulega ma le matou sector, faamalo le galulue, faafetai tautua. Le Failautusi o le Fono, faamalo. Le aufaigaluega, faafetai i la outou galuega fai, faafetai foi mo le tausiga o lenei Maota, i Ofisa Sili o Pulega ma Pule Sili, ia manuia le Fono. Soifua.

FOFOGA FETALAI: Malo faafetai saunoa i lau Afioga i le Minisita o Tupe. E talitonu foi le faamoemoe ua manino ma malamalama nisi o atugaluga na i ai i le taumafai atu o lauga a sui usufono. Aua foi le vaatele i lou finagalo. Lau Afioga i le Minisita o Tupe, o oe o le tagata o le Atua, ia mau pea le toovae ma ia fesoasoani le Alii ina ia maua pea le Atua tomanatu aua le fesoasoani i fita ma faigata o le galuega. E le faigofie le alatanu i le lumanai. O lelei ma faaletonu e lafo atu lava, ae leai se iota o le afu e matigi fua. Ou te talitonu foi o la e tapuaia le Alii i lou alofaiva ma le taumataiga o le Matagaluega, e faapena foi se manatu o le Taitaifono o le Komiti o Tupe Maua ma Tupe Totogi, aua o sui usufono na o le Palemene o loo lafo atu le tauau e fesoasoani atu i lau Matagaluega, o le Taitaifono ma le Komiti. E ui i lea, e tetele i Pesega ae matua i le oo, e le toe i ai ni avanoa o ni feinauaiga, pe tatou te soalaupule ma tatou faasoa i le mea e manuia ai le atunuu mo le lumanai. Ia, ua tatou taunuu mai i le Minisita mo Tupe Maua, o le Minisita o loo faatupeina le tatou Budget. Lau Afioga i le toe ulutaia o le Maota, tulai mai o lea ua avanoa le Maota mo lau saunoga, le Minisita mo Tupe Maua.

Tofa Hon TUILOMA LAMEKO (Minisita mo Tupe Maua): Faafetai atu i lau Afioga i le Fofoga Fetalai, e faatulou atu foi i le mamalu o le Maota i sui usufono o le Fono Aoaofaitulafono o lupe lava sa faia mai le fuifui, aua le lipoaina o upufai o le tatou Malo.

23 IANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 — felafolafoaiga faaanau i luga o le faifauga faalua

Ma e faatunou atu ai i paia ma mamalu o le Maota nei i lau Afoga i le Fofoga Felalai faapea le paia ma le mamalu o le Maota nei i a outou Afoga i Ministra Lagolago faapea foi sui usufono mamalu o le Palemene. O le a fai sina au faamatatalaga... o le tulaga o lauga uma sa fai i lenel aso, o lena e silafia lava e lei i ai lava se lauga e tasi e faatatau i le Matagaluega mo Tupe Maua. O lona uiga la ua ou faauigaina, pau lava lea o le Matagaluega e matua lelei atoatoa, aua e leai se isi na faia sana upu agai i ai. O lona uiga, o le Matagaluega maoge lea. O le mea la lea, e leai sau fala tele e faia, e pei ona ou fai atu aua o le Ministra e tu e tali atu i fesili ma gagana sa faafia e sui usufono o le Palemene.

Ae ou te fia talanoa puupuu lava i le tulaga o le Tala Faatatau Faaopoopo o le Tupe, aemaise le tamaoiga o le tatou atunuu. Ma ou te faafetai tele i le Ministra o Tupe faapea foi alii ma tamaifai ofisa o le Matagaluega o Tupe. E faapea foi ona ou faafetai atu i le matou Matagaluega, aua o le Budget, masalo o le 80 i le 90% o le tupe o le Budget, e ao e le Matagaluega mo Tupe Maua. O le faifaga la ia te au, o le a le tele o saunoga e faatatau i le Tala Faatatau Faaopoopo o le Tupe, a o lea ua tatou vaavaai, e tautala lava fuafuamera nei. O lo o tau mai ai i lenel Tala Faatatau Faaopoopo o le Tupe le agai i luma o le tamaoiga o le tatou atunuu. Masalo o le mea aupito sili lea ona taua, o lo o agai i luma le tamaoiga o le tatou atunuu. O le a le mea e hōa ai? O Samoa sa lava i le faavasegaina o atunuu o le lalolagi, sa lava i le vaega pito i lalo, sa lava Samoa i atunuu e mafai ona faapea e mauatalo le tamaoiga toe matitiva. A o le a le mea lea ua tatou vaai i ai? O le tali lena i lou manatu, o tamafaiga uma a le tatou Malo, ua see ese, ua le toe leaest developed, a ua amata ona tau o ... I lou manatu, ua lava le tala lena, pe fai ni faaupuga se fia, ua lava le tali lena. Aua o le tali lena e tali ai Malo uma o le lalolagi. O le a le isi mea o lea o le a fai mai le fonu i nei i Samoa? O le faifaga lena o lou sui usufono i le agai i luma o le tatou tamaoiga. Ma o fuafuga uma o lo o faia, afai e taualeia le Malo ma lana Tala o le Tupe i totonu o le lalolagi, o ai la e i ai? O oe ma au. E le faapea na o le Itu leni o lea e faafoeina galuega. O oe o le lupe na fala mai le fuifui e lipoi upufai o Malo. O le tatou mea faifa lena, o oe ma au, o i tatou na tofia e avea ma sui usufono e lipolina upufai o le Malo. Aua e leai nisi tagata, o Malo Aulfataasi lea e faia le fetuunaiga o atunuu nei ma le tamaoiga. E pei ona ou fai atu, o nisi mea latiti ia ou te fia talanoa i ai, o le tamaoiga o lo o faalagolago tele...

O le isi vaega taua o lo o i ai i le Tala Faatatau Faaopoopo o le Tupe, o le agai lea i le faavasegaina ina ia faamalositia a tatou faiga faavae, faamalositia le private sector, faamalositia. A lelei e lo o galulue i a latou galuega faapisinisi ma a mea uma, e lelei foi le tatou Malo. Ia le mamalu e o le Fono Aoso Fatulafono, e pei ona ou fai atu e leai ni mea tele na taua i le Tala Faatatau Faaopoopo o le Tupe e faatatau i le Matagaluega lenei, a o manatu na e faatatau i le Tala Faatatau Faaopoopo o le Tupe.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaiga faaauau i luga o le faitauga faalua

E tatau ona aveya ma o tatou mitamitaga, oe ma au, vaeatu le paia ma le mamalu o le Fono Aoa Fautulafono.

Ona ou faapea lea, sei ou see laitiiti mai lava i nai mea ia nei galo i le matou itumalo, aua ua uma foi le... Lau Afioaga, o Falealili, o le isi itumalo tele lenei, ma ou te iloa lava se isi itumalo na fai i ai se upu i le taimi o Malietoa na fai ai lana tala, “O fea sole e te sau ai?” O le tagata toa lea e igoa ia Manusamoa. O fea e te sau ai? Ou te sau mai Falepunaoa i Falealili, lea na fai ai le upu, “Se ua ta fia Falealili fua.” O Falealili la, o le isi lea itumalo iloga i mea tau... e fai o le tele, a o le tulaga i le faiga o mea tau le tamaoaga aemaise lava i mea tau faatoaga. O le mea la lea lau Afioaga i le Minisita mo Faatoaga, atoa ma le vaega uma o loo aofia i totonu o le tulaga o le atiaeina o le tamaoaga o le tatou atunuu, e aofia ai ma tagata tafafao, e toatele tagata tafafao i tua o loo aliali mai, ia tatou galulue faatasi e atiae le tulaga o tatou tagata tafafao aua le agai i luma o le tatou atunuu.

Lau Afioaga i le Fofoga Fetalai, ou te faafetai atu i lo matou itumalo o Falealili i le paia ia Alaalagafa ma le ia nofo a Tulafale, le Taugaeeseese ma upu ia Falealili ona o le galulue. E le mafai ona faatamala i le vaaiga o mea e fai atu ai le tatou Malo. Ae faafetai tele i le tatou itumalo i le tofiaina o au e aveya o se tasi o sui usufono o le tatou itumalo. Ona faapea lea o sau faamatalaga, o le a gata mai ai sau tala, e pei ona ou fai atu, e leai ni mea tele na laga i le Matagaluega mo Tupe Maua, o Iona uiga o le isi Matagaluega lelei lea. Ona ou faapenei atu at lea, ia manuia tele le Fono Aoa Fautulafono, ia sagai ane ai o le tai, o a foi ni a tatou talanoga, o le mea lea na tatou omai ai, tatou te talanoa ina ia tatou iloa o le a le mea e tatau ona faia mo le atiaeina o le tatou atunuu.

Ia manuia lau Afioaga i le Fofoga Fetalai, faapea foi le Palemia ma Minisita o le Kapeneta, ia manuia foi Minisita Lagolago aemaise o sui usufono, le mamalu o lena Itu o le tatou Malu, manaia le tulaga e i ai, toetiiti a lava le malosi o le tou Itu. E le i lava o lena e vaivai laitiiti lava.

Ia, o si au faamatalaga lea, ia manuia tele le tatou Palemene manuia Samoa o faafofoga mai ae ou ola i le alofa o le Atua. Ia soifua ma ia manuia.

FOFOGA FETALAI: Malo faafetai saunoa i lau Afioaga i le Minisita mo Tupe Maua. E talitonu o lea ua manino le mata o le vai ma ua toa le tai, o oe lava o le maafuagalu aua le taamilosaga o le sami ma le vasaloloa, le toe Ulutaia o le Maota aua le faafefoecina o upufai o Malo. Faafetai i lau Afioaga i le Minisita mo Tupe Maua, faafetai i lou sao taua, faafetai foi i lou soifua auaua i nei tausaga e tele sa e galue ai i le tatou Palemene, aemaise i le tautuaina o soo se Matagaluega. Mo lenei taimi, o lea ua e saofai tonu lava i le Matagaluega o loo fesoasoani tele lava i le tatou Kapeneta aua le faatupeina o le tatou Tala o le Tupe. O ou mama na, ia maua pea lou soifua manuia aua le feagai ai ma le faatinoga o tiute aemaise le Afioaga i le Ofisa Sili o Pulega ma le Matagaluega.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le fatianga faalua

Ua tatou oo mai i le Tamaitai e tasi o le Kapeneta lau Afoga i le Minista mo Faamasingoga ma Pulega Tau Faamasingoga, lau Afoga i le Sao Faapito. Ia tulai mata o lea ua avanoa le Maota mo le saunouga a le tatou Matagaluega.

Afoga Hon FIAME NAOMI MATAAFA (Minista mo Faamasingoga ma Pulega Tau Faamasingoga): Avea ia lenei avanoa ou te faatofa aloaia atu ai i lau Afoga i le Fofoga Fetalai ma le pala maualuga o le Maota i tofi sui usufono o itumalo. Ua tatou auaufaatasi foi ma Ofisa Sili o Pulega ma Pule Sili o Matagaluega ma Faalapotopotoga a le Malo, manuia lava le tausaga fou, malo le lagimama ma le soifua laulelei.

E fia pihama foi i nisi o saunouga ma fetalaiga i le viia o lo tatou Matari Sili i le taitai mai o lo outou soifua ma so tatou ola i lenei Fonotaga muamua o le 2014. Lau Afoga i le Fofoga Fetalai, e le tele nuaa ni mataupu na laga mai e sui usufono i le Matagaluega.

O le mataupu e uiga i le auanouga i le Faamasingoga, i le fia maua lea o ni...e fautuaina ni masini pueto ina ia faamaunautina ai le faagasologa o le Faamasingoga. Ou te fiafia lava e faali atu lau Afoga i le Fofoga Fetalai ma le mamalu o le Fono aemaise foi le sui usufono sa laga lenei mataupu, le sui usufono mo Faasaleleaga Nu. 4, o lea ua faagasolo nei le faapipiina o masini nei i totonu o tatou Faamasingoga, masalo a outou affio atu i ni a outou Faamasingoga aemaise o le Faamasingoga o Fanua ma Suafa, ua faapena ona tapena i ai le Matagaluega i lea foi auanouga ina ia tuihioa lava ia le faamaopoopoina o faamatatalaga aemaise foi o le faalagolago i ai o faaiuga fai ma le tuihioa o le amiotonu a le vasega o Faamasiino.

Sa laga e se tasi o sui usufono ia se faiga faavae faale-Tulafono i le tatou Faamasingoga foi lea o Fanua ma Suafa, i le mataupu lea o le Tautu Pepelo po o le fai o faamatatalaga pepelo, ioe, o le battery. Ou te manatu e tatau tele le mataupu o lo o laga e le tamaitai sui usufono mo Faasaleleaga Nu. 1, i le itu lava lea e le na o le faia o faamatatalaga pepelo, ae o le faatulai ona manino lea o faiga faavae faale-Faamasiinoga, aemaise lava le Faamasiinoga o Fanua ma Suafa ina ia tau tagatasi ai se vaaiaga faale-Tulafono ma iloa ai foi e le atunuu o lo o outovaa atu mo Faamasingoga i lea mataupu ma lea mataupu o lo o tasi se vaaiaga a le Faamasingoga i le faatinoga o ana faaiuga fai e ala lea i ni faiga faavae ua faatulaga mai, e pei la o mataupu lea i le faia o faamatatalaga pepelo po o le tautu pepelo.

E tele nisi mataupu faapena o lo o tulai mai – ma ou te manatu e le taumate o lo o faafogofoga foi ia le vasega o Faamasiinoga i le Taualumaga o a tatou Fonotaga, ma atonu o se isi auala lea e faaoo atu ai se leo i le atunuu, ana o lea ua saunou a outou Afoga o sui usufono mamalu o le atunuu o lo o tautatalagia nisi o faaifitauli o lo o faafeagai ma le atunuu i le oo mai i luma o le Faamasiinoga, ma le manaomia o ni faaiuga e aupito i sili ona lelei ma o lo o maua ai le amiotonu.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaauau i luga o le faitauga faalua

Ma o lo o faia i ni auala talafeagai le fesootaiga aua e malamalama lau Afioga i le Fofoga Fetalai ma le mamalu o lenei Palemene, i le tuumavaevae o vaega o Pulega e tolu o le tatou Faigamalo, ae i ai lava auala e mafai ona fesootai ai ma tauologolo i mataupu e tulai mai i lea taimi ma lea taimi, ae tua foi a outou Afioga e ala atu i le fausia o ni Tulafono e pasia e le Palemene e faatonutonu ai lava le mataupu o lo o tulai mai pea ni faafitauli.

E maualuga le faamoemoe, o le tatou Faamasinoga lenei o Fanua ma Suafa, o lea ua ave i ai se vaauga faamuamua i auala e mafai ona faamalosia ai ia lea foi vaega tau Faamasinoga i totonu o le atunuu, aua o le mea moni lava, o suafa e o faatasi ma o tatou fanua po o tatou eleele, ma ua faatupulaia le fuainumera o faamasinoga i luga o tatou eleele – ma o le isi foi faiga faavae lea faale-Faamasinoga e ao foi ona silasila totoa i ai le Afioga i le Peresetene ma le mamalu o le Faamasinoga o Fanua ma Suafa, aua o le Aseta tele lea a le tatou atunuu, o eleele faale-Aganuu. Ma e maitauina pea, e faafaigata lava ona maopoopo lelei faaiuga fai i eleele pe a le mafai ona faamauina pe lesitalaina i se tulaga ua fua o tatou fanua. O lo o vaai foi le Malo i le tulaga aua e oo foi i tuaoi tetele o itumalo po o nuu, e le o i ai lava se tuaoi faapea ua mafai ona fuaina po o ua faamauina. Ia atonu foi e malamalama le Maofa, o lenei gaioiga, e le o se gaioiga faigofie pe taugofie. Ae o tapenapenaga uma ia e ao ona oo atu i ai ma fuafua i ai le tatou tamaoiga ina ia mafai ona aumai foi le galuega faa-Faamasinoga ia e tuliloa ai lava le faiga faavae lea e i ai le tatou Tala i le Tupe lea i luma nei o le Lauilau a Fono, o le faatupulaia lava lea o le tamaoiga o le tatou atunuu. A o le isi aseta tele lea a lo tatou atunuu, o tatou laufanua. Ma e ao ona gaioi mai foi le Faamasinoga ia i lana pitolaau i le faamaopoopoina, aemaise foi o le puipuia mai o le umia o tatou fanua faale-Aganuu. Ia pei ua auala i le mataupu o le tauto pepelo po o le faia o le faamatalaga pepelo ia nisi faamatalaga faaopoopo ua ou tuuina atu, ae o le vaega lava lea o le faiga faavae faa-Faamasinoga, o se mea ua vaai foi i ai le Matagaluega e faatalalanoa i le Peresetene po o le Afioga foi i le Faamasino Sili, o itu e ao ona silasila i ai le Faamasinoga i le faatautaiga o mataupu e oo atu i luma o a latou afioga, aemaise o le faia o faaiuga e tatau ma talafeagai ma le amiotonu.

Ia lau Afioga i le Fofoga Fetalai, pei na o le pau ia o nai mataupu sa talanoaina i felafolafoaiga i luga o le tatou Tala Faaopoopo (Nu. 1) 2013/2014, ae maua ia lou avanoa ona o lea lava e talanoa pea ia sui usufono mamalu i auala galue, vai, eletise, aoga ma falemai, e momoli atu ai lau faafetai i le Afioga i le Minista mo Galuega, Felauaiga ma Atinae Eseeē, ona ua maea se faisi o auala galue i totonu o lo i tumalo. O le tausaga fou e atoa ai le 30 tausaga talu ona ou sui usufono, ae o le lona lua ai lea o auala galue o lou itumalo ua mafai ona faatino.

23 JANUARI 2014

Tulafono Tau Faaoi o le Faatatauina o Tupe Faapoopo (Nu.1)
2013/2014 – felafolafolaga faaauu i luga o le faitaunga faalua

O lea ia, ia ou te faamafanafana atu ai i a outou Afioaga o lo o mafatia pea o outou finagalo i a tatou auata, ia e tuai lava, ae fai mai lava le faaoemoe o le Afioaga i le Minisita ma le tatou Malo.
Ia manuia lau Afioaga, soifua ma ia manuia le Fono.

FOFOGA FETALAI: Malo, faafetai i lau Afioaga i le Tamaitai Minisita o le Matagaluega, e le faaititia le agaga faafetai atu. E manatu foi e le tuua i lalo le va nonofo le afio o le Afioaga i le Palemia ma le Kapeneta, le Afioaga i le Faamasino Siih ma le Matagaluega, aemaise le Fofoga Fetalai ma le Palemene.

O le va faalaloai lena o lo o tausi ai Faigamalo lelei aua le lumanai manuia o Samoa. Ia o ou mama na lau Afioaga i le Tamaitai Minisita, ia manua foi le soifua laulelei aua le afio o le Afioaga i le Faamasino Siih, le Afioaga i le Peresetene o Faamasinoga, o lo o nafa ma gapia o le tele o faafitauli o le atunuu o lo o fai atu, e le gata o Fanua, Suafa a o Apili ma le mau mea o lo o fai atu. Ia ae mau pea le toovae i lau Afioaga i le Sao Faapito, faamanuia le Atua i le 30 o Iou tulai mai. E le o ni tausaga latifiti nei tausaga, o lona ulga e te toe auha le 30 tausaga o le lumanai, ina ia maua pea Iou soifua manuia aua le fautuaina o le tatou Malo ma le valaauina, manuia foi le tapuai mai a le itumalo.

Tulai mai lau Afioaga i le Sui Palemia, o lea ua oo i Iou tahmi e te tali ai i mataupu sa laga e ala i lau Matagaluega, tulai mai lau Afioaga i le Minisita.

Tofa Hon FONOTOE NUAFESILI PIERRE LAUOFO (Sui Palemia, Minisita mo Pisini, Alamannua ma Leipa): Faafetai i lau Afioaga i le Fofoga Fetalai, e faatalofa atu ma ofo alofa atu foi i le tapuaiga a le atunuu, le tapuaiga a Samoa i ona paia ma ona tulaga faalupelupeina, faafetai le tatalo, faamalo le folau, o lea foi ua amatatia lenei tausaga fou ma le tatou folauga. Ia alofa mai le Atua ia faapena ona faatunuunuina a tatou fuafuaga i Lona alofa ma Lona agalelei.

O le a ou le toe tautala i paia faaifogata o le atunuu, aua o paia e tumau o sa ma faiga e le avea, ona ou faapea lea, ia o le a faataloto atu ia paia na.

Lau Afioaga i le Fofoga Fetalai, o lea ua tuana'i atu le louloua o le tau sa feagai ma tatou, a o lenei ua tatou folau mai i lagi manino aua le faaauuina o le tatou galuega. Lau Afioaga i le Fofoga Fetalai o lo o faagasosolo pea polokalame a lo tatou Malo, i le va lea ma le vaega faipisinisi tumaoiti o lo o faaauau pea i tulaga lelei ma faagasosolo a tatou polokalame i le faiga paaga lea, pei ona saunua ai nisi o Afioaga i Minisita.

I le fesosoani e mafai ai ona fesosoani lo tatou Malo aemaise lava i le tulaga lea i le faatauina atu o a tatou oloa gaosi i fafo, oloa o lo o gaosia i Samoa.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaiga faaaauu i luga o le faitauga faalua

E le gata i oloa gaosi, ae faapea foi le tulaga lea o lo o galulue vaavaalua ai ma le Matagaluega o Faatoaga i le faatauina atu o tatou fua o faatoaga, ia faapea foi oloa gaosi. Aua o nisi o tatou oloa o lo o gaosi i Samoa ma saunia lelei Samoa, o lo o faaogaina ai fua o tatou faaeleleaga, ona faapena lea ona faatauina atu i fafo.

O le masina o Novema i le tausaga na sei mavae atu nei, o lena sa taumafai ai foi le tatou Malo i se faiga faapaaga ma le Sosaiete o le Au Gaosi Oloa, ia faapena ona faia se faaaliga oloa i Niu Sila i Aukilani, ma o se tulaga lelei sa tulai mai i le sapaapaia ma le lagolagoina e le aufaipisinisi i Niu Sila faapea foi ia tatou tagata Samoa o lo o faipisinisi i Aukilani. E tele ia oka sa faapena ona faamauiina aua le faatauina atu o nisi o oloa, a o le mea sa maitauina, o nisi o tatou oloa, e le lava le tulaga foi lea o le supply atu iinei. O lona uiga o lo o i ai lava le vaega tele o le maketi i Niu Sila e le matai ona faamalieina. O le tulaga la lea o lo o galulue ai lava i polokalame o lo o faagasolosolo pea i le lagolagosua a le tatou Malo faatasi ma le aufaipisinisi tumaoti ina ia fai ni faiga foi lea ina ia faamalieina ai maketi ia, aua o le tulaga lelei o lo o i ai tulaga o oloa e gaosi pe saunia i fua o faaeleleaga, ia tulaga ia e manuia ai tagata lautele o le atunuu, o le aufaifaatoaga o lo o fia maua seleni. O le vaega la lea o lo o galulue atu i ai aua le faaogaina mai o latou faaeleleaga.

Sa saunoo se tasi o sui usufono i le tulaga foi lea, po o le a la nisi faiga metotia ia faapena ona faatupulaia pe faateleina a tatou oloa e faatauina i maketi i fafo. Sa i ai le finagalo sa faaalii e faapea, e tatau foi i nisi o tatou aufaipisinisi ona faatu ni a latou faleoloa i Niu Sila e auina atu ai a tatou oloa e faatau ai, faataitai pei o faiga ia e fai ai mo Initia Fiti, o se tulaga lelei lea tulaga. Ma o le tala fiafia o lo o ua i ai le aufaipisinisi Samoa ua faia lea tulaga. E i ai foi le susuga ia Frankie, aua o Frankie lea e tele ana pisinisi o lo o faia i Samoa. Na ma talatalanoa pei lava o le masina o Oketopa i le tausaga na tea nei ua na faia le tulaga lea, ua i ai lana faleolao i ina i Magele, o lana ia la faiga la e fai ai, e auina atu oloa Samoa e faatau ai i ina i lana faleoloa lena, o oloa gaosi, o meataulima, o fua o faatoaga, e i ai foi ma le talo, o le talo foi ia o lo o taumafai ia e toe faaofi atu i totonu o maketi o talo, e manatua ua leva ona le toe i ai se talo e avatu i Samoa i totonu o le maketi o talo i Niu Sila. O lo o faapena ona pei ona silafia, ona o lo o faapena ona tele talo Fiti – ma e sao le finagalo lea sa faaalii, aua e avatu lava foi i faleoloa a Initia Fiti o lo o i Niu Sila ma o lo o faapena ona ave le faamuamua i a latou oloa mai Fiti, o le tulaga lena. A o le faiga la lea e faafetai ai foi i lea faipisinisi Samoa ma latou o isi faipisinisi Samoa, ua amata le faiga lea, aua pau lea faiga e faaifigofie ai ona faatau atu le tatou oloa i Niu Sila.

O nisi faiga e fai ai nisi faiga, ia o le agai sa'o lava o lo o i ai a tatou community Samoa i atunuu i fafo, o le mea lena o lea sa fai e le isi tamalii sa auina atu ia oloa e aofia ai ma talo i Amerika i Kalefonia. O lana ia lena faiga sa fai ai, sa agai sa'o lava i aulotu ma ekalesia Samoa, e tele la le fesoasoani ma le tulaga e i ai.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafolafoaiga faaanau i luga o le faitauga faalua

Aua o le maketi aemaise lava mea ia o fua o faacelecega e i ai le talo i Kaletonia i Amerika, o lo o tauva ai i totonu o le maketi lea le talo mai Fifi, talo mai México, talo mai Jamaica, ma le talo mai le isi vaega o Saint America, o lea la e tau faaofi atu ai ma le tatou talo, ua leva e lei toe i ai se talo e auina atu i Samoa, e le faigofie la o lea e tau faaofi malle atu, ae o lo o lelei le tulaga lena, ua ou tautata au i le talo ae le na o le talo aua o lea foi e taumafai atu ma isi a tatou oloa ia gaosi, i le galuega lea e fai nei faatasi faapaga ma le tatou Private Sector. Ia pei o vaega ia o lo o galulue ai, ae o lo o lelei taumafaga o isi a tatou polokalame o lo o taumafai ia tulaga ia faaigofie ai ia le tulaga o le auina atu o tatou oloa i fafo, aua e fesasoani tele lea i le tatou tamaoaga. Ia pei o vaega lea sa afea e saunoga tasi pe lua ni sui usufono o le Maota, e tusa ai ma galuega o lo o fai i le Matagaluega o lo o i lenei Sector.

Lau Afioaga i le Fofoga Fetalai....

Tofa Lealalepule Rimoni Aiafi: Lau Afioaga i le Fofoga Fetalai....

FOFOGA FETALAI: Malle lau Afioaga i le Sui Palemia, sei tulai mai le sui usufono sa aafia i lana saunoga le mataupu. Tulai mai le sui usufono mo Faleata Sisifo.

Tofa Lealalepule Rimoni Aiafi: Pel o lea ua saunoa le Afioaga i le Palemia po o le Ministia i mea lava ia o export o oloa e ave i fafo, o le mea taua, ae pei o le mea lea sa ou lagaina atu, o le import substitution, o mea foi nei o mea gaosi iinei poo le a se faamamafa o i ave i ai ma se tagai marmao a le Malo i le faaogaina o a tatou mea e fai iinei. Aua a le mafai ona faamalieina le ave i fafo, at least o lea e faamalieina le....

FOFOGA FETALAI: Malo. O lea ua maua atu le finagalo o le sui usufono. Tulai mai lau Afioaga i le Sui Palemia.

Tofa Hon FONOTOE NUAFESILI PIERRE LAUFOFO: Lau Afioaga i le Fofoga Fetalai, o le tulaga lava ia o oloa gaosi iinei i le mataupu tonu lava lea i le import substitution, o le mea lava ua leva ona taumafai o lo o fai foi iinei aua o le tulaga foi lele o oloa o lo o auina mai totonu o le atunuu ae mafai ona gaosi iinei, o oloa la na o lo o gaosi ma o lo o faaanau pea le tulaga lea ina ia gaosi iinei ina ia faamalieina ai le maketi i Samoa, a o le isi vaega tele e faapena ona faatauina atu i fafo ina ia aua ai nei toe aumai i totonu pe faatau mai totonu o le atunuu oloa lava ia e tasi, e mafai foi ona gaosi i Samoa. O le tulaga lena o loo i ai.

Lau Afioaga i le Fofoga Fetalai, ia afofagia e le Atua, ia agalelei le Atua i le tulaga o galuega o lo o feagai ai, faamalo le faapalepale, faamalo foi le onosai. E le faigofie lau galuega. E momoli atu foi le faamalo i lau Afioaga i le Palemia, le Kapeneta ma au Ministia Lagolago i le tatou foi pitoaanu o lo o faapena ona taumafai ai le atiaeina o le tatou atunuu.

Tulafono Tau Faaofii o le Faatatauina o Tupe Faaopoopo (Nu.1)
2013/2014 – felafolafolaiga faaauau i luga o le faitauga faalua

Ia, liua le vai o le tamaitai i lena itu o le malu i lau Afioga i le Taitai o le Itu Agai, faamalo. Ia maua pea lou soifua laulelei, aua o taua e uo, ioe. A o lau fua atu i saunoaga a lau vaega i le tauaofiaga lenei, ua te i lau faalogo, ua ese, e pei e foliga mai na o au lava lau uo lea e i ai, ua le toe i ai sau uo i ina i le Itu lena. O le mea lea, ia malo le onosai, e faapena lava le tulaga o i ai. O lea ua maua i lau faitau atu i vaialaina o saunoaga a le tou Itu, faamalo. Faafetai. E ese foi le mea lea ua ou faalogo atu i ai i saunoaga. E ui lava ina na te lei talia lau fautuaga na ou fautuaina ai lau Afioga e aua e te teva atu i ina, tatou te nononofo pea iinei, o lea e lelei lenei Itu. Ae peitai, e sao ai le saunoaga a le Afioga i le Palemia i le aso ananafi, ua e mao. E le gata la ua e mao, ae ua ou vaai atu ua e salamo.

Afioga Hon Palusalue Faapo II: Lau Afioga i le Fofoga Fetalai, sei ou tali atu i lau uo. Ae lelei lou tali i ai manu e lei....

FOFOGA FETALAI: Sei maea atu ona e tali lea i lau uo. Ia lava mai le onosai lau Afioga i le Taitai o le Itu Agai, I will give you the chance.

Tofa Hon FONOTOE NUAFESILI PIERRE LAUOFO: O lea la faafetai o lea ua ou vaavaai atu, se faafetai, e sao, e talafecagai, ua tatau, ua matua selau pasene le mea lea ua ou vaavaai atu i ai, ua tatau foi ona tulai mai le sui usufono mo Faleata Sisifo sei Taitai ia. Ua lava lea taimi sa faa-Taitai ai oe le Taitai o le Itu Agai, ioe, lea taimi tele sa faa-Taitai ai oe....

Afioga Hon Palusalue Faapo II: Silasila la o le a oo lava ina sese tele. O lea ua ou tulai atu e faamuta le tala a lau uo, aua e leai lava ma sana pisinisi i le matou Itu ae ou te alofa atu ia oe i le mea lea e i ai.

FOFOGA FETALAI: O lea o le a avatu... Honourable, e uma ona avatu lea o le avanoa.

Tofa Hon FONOTOE NUAFESILI PIERRE LAUOFO: Ia silasila la oe i ai? O le mea la lea, o lea ua ou alofa atu, talofa e. Na pau lava la o le mea e fai, fai le mea mamalu, step down. E mamalu le mea lena. Silasila la i ai? E aumai aloaia lava i i, a ua uma foi sia mea. Aua o lena ua e Taitai, o le a la le isi mea? Aua o faiga faavae lava ia a le Maota, a uma loa ona Taitai i ina, ona toe foi mai foi lea iinei i lenei Itu. Silasila la i ai? Aua e amata uma atu lava i i, alu atu i ina, o lea foi la ua toe iu mai i i. Silasila foi i le Afioga i le Minisita mo Faatoaga ma Faigataiva, ia, faafetai. O lea foi la ua toe foi mai iinei. Na pau lava ia le esesega.....

23 JANUARI 2014

Tulafono Tau Faaofi o le Faatatauina o Tupe Faaopopo (Nu.1)
2013/2014 – felafolafolaiga faaauau i luga o le faitauga faalua

Afoga Hon Le Mamea Ropati: Lau afoga, o le mea la lea e pei ua fai le misa a le uo lea a o lea o le a agai mai fua. Ou te faapenei atu ia outua ia e toatua, leaga o outua e te lua laiti, fesili muamua mai i le tagata na amataina le HRPP.

FOFOGA FETALAI: Malie ia lau Afoga i le Sui Palemia.

Tofa Hon FONOTOE NUAFESILI PIERRE LAUOFO: E pei e faapena se lagona, e leai o tala faauo ia na fai atu nei, ae faafetai. O le tulaga lena, ua oo foi i lou e te step down ai. Faafetai.

Ia agalelei le Atua i lena Itu o le Malu, ia maua pea lo outou soifua laulelei. O le tausaga lenei, a o lea e maitau atu, tausaga fou ona uma lea o le tatou Paeaiiga. E uma lava le tatou Paeaiiga ma uma atu ai ma le Tautua e le toe i ai se Tautua. Ia o le mea ia lea, omai tatou faitalimea faatasi, ia alofagia e le Atua le Ofisa.....

Tofa Lealalepule Rimoni Aiati: Lau Afoga i le Fofoga Fetalaia....

Tofa Hon FONOTOE NUAFESILI PIERRE LAUOFO: Ia, le tatou itumalo, ia manuia tele le tausaga fou. O lea lava tatou te feiloai pea. Ia alofagia e le Atua le tapuaiga a lou itumalo, faafetai le tatalo, faafetai le tapuai. Ia manuia le Fono.

FOFOGA FETALAI: Le sui usufono mo Faleata Sisifo, se ou te ofo lava au i lou le masani, o lea sa fai le felafolafolaiga a le faigano taupelu lea, aua e i ai foi taimi.....

Tofa Lealalepule Rimoni Aiati: E leaga o le matou uo e toatolu le matou uo na amataina le mea. Ae uma ifo ua ou sau ma afro mai ma le Taitai o le Itu Agai ae nofo ai i o le Sui Palemia. O lona uiga, o lea ia faatoa sao le tofiga a le Sui Palemia, ua tatafu la ona ou Taitai. Poo le sao lea?

FOFOGA FETALAI: Malo faafetai. Ou te manatu ua manino ma malamalama le folasaga a lau Afoga i le Sui Palemia e ala foi i le tauaveina o lenei Matagallega taua a le tatou atunuu. E faamalo atu, malo le faapalepale, faafetai le vaai mamao ma le silasila e pei lava ona taunafai saunoga a sui usufono, e taua a tatou oloa gaosi iinei ma auina atu i maketi i fafo. Ia lafo atu ia i lau Afoga ma le taunafaiiga, o ou mama na. O a foi feupuaiiga o lenei afaifi, o suaga lava o le vaatele. O le Maota lenei o le Maota o le faasuga e vaifilili ai le tofa ma le faautautaga a le atunuu. Ia a uma atu lava iinei ona maape foi lea ua uma foi sia fuliauvi, o manatu lava ia o ni upu felafetai e ui ina tele ai tupe a le nusipepa, ae soia ia o lea ua malamalama lenei mataupu.

Tulafono Tau Faaofi o le Faatatauina o Tupe Faaopoopo (Nu.1)
2013/2014 – felafalafaiga faaauau i luga o le faitauga faalua

O lea ua taatia i lagatonu le faamoemoga o manatu foi sa faaalua e nisi o Afioga i sui usufono, ia, e leai lava se faiva e aunoa ma se maumau, a o le faamoemoga, ia tatou maua pea le vatapuia ma le va nonofo e faafoefoe ai le tatou Fono.

Ia, lafo atu ia i lau Afioga i le Palemia, o lea ua tino taua o le tali a le Kapeneta ae lafo atu ia i lau Afioga e faaiu mai ona tatou agai loa lea i le iloiloga auiliili o le tatou Tulafono Tau Faaofi.

Susuga Hon TUILAEPa FATIALOFA LUPESOLIAI AIONO NEIOTI
SAILELE MALIELEGAOI: Lau Afioga i le Fofoga Fetalai, se ua matua manaia tele le mea lea ua oo i ai le tatou Fono. O lea ua manaia le faaiuga ua faalelei le Sui Palemia ma le Taitai o le Itu Agai.

Ia, lau Afioga i le Taitaifono o le Komiti o Tupe Maua ma Tupe Totogi ma le Minisitā o Tupe, ia faalelei foi oulua.

A o tatou i ai i i, tatou o loa e auiliili le tatou Paketi.

FOFOGA FETALAI: Ia, fafetai atu i lau Afioga i le Palemia. E manatu o lea ua... na pau lava lea e le o alaala mai i le Taitaifono o le Komiti o Tupe Maua ma Tupe Totogi.

Ia, e le afaina lea, masalo o ia e faafogafoga mai tua lana Afioga. Ae faatea sia fuilauvi ae faasolo le tatou galuega.

Na faamaonia le lafo na faatuina i le aso 17 Tesenā, 2013 ma faitauina ai le Tulafono Tau Faaofi o le Faatatauina o Tupe Faaopoopo (Nu.1) 2013/2014 i lona faitauga faalua.

TULAFONO TAU FAAOFIO LE FAATATAUINA O TUPE FAAOPOOPO (NU.1) 2013/2014 – iloiloga auiliili

FOFOGA FETALAI: O le a sagai atu loa le Fono Aoa o le iloiloga auiliili o le Tulafono Tau Faaofi o le Faatatauina o Tupe Faaopoopo (Nu.1) 2013/2014.

I le faasologa o le iloiloga auiliili o le Tulafono Tau Faaofi, e mafai ona saunoa faatepa sui usufono i mataupu o lo o tusia i le Pepa 2013/2014 Nu.54, Tala Faatatau Faaopoopo Muamua o Tupe Maua ma Tupe Totogi a le Malo o Samoa mo le tausaga faaiuna aso 30 Iuni 2013, atoa ai ma le Pepa 2013/2014 Nu. , Lipoti a le Komiti o Tupe Maua ma Tupe Totogi a le Malo o Samoa mo le tausaga faaiuna aso 30 Iuni 2013.

E tusa ai ma Tulafono Tumau 134, e amata le iloiloga auiliili o le Tulafono Tau Faaofi i ona Faamatataga.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu. 1)
2013/2014 – iloiloga autilili

FAAMATALAGA MUAMUA
VAEGA MA TALA FAATATAU
FAAOPPOOGA I TUPE FAATATAUINA

MATAGALUEGA FAAMATALAGA AOFAI TUPE ALU

FAATOAGA MA FAIGAFAIVA: \$99,588.

Faamaonia.

PISINISI, ALAMANUIA MA LEIPA: \$72,215.

Faamaonia.

FESOOTAIGA MA FAAMATALAGA TEKONOLOSI: \$234,459.

Faamaonia.

AOGA, TAALOGA MA AGANUU: \$1,639,529.

Faamaonia.

TUPE: \$6,219,288.

Faamaonia.

MATAUPU TAU LE VA I FAFO MA FEFAATAUAGA: \$81,072.

Faamaonia.

SOIFUA MALOLOINA: \$1,597,611.

Faamaonia.

23 JANUARI 2014

Tulafono Tau Faaofi o le Faatautauina o Tupe Faaopoopo (Nu. 1)
2013/2014 — iloiloiga auiliili

FAAMASINOGA MA PULEGA TAU FAAMASINOGA: \$84,972.

Faamaonia.

PUNAOA FAALENATURA MA LE SIOSIOMAGA: \$2,043,623.

Faamaonia.

LEOLEO MA FALEPUIPUI: \$918,802.

Faamaonia.

PALEMIA: \$271,992.

Faamaonia.

TUPE MAUA: \$77,977.

Faamaonia.

TINA MA TAMAITAI, ATINAE O NUU MA AFIOAGA MA
AGAFESOOTAI: \$587,212.

Faamaonia.

GALUEGA, FELAUAIGA MA ATINAE ESEESE: \$,67,918.

Faamaonia.

23 JANUARI 2014

Tulafono Tau Faaofī o le Faatatawina o Tupe Faaopoopo (Nu. 1)
2013/2014 – Iiloga aulihii

LOIA SILI: \$38,078.

Faamaonia.

SUETUSI: \$36,906.

Faamaonia.

KOMESINA O FAIGA PALOTA: \$17,142.

Faamaonia.

FONO AOAO FAITULAFONO: \$174,515.

Faamaonia.

KOMESINA O SULUFAIGA: \$4,301.

Faamaonia.

KOMISI O LE AUFALGALUEGA O GALUEGA A LE MALO: \$114,036.

Faamaonia.

OFISA O FUAINUMERA FAAMAUINA: \$229,560.

Faamaonia.

KOMISI O LE TOEFFUATAIGA O TULAFONO: \$10,018.

Faamaonia.

23 JANUARI 2014

Tulafono Tau Faaofi o le Faatatauina o Tupe Faaopoopo (Nu. 1)
2013/2014 – iloiloga auiliili

AOFAI FAAOPOOPOGA I TUPE ALU AOA O 2013/2014: \$14,620,812.

Faamaonia.

FAAMATALAGA LONA LUA
FAAITHITIGA I TUPE FAATATAUINA

MATAGALUEGA FAAMATALAGA AOFAI TUPE FAAITHITIA

KOMISI O GALUEGA A LE MALO: \$76,620.

Faamaonia.

FONO AOA O FAITULAFONO: \$120,000.

Faamaonia.

AOFAI FAAITHITIGA AOA O I TUPE ALU 2013/2014: \$196,620.

Faamaonia le Faamatalaga e avea ma vaega o le Tulafono.

FUAIUPU 2: Faamatuu atu ma le Faatatauina o le \$14,620,812 mai le Faaputugatupe a le Matagaluega o Tupe.

Faamaonia.

FUAIUPU 3: Faamatuu atu ma le Faatatauina o le \$9,155 mai le Teugatupe a le Tausi Mavaega.

Faamaonia.

23 JANUARI 2014

Tulafono Tau Faaoifi o le Faatatauina o Tupe Faapoopo (Nu. 1)
2013/2014 – Iloiloga aulilili

FUAIUPU 4: Faaititiga o aofaiga na uluai faatatauina ma toe faasoasoa atu i isi galuega faatino ma galuega faatino laiti.

Faamaonia.

FUAIUPU 1 MA LE IGOA:

FUAIUPU 1: Igoa puupuu ma le amataga.

IGOA: Faatatauina o Tupe Faapoopo (Nu. 1) 2013/2014.

Faamaonia.

Na faagasolo le Tulafono Tau Faaoifi o le Faatatauina o Tupe Faapoopo (Nu. 1) 2013/2014 e aumoa ma se Teuteuga.

**TULAFONO TAU FAAOIFI O LE FAATATAUINA O TUPE
FAAPOOPO (NU. 1) 2013/2014 – faitauga faatolu**

FOFOGA FETALAI: Tulai mai lau Afioaga i le Minisita o Tupe.

Afioaga Hon FAUMUINA TIATIA FAAOLATANE LIUGA: Lau Afioaga i le Fofoga Fetalai, ou te faatu le lafo, *Ina ia faitauina nei le Tulafono Tau Faaoifi o le Faatatauina o Tupe Faapoopo (Nu. 1) 2013/2014 i lona faitauga faatolu.*

Faahaina e le Sui Palemia; Minisita mo Tupe Mau; Minisita mo Fesootaiga ma Faamatataga Tekonolosi ma le Minisita mo Tina ma Tamaitai, Athae o Nuu ma Afioaga ma Agafesootai.

Na faamaonia le lafo ma faitauina le Tulafono Tau Faaoifi i lona faitauga faatolu ma faapea ona pasia le Fono Aoso Faitulafono.

TOLOPOINA

FOFOGA FETALAI: E faastlasila atu ua maea ona faagasolo le Tulafono Tau Faaoifi o le Faatatauina o Tupe Faapoopo (Nu. 1) 2013/2014 i le Palemene ua potopoto ma ua faapea ona pasia le Fono Aoso Faitulafono.

Tolopoina

Ou te manatu, aumai se tatou patipati tele. *(Na faaalila le agaga fiafia o le Palemene ina ua pasia le Tulafono Tau Faaofi o le Faatatauina o Tupe Faaopoopo (Nu. 1) 2013/2014 e ala i le patipati o latou aao).*

E manatu o lea ua tatou taunuu i le taunuuga o le tatou galuega i leni itula afiafi, o lea sa i ai le popolega i le Afoga i le Taitai o le Malo ma le Kapeneta o le a faapoopo le tatou taimi, ae ua usitai le Itu Agai ua leai lava se isi e faalava i le taumafaiga o le iloiloga auilili. O lona uiga ua manino mea uma, ae talosia ia faapea uma Tala o Tupe uma ia tuu atu loa, pasia loa. E momoli atu ai le faafetai tele.

O le a le ta'ia i fale le tuleiga ma le saunoaga i leni aso, e manatu foi o lea ua ae i tiaseu la outou faasauga Samoa i le tagutugutu o le vao ma le loloto o le vanu aua e leai lava se isi e fagota sagolegole, leaga o le tofa e saili i ai le manuia o le atunuu o lo o tapuaia o tatou faiva i itula afiafi faapenei i le goto ifo o le la ma le falii o le la i lona tauafiafi, a o lo o tapuai Samoa, ae e le avea ai le agaga faafetai tele o le Nofoa ona o lea ua tatou taunuu i le taunuuga o faamoemoega o le Fonotaga o lenei masina.

E momoli atu le agaga faafetai tele ma le faamalo i le faaalila o taofi aemaise o finagalo i la outou tofa saili ma le faautautaga oo ma o le finagalo lava lea o le atunuu leaga o outou na fa'ia mai le fuifui lupe, o le filiga a Samoa e lei faigofie, na tatala ai le auafa mau i Tiafau, o le Malae o le taga-mamanu a le atunuu e leai lava se isi e soona tago faatumutumulima i sona manatu ma sona lagona.

E talitonu ai ua matua saausi lava le faamoemoe ma ua logo i logo a, ua matua malie le faalogo, ua malie le toga, sao faalalelei i tuleiga ma saunoaga o leni Tala Faatatau Faaopoopo o le Tupe. O le mea sili ma le taua ua maea le tatou galuega tele. E momoli atu ai le agaga faafetai i lau Afoga i le Taitai o le Malo ma lau Kapeneta, malo le tali, malo le ta aua o lea lava sa masui le paia ma le mamalu o le Palemene e fesili atu ma aumai ma avatu ma o lea lava sa outou faatonutonu folau i le tatou va i le la afa ma le la fala, o lea ua tatou taunuu i afiafi o tauleleia.

Ona ou manatu lea, malilie lo tatou Maota o lo o i ai nisi o a tatou Tulafono Tau Faaofi taua o lo o tuu mai i le auala faanatinati, aemaise foi o tulaga e pei ona silafia o lo o faatalitali mai foi nisi o Tulafono Tau Faaofi taua i le aso a taeao, o lea o le a toe faaauau ai le Fono i le aso a taeao, ae ua manatu tele atu ona ua fai sina tele o galuega tuua a le Palemene, e tatalo atu ai foi i le Taitai o le Malo ia alofagia ia tuumamaina a tatou galuega, ae e le uma le fai aso o le Alii.

E ui o lea, e momoli atu le faafetai tele i leni afiafi. E talitonu le faamoemoe, ua atoa tino o Vaatausili na moe i le ana. Ua manino ma malamalama mea uma i le tatou vaavaai ma le silasila, ae manatu i le tapuaiga a Samoa. E le auaoa foi le lagi i le tapuaiga a le Aufaigaluega

Paia a le Atua o lo o talafautu ma latou tatalo ina ia foai mai le Agaga o le Alii. O fea lava e fesuaai i ai upu ma tala faale-lalolagi, tatou te sulufai lava i le Agaga ma le faamalosi'au a lo tatou Alii Faaola ina ia o tatou galulue e faaoga o tatou tagata mo Lana feau ma lo tatou valaauina.

23 IANUARI 2014

Tolopoina

A o lei faaiuina le tatou Fonotaga i lenei aso, ou te valaau atu i le toe ulutala o le Maota, lau Afioaga i le Sui Taitai o le Itu Agai, sei e tulai mai e fai se tatou tatalo faaiu ona faaiu ai lea o le tatou Fono.

Tatalo.

*Na tolopo Taualumaga a le Fono Aoa o le Itula e 7:00 i le afiafi seia
aulia le itula e 9:00 i le taeano o le Aso Faralle, 24 Ianuari 2014.*

ASO FARAILE, 24 JANUARI 2014

Na nofoia le Nofoa e le Fofoga Fetalai i le itula e 9:00 i le taeao.

Tatalo.

FOFOGA FETALAI: E faatalofa atu i le paia o le Palemene i lenei taeao fou; malo le soifua malo le usufono. Malo le faamalolosi mai i lo outou paia ma lo outou mamalu aua le faaauauina o a tatou galuega o lenei aso. O le tatou Fonotaga ua faamoemoe e faamaea i lenei Aso Faraile ona o lo o i ai nisi o tuatuaono o le Malo aemaise foi o polokalame mo le faamaeaina o Fonotaga o lenei masina. O le a se mea o le a tatou ausia i lenei aso, e le uma ai le faiaso o le Alii. Ou te talitonu o lo o sau malama i se itula ua uma ona faatulaga e le Komiti o Galuega a le Maota e faapena ona faasolosolo ai a tatou Galuega.

**TULAFONO TAU FAAOFI O TEUTEUGA O LE FAAVAE
(NU.2) 2013 – faitauga faatolu**

FOFOGA FETALAI: A o lei faagasolo le faitauga faatolu o le Tulafono Tau Faaofi o Teuteuga o le Faavae (Nu.2) 2013, o lo o i ai le Faasaoga i lalo o le suafa o le Afioga i le Palemia.
Tulai mai lau Afioga i le Palemia.

Susuga Hon TUILAEPA FATIALOFA LUPESOLLAI AIONO NEIOTI
SAILELE MALIELEGAOI (Palemia): Lau Afioga i le Fofoga Fetalai, a o lei see atu le Fono Aoa o le faitauga faatolu o le Tulafono Tau Faaofi, ou te faatu le Faasaoga e faapea:-

“FAASAOGA:

Ia aveese le fuainumera “(Nu.2)” ma le fuainumera “2013” ma suia i le Fuainumera 2014 ma fuitauna ai le Tulafono Tau Faaofi e faapea;

Tulafono Tau Faaofi o Teuteuga o le Faavae 2014”.

Faaluaina e le Sui Palemia ma le Minisita o Tupe.

Faamaonia le Faasaoga.